

LES PROPHETIES DE NOSTRADAMUS

-La Lettre a Cesar

-La Lettre au Roy Henry II

-Les Centuries

-Les Almanachs

La Lettre à César préfaçant les Centuries 1 à 7, édition de 1555

Ad Cæsarem Nostradamum filium vie et felicite.

C002 Ton tard aduenement cesar nostradame mon filz, m'a faict metttre mon long temps par continuelles vigiliations nocturnes referer par escript, toy delaisser memoire, apres la corporelle extinction de ton progeniteur, au commun profit des humains de ce que la Diuine essence par Astronomiques reuolutions m'ont donne congnoissance.

C003 Et depuis qu'il a pleu au Dieu immortel que tu ne soys venu en naturelle lumiere dans ceste terrene plaige, & ne veulx dire tes ans qui ne sont encores accompaignés, mais tes moys Martiaulx incapables à recepuoir dans ton debile entendement ce que ie seray contrainct apres mes iours definir:

C004 veu qu'il n'est possible te laisser par escript ce que seroit par l'iniure du temps oblitéré: car la parole hereditaire de l'occulte prediction sera dans mon estomach intercluse:

C005 consyderant aussi les aduentures de l'humain definement estre incertaines: & que le tout est regi & guberné par la puissance de Dieu inextimable, nous inspirant non par bacchante fureur, ne par lymphatique mouuement, mais par astronomiques assertions,

C006 Soli numine diuino afflati præsagiunt, & spiritu prophetico particularia [Ceux-là seuls qui sont inspirés par la Divinité peuvent prédire les faits particuliers avec un génie prophétique].

C007 Combien que de longs temps par plusieurs foys i'aye predict long temps au-parauant ce que depuis est aduenu & en particulieres regions, attribuant le tout estre faict par la vertu & inspiration diuine & aultres felices & sinistres aduentures de accelerée promptitude prononcées, que despuis sont aduenues par les climats du monde

C008 aiant voulu taire & delaissé pour cause de l'iniure, & non tant seulement du temps present, mais aussi de la plus grande part du futur, de metre par escrit, pource que les regnes sectes & religions feront changes si opposites, voyre au respect du present diametralement,

C009 que si ie venoys à reserer ce que à l'aduenir sera, ceux de regne, secte, religion, & foy trouueroient si mal accordant à leur fantasie auriculaire, qu'il[s] viendro[i]ent à damner ce que par les siecles aduenir on congnoistra estre veu & apperceu:

C010 Consyderant aussi la sentence du vray Sauueur, Nolite sanctum dare canibus, nec mittatis margaritas ante porcos ne conculcent pedibus & conuersi dirumpant vos [Ne donnez pas les choses saintes aux chiens et ne jetez pas les perles aux pourceaux, de peur qu'ils ne les foulent aux pieds et que, se tournant contre vous, ils ne vous déchirent]. Qui a esté la cause de faire retirer ma langue au populaire, & la plume au papier:

C011 puis me suis voulu extendre declarant pour le commun aduenement par obstruses & perplexes sentences les causes futures, mesmes les plus vrgentes, & celles que i'ay apperceu, quelque humaine mutation que aduiene ne scandalizer l'auriculaire fragilité, & le tout escrit sous figure nubileuse, plus que du tout prophetique :

C012 combien que, Abscondisti hæc à sapientibus, & prudentibus, id est potentibus & regibus, & enucleasti ea exiguis & tenuibus [Tu as caché ces choses aux sages et aux prudents, c'est-à-dire aux puissants et aux rois; mais tu les as révélées aux petits et aux faibles], & aux Prophetes: par le

moyen de Dieu immortel, & des bons anges ont receu l'esprit de vaticination, par lequel ilz voyent les causes loingtains, & viennent à preuoyr les futurs aduenementz,

C013 car rien ne se peult paracheuer sans luy, ausquelz si grande est la puissance & la bonté aux subiectz que pendant qu'ilz demeurent en eulx, toutesfois aux aultres effectz pour la similitude de la cause du bon genius, celle challeur & puissance vaticinatrice s'approche de nous: comme il nous aduient des rayons du soleil, qui se viennent getants leur influence aux corps elementeres, & non elementeres.

C014 Quant à nous qui sommes humains ne pouuons rien de nostre naturelle cognoissance, & inclination d'engin congnoistre des secretz obstruses de Dieu le createur, Quia non est nostrum noscere tempora, nec momenta &c. [Car ce n'est pas à nous de connaître les temps, ni les moments, etc.].

C015 Combien que aussi de present peuuent aduenir & estre personnaiges que Dieu le createur aye voulu reueler par imaginatiues impressions, quelques secretz de l'aduenir a accordés à l'astrologie iudicielle, comme du passé, que certaine puissance & volontaire faculté venoit par eulx, comme flambe de feu apparoir, que luy inspirant on venoit à iuger les diuines & humaines inspirations.

C016 Car les œuures diuines, que totalement sont absoluës, Dieu les vient paracheuer: la troisieme, les mauuais.

C017 Mais mon filz ie te parle icy vn peu trop obstrusement:

C018 mais quant aux occultes vaticinations que lon vient à receuoyr par le subtil esperit du feu qui quelque foys par l'entendement agité comtemplant le plus hault des astres, comme estant vigilant, mesmes que aux prononciations estant surprins escrits prononceant sans crainte moins atainct d'inuerecunde loquacité: mais quoy? tout procedoit de la puissance diuine du grand Dieu eternel, de qui toute bonté procede.

C019 Encores mon filz que i'aye inseré le nom de prophete, ie ne me veux atribuer tiltre de si haulte sublimite pour le temps present: car qui propheta dicitur hodie, olim vocabatur videns [Celui qu'on appelle aujourd'hui Prophète, était autrefois appelé Voyant]: car prophete proprement mon filz est celui qui voit choses loingtains de la cognoissance naturelle de toute creature.

C020 Et cas aduenant que le prophete moyenant la parfaicte lumiere de la ,pphetie luy appaire manifestement des choses diuines, comme humaines: que ne ce peult fayre, veu les effectz de la future prediction s'estendant loing.

C021 Car les secretz de Dieu sont incomprehensibles, & la vertu effectrice contingent de longue estendue de la cognoissance naturelle prenent son plus prochain origine du liberal arbitre, faict apparoir les causes q d'elles mesmes ne peuue[n]t aquerir celle notice pour estre cognuës ne par les humains augures, ne par aultre cognoissance ou vertu occulte comprinse soubz la concauité du ciel, mesmes du faict present de la totale eternité que vient en soy embrasser tout le temps.

C022 Mais moiennant quelque indiuisible eternité par comitiale agitation Hiraclienne, les causes par le celeste mouuement sont congnuës.

C023 Ie ne dis pas mon filz, affin que bien l'entendes, que la cognoissance de ceste matiere ne se peult encores imprimer dans ton debile cerueau, que les causes futures bien loingtains ne soient à la cognoissance de la creature raisonable: si sont nonobstant bonement la creature de l'ame intellectuelle des causes presentes loingtains, ne luy sont du tout ne trop occultes ne trop reserées:

C024 mais la parfaite des causes notice ne se peult aquerir sans celle diuine inspiration : veu que toute inspiration prophetique reçoit prenant son principal principe mouant de Dieu le createur, puis de l'heur, & de nature.

C025 Parquoy estans les causes indifferantes, indifferemment produictes, & non produictes, le presaigne partie aduient, ou à [a] esté predict.

C026 Car l'entendement créé intellectuellement ne peult voir occultement, sinon par la voix faicte au lymbe moyennant la exigue flamme en quelle partie les causes futures se viendront à incliner.

C027 Et aussi mon filz ie te supplie que iamais tu ne vueilles emploier ton entendement à telles resueries & vanités qui seichent le corps & mettent à perdition l'ame, donnant trouble au foyble sens: mesmes la vanité de la plus que execrable magie reprouuée iadis par les sacrées escriptures, & par les diuins canons :

C028 au chef du-quel est excepté le iugement de l'astrologie iudicielle: par laquelle & moyennant inspiration & reuelation diuine par continuelles veilles & supputations, auons noz propheties redigé par escript.

C029 Et combien que celle occulte Philosophie ne fusse reprouuée, n'ay onques volu presenter leurs effrenées persuasions: combien que plusieurs volumes qui ont esté cachés par longs siecles me sont esté manifestés.

C030 Mais doutant ce qui aduendroit en ay faict, apres la lecture, present à Vulcan, que pendant quil les venoit à deuorer, la flamme leschant l'air rendoit vne clarté insolite, plus claire que naturelle flamme, comme lumiere de feu de clystre fulgurant, illuminant subit la maison, comme si elle fust esté en subite conflagration.

C031

Parquoy affin que à l'auenir ne feusses abusé prescrutant la parfaite transformation tant seline que solaire, & soubz terre metaulx incorruptibles, & aux vndes occultes, les ay en cendres conuertis.

C032

Mais quant au iugement qui se vient paracheuer moyennant le iugement celeste cela te veulx ie manifester: parquoy auoir congnoissance des causes futures reiectant loing les fantastiques imaginations qui aduendront, limitant la particularité des lieux par diuines inspirations supernaturelle

C033 accordant aux celestes figures, les lieux, & vne partie du temps de propriété occulte par vertu, puissance & faculté diuine : en presence de laquelle les troys temps sont compris par eternité, reuolution tenant à la cause passée, presente, & future: quia omnia sunt nuda & aperta &c. [parce que toutes choses sont nues et découvertes, etc.].

C034 Parquoy mon filz, tu peult facilement nonobstant ton tendre cerueau, comprendre que les choses qui doiuent auenir se peuuent prophetizer par les nocturnes & celestes lumieres, que sont naturelles, & par l'esprit de prophetie:

C035 non que ie me vueille attribuer nomination ni effect prophetique, mais par reuelée inspiration, comme homme mortel esloigné non moins de sens au ciel, que des piedz en terre,

C036 Possum non errare, falli, decipi [Je ne puis point errer, ni faillir, ni être abusé]: suis pecheur plus grand que nul de ce monde, subiect à toutes humaines afflictions.

C037 Mais estant surprins par foys la sepmaine lymphatique, & par longue calculation rendant les estudes nocturnes de souefue odeur, i'ay composé liures de propheties contenant chascun cent quatrains astronomiques de propheties, lesquelles i'ay vn peu voulu raboter obscurément: & sont perpetuelles vaticinations, pour d'icy à l'an 3797.

C038 Que possible fera retirer le front à quelques vns en voyant si longue extension, & par souz toute la concauité de la lune aura lieu & intelligence: & ce entendent vniuersellement par toute la terre, les causes mon filz. Que si tu is l'vaage naturel & humani [vis l'aage naturel & humain], tu verras deuers ton climat au propre ciel de ta natiuité les futures auantures preuoyr.

C039 Combien que le seul Dieu eternel, soit celuy seul qui congnoit l'eternité de sa lumiere, procedant de luy mesmes:

C040 & ie dis franchement que à ceux à qui sa magnitude immense, qui est sans mesure & incomprehensible, ha voulu par longue inspiration melancholique reueler, que moyennant icelle cause occulte manifestée diuinement, principalement de deux causes principales qui sont comprises à l'entendement de celui inspiré qui prophetise l'vne est que vient à infuser, esclarcissant la lumiere supernaturelle au personnage qui predict par la doctrine des astres, & prophetise par inspirée reuelation: laquelle est une certe participation de la diuine eternité: moyennant le prophete vient à iuger de cela que son diuin esperit luy ha donné par le moyen de Dieu le createur, & par vne naturelle instigation:

C041 cestassauoir que ce que predict, est vray, & a prins son origine etheréement: & telle lumiere & flambe exigue est de toute efficace, & de telle altitude: non moins 'q la naturelle clarté & naturelle lumiere rend les philosophes si assurés que moyennant les principes de la premiere cause ont attainct à plus profondes abysmes de plus haute doctrine.

C042 Mais à celle fin, mon filz, que ie ne vague trop profondement pour la capacité future de ton sens, & aussi que ie trouue que les lettres feront si grande & incomparable iacture, que ie treuue le monde auant l'vniuerselle conflagration aduenir tant de deluges & si hautes inundations, qu'il ne sera gueres terroir qui ne soit couuert d'eau: & sera par si long temps que hors mis enographies & topographies, que le tout ne soit peri:

C043 aussi auant telles & apres inundations, en plusieurs contrées les pluies seront si exigues, & tombera du ciel si grande abondance de feu, & de pierres candentes, que ni demourra rien qu'il ne soit consummé: & ceci aduenir, & en brief, & auant la derniere conflagration.

C044 Car encores que la planete de Mars paracheue son siecle, & à la fin de son dernier periode, si le reprendra il: mais assemblés les vns en Aquarius par plusieurs années, les autres en Cancer par plus longues & continues.

C045 Et maintenant que sommes conduicts par la lune, moyennant la totale puissance de Dieu eternel, que auant qu'elle aye paracheué son total circuit, le soleil viendra, & puis Saturne.

C046 Car selon les signes celestes le regne de Saturne sera de retour, que le tout calculé, le monde s'approche, d'vne anaragonique reuolution:

C047 & que de present que ceci i'escriptz auant cent & septante sept ans troys moys vnze iours, par pestilence, longue famine, & guerres, & plus par les inundations le monde entre cy & ce terme prefix, auant & apres par plusieurs foys, sera si diminué, & si peu de monde sera, que lon ne trouuera qui vueille prendre les champs, qui deuiendront liberes aussi longuement qu'ilz sont estés en seruitude:

C048 & ce quant au visible iugement [iugement] celeste, que encores que nous soyons au septiesme nombre de mille qui paracheue le tout, nous approchant du huictiesme, ou est le firmament de la huictiesme sphere, que est en dimension litudinaire, ou le grand Dieu eternel viendra paracheuer la reuolution:ou les images celestes retourneront à se mouuoir, & le mouuement superieur qui nous rend la terre stable & ferme, non inclinabitur in sæculum sæculi [ne sera pas éternellement incliné] : hors mis que quand son vouloir sera accompli, ce sera, mais non point aultrement :

C049 combien que par ambigues opinions excedants toutes raisons naturelles par songes Machometiques, aussi aucune fois Dieu le createur par les ministres de ses messaigiers de feu en flamme missiue vient à proposer aux sens exterieurs, mesmement à nos yeulx, les causes de future prediction significatrices du cas futur, qui se doit à celui qui presaigne manifester.

C050 Car le presaigne qui se faict de la lumiere exterieure vient infalliblement à iuger partie avecques & moyennant le lume exterieur: combien vrayement que la partie qui semble auoir par l'œil de l'entendement,

C051 ce que n'est par la lesion du sens imaginatif: la raison est par trop euidente, le tout estre predict par afflation de diuinité, & par le moyen de l'esprit angelique inspiré à l'homme prophetisant, rendant oinctes de vaticinations, le venant à illuminer, luy esmouuant le deuant de la phantasie par diuerses nocturnes aparitions, 'q par diurne certitude pphetise par administration astronomicque, conioincte de la sanctissime future prediction, ne consistant ailleurs 'q au courage libre.

C052 Vient asture entendre mon filz, que ie trouue par mes reuolutions que sont accordantes à reuellée inspiration, que le mortel glaiue s'aproche de nous pour asture par peste, guerre plus horrible que à vie de trois hommes n'a esté, & famine, le quel tombera en terre, & y retournera souuent,

C053 car les astres s'accordent à la reuolution:& aussi a dit Visitabo in virga ferrea iniquitates eorum, & in verberibus percutiam eos [Je réprimerai leurs iniquités avec une verge de fer et je les châtierai à coups de fouet].

C054 car la misericorde du seigneur ne sera poinct dispergée vn temps mon filz, que la plus part de mes propheties seront acomplies, & viendront estre par accompliment reuoluës.

C055 Alors par plusieurs foys durant les sinistres tempestes, Conteram ergo dira le Seigneur, & confringam, & non miserebor [Je les foulerai aux pieds, je les briserai et je n'en aurai pas pitié] :

C056 & mille autres auantures qui auendront par eaux & continuelles pluies, comme plus à plain i'ay redigé par escript aux miennes autres propheties qui sont composées tout au long, in soluta oratione, limitant les lieux, temps, & le terme prefix que les humains apres venus, verront cognoissants les auentures auenues infalliblement,

C057 comme auons noté par les autres, parlans plus clairement: nonobstant que sous nuée seront comprises les intelligences: sed quando submouenda erit ignorantia [mais quand viendra le temps où doit se dissiper l'ignorance], le cas sera plus esclarci.

C058 Faisant fin mon filz, prens donc ce don de ton pere M. Nostradamus, esperant toy declarer vne chascune prophetie des quatrains ici mis. Priant au Dieu immortel qui te veuille prester vie longue en bonne & prospere felicité.

C059 De Salon ce j. de Mars 1555.

Lettre au Roy Henry II

H001 A L'INVICTISSIME, / TRES-UISSANT ET TRES-CHRESTIEN / HENRY ROY DE FRANCE SECOND : / MICHEL NOSTRADAMUS TRES-HUMBLE, / ET TRES-OBEYSSANT SERUITEUR ET SUBJECT, / VICTOIRE ET FELICITE.

H002 Pour icelle souueraine obseruation qui i'ay eu, ô Tres-Chrestien & tres-victorieux Roy, depuis que ma face estant long temps obnubilee se presente au deuant de la deité de vostre maiesté immesuree, depuis en ça i'ay esté perpetuellement esblouy, ne desistant d'honorer & dignement venerer iceluy iour que premierement deuant icelle ie me presentay, comme à vne singuliere maiesté tant humaine.

H003 Or cherchant quelque occasion par laquelle ie peusse manifester le bon coeur & franc courage, que moyennant iceluy mon pouuoir eusse fait ample extension de cognoissance enuers vostre serenissime maiesté.

H004 Or voyant que par effets le declairer ne m'estoit possible, ioint avec mon singulier desir de ma tant longue obtenebration & obscurité, estre subitement esclarcie & transportee au deuant de la face du souuerain oeil, & du premier monarque de l'vniuers,

H005 tellement que i'ay esté en doute longuement à qui ie viendrois consacrer ces trois Centuries du restant de mes Prophetes, paracheuant la milliade

H006 & apres auoir longuement cogité d'vne temeraire audace, ay prins mon adresse enuers vostre maiesté, n'estant pour cela estonne, comme raconte le grauissime aucteur Plutarque en la vie de Lycurgue, que voyant les offres & presens qu'on faisoit par sacrifices aux temples des dieux immortels d'iceluy temps, & à celle fin que l'on ne s'estonnast par trop souuent desdictes fraiz & mises ne s'osoyent presenter aux temples.

H007 Ce nonobstant voyant vostre splendeur Royale, accompagnee d'vne incomparable humanité ay prins mon adresse, non comme aux Roys de Perse, qu'il n'estoit nullement permis d'aller à eux, ny moins s'en approcher.

H008 Mais, à vn tresprudent, à vn tressage Prince, i'ay consacré mes nocturnes & prophetiques supputations, composees plustot d'vn naturel instinct : accompagné d'vne fureur poëtique, que par reigle de poësie,

H009 & la pluspart composé & accordé à la calculation Astronomique, correspondant aux ans, moys & sepmaines des regions, contrees, & de la pluspart des villes & citez de toute l'Europe, comprenant l'Affrique, & vne partie de l'Asie par le changement des regions, qui s'approchent la pluspart de tous ces climats, & composé d'vne naturelle faction :

H010 respondra quelqu'vn qui auroit bien besoin de soy moucher, la rithme estre autant facile, comme l'intelligence du sens est difficile. Et pource, ô tres humanissime Roy, la pluspart des quatrains prophetiques sont tellement sçabreux, que l'on n'y sçauroit donner voye ni moins aucuns interpreter,

H011 toutesfois esperant de laisser par escrit les ans, villes, citez regions, ou la pluspart aduiendra, mesmes de l'annee 1585. & de l'annee 1606. accommençant depuis le temps present, qui est le 14. de Mars, 1557.

H012 & passant outre bien loing iusques à l'aduenement qui sera apres au commencement du 7.

millenaire profondement supputé, tant que mon calcul astrnomic & autre sçauoir s'est pû estendre où les aduersaires de Iesus Christ & de son Eglise, commenceront plus fort de pulluler,

H013 le tout a esté composé & calculé en iours & heures d'election & bien disposees, & le plus iustement, qu'il m'a esté possible & le tout Minerua libera, et non inuita [Traduction : avec un génie libre et non forcé],

H014 supputant presque autant des aduentures du temps aduenir, comme des eages passez, comprenant de present, & de ce que par le cours du temps par toutes regions l'on cognoistra aduenir, tout ainsi nommement comme il est escrit n'y meslant rien de superflu, combien que l'on die : Quod de futuris non est determinata omnino veritas [Traduction : il n'y a point de vérité entièrement déterminée pour ce qui concerne le futur.].

H015 Il est bien vray, Sire que pour mon naturel instinct qui m'a esté donné par mes auites ne cuidant presager, & adioustant & accordant iceluy naturel instinct avec ma longue supputation vny, & vuidant l'ame, l'esprit, & le courage de toute cure, sollicitude, & fascherie par repos & tranquillité de l'esprit. Le tout accordé & presagé l'vne partie tripode æneo [Traduction : sur le trépied d'airain (allusion au trépied sacré, sur lequel les prêtresses d'Apollon rendaient leurs oracles).].

H016 Combien qu'ils sont plusieurs qui m'attribuent ce qu'est autant à moy, comme de ce que n'en est rien, Dieu seul eternel, qui est perscrutateur des humains courages pie, iuste, & misericordieux, en est le vray iuge, auquel ie prie qu'il me vueille defendre de la calomnie des meschans

H017 qui vouldroyent aussi calomnieusement s'enquerir pour quelle cause tous vos antiquissimes progeniteurs Roys de France ont guery des escroüelles, & des autres nations ont guery de la morsure des serpens, les autres ont eu certain instinct de l'art diuinatrice, & d'autres cas qui seroyent longs icy à racopter.

H018 Ce nonobstant ceux à qui la malignité de l'esprit malin ne sera comprins par le cours du temps apres la terrêne mienne extinction, plus sera mon escrit qu'à mon viuant

H019 cependant si à ma supputation des ages ie faillois on ne pourroit estre selon la voloté d'aucuns. Plaira à vostre plus qu'imperialle Maiesté me pardonner protestant deuant Dieu & ses saints, que ie ne pretends de mettre rien quelconque par escrit en la presente epistre, qui soit contre la vraye foy Catholique, conferant les calcultions Astronomiques, iouxte mon sçauoir

H020 car l'espace du temps de nos premiers, qui nous ont precedez sont tels, me remettant sous la correction du plus sain iugement, que le premier homme Adam fut deuant Noé enuiron mille deux cens quarante deux ans ne computant les temps par la supputation des Gentils, comme a mis par escrit Varron : mais tant seulement selon les sacrees Escriptions, & selon la foiblesse de mon esprit, en mes calculations Astronomiques.

H021 Apres Noé, de luy & de l'vniuersel deluge, vint Abraham enuiron mille huictante ans, lequel a esté souuerain Astrologue selon aucuns il inventa premier les lettres Chaldaïques :

H022 apres vint Moyse enuiron cinq cens quinze ou seize ans,

H023 & entre le temps de Daud & Moyse ont esté cinq cens septante ans là enuiron.

H024 Puis apres entre le temps de Daud, & le temps de nostre sauueur & redempteur Iesus-Christ, nay de l'vnique Vierge, ont esté (selon aucuns Cronographes) mille trois cens cinquante ans :

H025 pourra obiecter quel-qu'vn ceste supputation n'estre veritable, pource qu'elle differe à celle d'Eusebe.

H026 Depuis le temps de l'humaine redèption iusques à la seduction detestable des Sarrazins , sont esté six cens vingt & vn an, là enuiron,

H027 depuis en ça l'on peut facilement colliger quels temps sont passez, si la mienne supputation n'est bonne & valable par toutes nations, pource que tout a esté calculé par le cours celeste, par association d'esmotion infuse à certaines heures delaissees par l'esmotion de mes antiques progeniteurs.

H028 Mais l'iniure du temps, ô serenissime Roy, requiert que tels secrets euenemens ne soyent manifestez, que par aenigmatique sentence, n'ayant qu'vn seul sens, & vnique intelligence, sans y auoir rien mis d'ambigue n'amphibologique calculation :

H029 mais plustost sous obnubilée obscurité par vne naturelle infusion approchant à la sentence d'vn des mille & deux Prophetes, qui ont esté depuis la creation du monde, iouxte la supputation & Chronique punique de Ioël, Effundam spiritù meum super omnem carnem, et prophetabunt filij vestri, et filiae vestrae [Traduction : Je (Dieu) répandrai mon esprit sur toute chair, et vos fils et vos filles prophétiseront.].

H030 Mais telle Prophetie procedoit de la bouche du S. Esprit, qui estoit la souueraine puissance eternelle, adioincte avec la celeste à d'aucuns de ce nombre ont predit de grandes & emerueillables aduentures :

H031 Moy en cest endroict ie ne m'attribue nullement tel tiltre, ia à Dieu ne plaise, ie confesse bien que le tout vient de Dieu, & luy en rends graces, honneur & loüange immortelle, sans y auoir meslé de la diuination que prouient à fato [Traduction : du destin.] : mais à Deo, à natura [Traduction : de Dieu et de la nature.], & la pluspart accompagnée du mouuement du cours celeste,

H032 tellement que voyant comme dās vn miroüer ardant, comme par vision obnubilée, les grans euenemens tristes, prodigieux, & calamiteuses aduentures qui s'approchent par les, principaux culteurs. Premierement des temples de Dieu, secondement par ceux qui sont terrestrement soustenus s'approcher telle decadence, avecques mille autres calamiteuses aduentures, que par le cours du temps on cognoistra aduenir :

H033 car Dieu regardera la longue sterilité de la grande dame, qui puis apres conceura deux enfans principaux :

H034 mais elle periclitant, celle qui luy sera adiousce par la temerité de l'aage de mort periclitât dedans le dixhuictiesme, ne pouuant passer le trentesixiesme qu'en delaissera trois masles, & vne femelle, & en aura deux, celui qui n'en eut iamais d'vn mesme pere,

H035 des trois freres seront telles differences puis vnies & accordees, que les trois & quatre parties de l'Europe trembleront :

H036 par le moindre d'aage sera la monarchie crestienne soustenue & augmêtee : sectes esleuees, & subitement abaissees, Arabes reculez, Royaumes vnis, nouvelles Loix promulguees :

H037 des autres enfans le premier occupera les Lions furieux couronnez, tenans les pattes dessus les armets intrepidez.

H038 Le second se approfondira si auant par les Latins accompagné, que sera faicte la seconde voye tremblante & furibonde au mont Iouis descendant pour monter aux Pyrennees ne sera translatee à l'antique monarchie, sera faiste la troisieme inondation de sang humain, ne se trouuera de long temps Mars en Caresme.

H039 Et sera donnee la fille par la conseruation de l'Eglise Chrestienne tombant son dominateur à la paganisme secte des nouveaux infidelles elle aura deux enfans, l'vn de fidelité, & l'autre d'infidelité par la confirmation de l'Eglise Catholique.

H040 Et l'autre qui a sa grande confusion & tarde repentance la voudra ruiner, seront trois regions par l'extreme difference des ligues, c'est assauoir la Romanie, la Germanie, l'Espagne, qui feront diuerses sectes par main militaire, delaisant le 50. & 52. degrez de hauteur,

H041 & feront tous hommage des religions loingtains aux regions de l'Europe & de Septentrion de 48. degrez d'hauteur, qui premier par vaine timidité tremblera, puis les plus occidentaux, meridionaux & orientaux trembleront,

H042 telle sera leur puissance, que ce qui se fera pas concorde & vnion insuperable des conquestes belliques. De nature seront esgaux : mais grandement differents de foy.

H043 Apres cecy la Dame sterile de plus grande puissance que la seconde sera receüe par deux peuples, par le premier obstiné par celuy qui a eu puissance sur tous, par le deuxiesme & par le tiers qui esteindra ses forces vers le circuit de l'Orient de l'Europe aux pannons l'a profligé & succombé & par voile marine fera ses extensions à la Trinacrie Adriatique par Mirmidons, & Germaniques du tout succombé, & sera la secte Barbarique du tout des Latins grandement affligee & dechassee.

H044 Puis le grand Empire de l'Antechrist commencera dans la Atila & Zerses descendre en nombre grand & innumerable, tellement que la venue du Saint Esprit procedant du 48. degré, fera transmigrastion, dechassant à l'abomination de l'Antechrist, faisant guerre contre le royal qui sera le grand Vicaire de Iesus-Christ, & contre son Eglise, & son regne per tempus, et in occasione temporis [Traduction : pour un temps (court), et à la fin du temps.],

H045 & precedera deuant vne eclypse solaire le plus obscur, & le plus tenebreux, qui soit esté depuis la creation du monde iusques à la mort & passion de Iesus-Christ, & de là iusques icy,

H046 & sera au moys d'octobre que quelque grande translation sera faicte, & telle que l'on cuidera la pesanteur de la terre auoir perdu son naturel mouuement, & estre abismee en perpetuelles tenebres, seront precedens au temps vernal, & s'en ensuyuant apres d'extremes changemens, permutations de regnes, par grands tremblemens de terre,

H047 avec pullulation de la neufue Babylonne, fille miserable augmentee par l'abomination du premier holocauste, & ne tiendra tant seulement que septante trois ans, sept moys,

H048 puis apres en sortira du tige celle qui auoit demeuré tant long temps sterile, procedant du cinquantesme degre, qui renouellera toute l'Eglise chrestienne.

H049 Et sera faicte grande paix vnion & concorde entre vn des enfans des fronts esgarez, & separez par diuers regnes

H050 et sera faicte telle paix que demeurera attaché au plus profond baratre le suscitateur & promoteur de la martiale faction par la diuersité des religieus, & sera vny le royaume du Rabieux : qui contrefera le sage.

H051 Et les contrees villes, citez, regnes, & prouinces qui auront laissé les premieres voyes pour se deliurer, se caftiuant plus profondement seront secrettement faschez de leur liberté, & parfaite religion perdue, commenceront de frapper dans la partie gauche, pour retourner à la dextre,

H052 & remettant la sainteté profligee de long temps, avec leur pristin escrit, qu'apres le grand chien sortira le plus gros mastin, qui fera destruction de tout, mesmes de ce qu'au parauant sera esté perpetré, seront redressez les temples comme au premier temps, & sera restitué le clerc à son pristin estat,

H053 & commencera à meretricquer & luxurier, faire & commettre mille forfaits.

H054 Et estant proche d'une autre desolation, par lors qu'elle sera à sa plus haute & sublime dignité se dresseront de potentats & mains militaires & luy seront ostez les deux glaiues, & ne luy demeurera que les enseignes,

H055 desquelles par moyen de la curuature qui les attire, le peuple le faisant aller droict, & ne voulant se condescendre à eux par le bout opposite de la main aigue, touchant terre, voudront stimuler

H056 iusques à ce que naistra d'un rameau de la sterile de long temps, qui deliurera le peuple vniuers de celle seruitude benigne & volontaire, soy remettant à la protection de Mars spoliant Iupiter de tous ses honneurs & dignitez, pour la cité libre, constituee & assise dans un autre exigue Mezopotamie,

H057 Et sera le chef & gouuerneur ietté du milieu, & mis au haut lieu de l'air, ignorant la conspiration des coniurateurs, avec le second Trasibulus, qui de long temps aura manié tout cecy :

H058 Alors les immundicitez des abominations seront par grande honte obiectees & manifestees aux tenebres de la lumiere obtenebre, cessera deuers la fin du changement de son regne, & les clefs de l'Eglise seront en arrier de l'amour de Dieu, & plusieurs d'entre eux apostatizeront de la vraye foy,

H059 & des trois sectes, celle du milieu, par les culteurs d'icelle, sera un peu mis en decadence. La prime totalement par l'Europe, la plus part de l'Affrique exterminée de la tierce, moyennant les pauures d'esprit, que par insèsez esleuez par la luxure libidineuse adultereront.

H060 La plebe se leurera soustenant, dechassera les adherans des legislateurs, & semblera que les regnes affoiblis par les Orientaux que Dieu le Createur aye deslié Satan des prisons infernales, pour faire naistre le grand Dog & Doham, lesquels feront si grande fraction abominable aux Eglises, que les rouges ne les blancs sans yeux ne sans mains plus n'en iugeront, & leur sera ostee leur puissance.

H061 Alors sera faicte plus de persecution aux Eglises, que ne fut iamais.

H062 Et sur ces entrefaictes naistra la pestilence si grande que des trois pars du monde plus que les deux defaudent. Tellement qu'on ne sçaura ne cognoistre les appartenans des champs & maisons, & naistra l'herbe par les ruës des cités plus haute que les genoux :

H063 Et au clergé sera faicte totale desolation, & vsurperont les martiaux ce que sera retourné de la cité du Soleil de Melite, & des iles Stechades, & sera ouuerte la grã chaisne du port qui prèd sa denomination au boeuf marin.

H064 Et sera faite nouvelle incursion par les maritimes plages, voulant le sault Castulum deliurer de la premiere reprinse Mahumetane.

H065 Et ne seront du tout leurs assaillemens vains, & au lieu que iadis fut l'habitation d'Abraham, sera assaillie par personnes qui auront en veneration les Iouialistes. Et icelle cité d'Achem sera enuironnee & assaillie de toutes parts en tres grande puissance de gens d'armes.

H066 Seront affoiblies leurs forces maritimes par les Occidentaux. Et à ce regne sera faicte grande desolation, & les plus grandes citez seront depeuplees, & ceux qui entreront dedans seront compris à la vengeance de l'ire de Dieu.

H067 Et demeurera le sepulchre de tant grande veneration par l'espace de long temps soubs le serain à l'vniverselle vision des yeux du Ciel, du Soleil, & de la Lune. Et sera conuertie le lieu sacré en ebergement de troupeau menu & grand, & adapté en substances prophanes.

H068 O quelle calamiteuse affliction sera par lors aux femmes enceinte : & sera par lors du principal chef Oriental, la plus part esmeu par les Septentrionaux & Occidentaux vaincu, & mis à mort, profligez, & le reste en fuite, & ses enfans de plusieurs femmes emprisonnez, & par lors sera accomplie la Prophetie du Royal Prophete : Vt audiret gemitus compeditorum, vt solueret filios interemptorum [Traduction : Afin qu'il entendit les gémissements des prisonniers ; afin qu'il délivrât les fils des morts.].

H069 Quelle grande oppression qui par lors sera faicte sur les Princes & gouverneurs des Royaumes, mesmes de ceux qui seront maritimes & Orientaux, & leurs langues entremeslees à grande société : la langue des Latins & des Arabes par la communication Punique,

H070 & seront tous ces Roys Orientaux chassez profligez, exterminiez, nõ du tout par le moyen des forces des Roys d'Aquilon & par la proximité de nostre siecle par moyen des trois vnys secrettement cherchant la mort, & insidies par embusches l'un de l'autre, & durera le renouvellement de Triumvirat sept ans, que la renommee de telle secte fera son estenduë par l'univers, & sera soustenu le sacrifice de la sainte & immaculee hostie :

H071 & seront lors les Seigneurs deux en nombre d'Aquilon, victorieux sur les Orientaux, & sera en icieux fait si grand bruit & tumulte bellique, que tout iceluy orient tremblera de la frayeur d'iceux freres non freres Aquilonaire.

H072 Et pource, Sire, que par ce discours ie mets presque confusement ces predictions, & quand ce pourra estre & l'aduenement d'iceux, pour le denombrement du temps que s'ensuit, qu'il n'est nullement ou bien peu conforme au superieur : lequel tant par voye Astronomique, que par autres mesmes des sacrees escritures, qui ne peuuent faillir nullement,

H073 que si ie voulois à vn chacun quatrain mettre le denombrement du temps, se pourroit faire : mais à tous ne seroit agreable, ne moins les interpreter iusques à ce Sire, que vostre Maiesté m'aye octroyé ample puissance pour ce faire, pour ne donner cause aux calomniateurs de me mordre.

H074 Toutefois comptans, les ans depuis la creation du monde, iusques à la naissance de Noë, sont passez mil cinq cens & six ans,

H075 & depuis la naissance de Noë iusques à la parfaicte fabrication de l'arche, approchant de l'universelle inondation, passerent six cens ans (si les dons estoient Solaires ou Lunaires, ou de dix mixtions) ie tiens ce que les sacrees escritures tiennent qui estoient Solaires.

H076 Et à la fin d'iceux six cens ans, Noë entra dans l'arche pour estre sauué du deluge : ñ & fut iceluy deluge vniuersel sur la terre, & dura vn an & deux mois.

H077 Et depuis la fin du deluge iusques à la natiuité d'Abraham, passa le nombre des ans de deux cens nonante cinq.

H078 Et depuis la natiuité d'Abraham iusques à la natiuité d'Isaac, passerent cent ans.

H079 Et depuis Isaac iusques à Iacob, soixante ans,

H080 dès l'heure qu'il entra en Egypte iusques à l'yssee d'iceluy passerent cent trête ans.

H081 Et depuis l'entrée de Iacob, en Egypte iusques à l'issue d'iceluy, passerent quatre cens trente ans.

H082 Et depuis l'yssee d'Egypte iusques à l'edification du Temple faicte par Salomon au quatriesme an de son regne, passerent quatre cens octante ou quatre vingts ans.

H083 Et depuis d'edification du temple iusques à Iesus Christ selon la supputation des hierographes, passerent quatre cens nonante ans.

H084 Et ainsi par ceste supputation que i'ay faicte, colligee par les sacrées lettres, sont enuiron quatre mille cens septante trois ans & huict mois, peu ou moins :

H085 Or de Iesus Christ en ça par la diuersité des sectes ie le laisse, & ayant supputé & calculé les presentes Propheties, le tout selon l'ordre de la chaisne qui contient sa reuolution, le tout par doctrine Astronomique, & selon mon naturel instinct,

H086 & apres quelque temps et dans iceluy comprenant depuis le temps que Saturne qui tournera entrer à sept du mois d'Auril, iusques au 25. d'Aoust Iupiter à 14. de Iuin iusques au 7. Octobre Mars depuis le 17. d'Auril, iusques au 22. de Iuin, Venus depuis le 9. d'Auril iusques au 22. de May, Mercure depuis le 3. de Feurier, iusques au 24. dudit.

H087 En apres le premier de Iuin, iusques au 24. dudit, & du 25. de Septembre, iusques au 16. de Octobre, Saturne en Capricorne, Iupiter en Aquarius, Mars en Scorpio, Venus en Pisces, Mercure dans vn moys en Capricorne, Aquarius & Pisces, la lune en Aquarius la teste du Dragon en Libra : là queüe à son signe opposite

H088 suyuant vne conionction de Iupiter à Mercure avec vn quadrin aspect de Mars à Mercure, & la teste du Dragon sera avec vne coionction du Soleil à Iupiter, l'annee sera pacifique sans eclypse, & non du tout,

H089 & sera le commencement comprenant ce de ce que durera & cōmençant icelle annee sera faicte plus grande persecution à L'Eglise Chrestienne, que n'a esté faicte en Afrique, & durera ceste-icy iusques à l'an mil ept cens nonante deux que l'on cuydera estre vne renouation de siecle :

H090 apres commencera le peuple Romain de se redresser, & deschasser quelques obscures tenebres, receuant quelque peu de leur pristine clarté, non sans grande diuision & continuels changemens.

H091 Venise en apres en grande force & puissance leuera ses aisles si treshaut, ne distant gueres

aux forces de l'antique Rome. Et en iceluy temps grandes voyles Bisantines associees aux Ligustiques par l'appuy & puissance Aquilonaire, donnera quelque empeschement que des deux Cretenses ne leur sera la foy tenueë.

H092 Les arcs edifiez par les antiques Martiaux, s'accompagneront aux ondes de Neptune.

H093 En l'Adriatique sera faicte discorde grande, ce que sera uny sera separé, approchera de maison ce que paravant estoit & est grande cité, comprenant la Pompotam la Mesopotamie de l'Europe à quarante cinq & autres de 41. 42. & 47.

H094 Et dans iceluy temps,& en icelles contrees la puissance infernale mettra à l'encontre de l'Eglise de Iesus Christ la puissance des aduersaires de sa loy, qui sera le second Antechrist, lequel persecutera icelle Eglise & son vray Vicaire, par moyen de la puissance des Roys temporels, qui seront par leur ignorance seduicts par langues, qui trancheront plus que nul glaiue entre les mains de l'insensé.

H095 Le susdit regne de l'Antechrist ne durera que iusques au definement de ce nay pres de l'aage & de l'autre à la cité de Plancus accompagnez de l'esleu de Modone Fulcy, par Ferrare, maintenu par Liguriens Adriaticques, & de la proximité de la grande Trinacrie :

H096 Puis passera le mont Iouis, le Gallique ogmium, accompagné de si grand nombre que de bien loing l'Empire de sa grande loy sera présenté, & par lors & quelque temps apres sera espanché profusement le sang des Innocens par les nocens vn peu esleuez : alors par grands deluges la memoire des choses contenues de tels instrumens receura innumerable perte, mesmes les lettres : qui sera deuers les Aquilonaires

H097 par la volonté diuine, & entre vne fois lié Satan. Et sera faicte paix vniuerselle entre les humains, & sera deliuree l'Eglise de Iesus Christ de toute tribulation, combien que par les Azoarains voudroit mesler dedans le miel du fiel, & leur pestifere seduction :

H098 & cela sera proche du septiesme millenaire, que plus le sanctuaire de Iesus Christ ne sera conculqué par les infideles qui viendront de l'Aquillon, le monde approchant de quelque grande conflagration combien que par mes supputations en mes propheties, le cours du temps aille beaucoup plus loing

H099 Dedans l'Epistre que ces ans passez ay dedié à mon fils Cesar, Nostradamus, i'ay assez appertement déclaré aucuns poincts sans presage.

H100 Mais icy, ô Sire, sont comprins plusieurs grands & merueilleux aduenemens, que ceux qui viendront apres verront.

H101 Et durant icelle supputation Astrologique, conferee aux sacrees lettres, la persecution des gens Ecclesiastiques prendra son origine par la puissance des Roys Aquilonaires, vnis avec les Orientaux, et ceste persecution durera onze ans, quelque peu moins, que par lors defaillira le principal Roy Aquilonaire,

H102 lesquels ans accomplis suruiendra son vny Meridional, qui persecutera encore plus fort par l'espace de trois ans les gens d'Eglise, par la seductiõ apostatique, d'vn qui tiendra toute puissance absoluë à l'Eglise militante, & le saint peuple de Dieu obseruateur de sa loy, & tout ordre de religion sera grandement presecuté & affligé tellement que le sang des vrais Ecclesiastiques, nagera par tout,

H103 & vn des horribles Roys temporels par ses adherans luy seront donnees telles louanges, qu'il aura plus respandu de sang humain des innocens Ecclesiastiques, que nul ne sçauroit auoir du vin.

H104 & iceluy Roy commettra des forfaites enuers d'Eglise incroyables, coulera le sang humain par les rues publiques, & temples, comme l'eau par pluye impetueuse, & rougiront de sang les plus prochains fleuues, & par autre guerre nauale rougira la mer que le rapport d'vn Roy à l'autre luy sera dit : Bellis rubuit naualibus aequor [La mer a été rougie par le sang versé dans les batailles navales].

H105 Puis la mesme annee & les suiuanstes s'en ensuiura la plus horrible pestilence, & la plus merueilleuse par la famine precedente, & si grandes tribulations que iamais soit aduenue telle depuis la premiere fondation de l'Eglise Chrestienne, & par toutes les regions Latines, demeurant par les vestiges en aucunes contrees des Espaignes.

H106 Par lors le tiers Roy Aquilonaire entendât la plaincte du peuple de son principal tiltre, dressera si grande armee, & passera par les destroits de ses derniers auites & bisayeuls, qui remettra la plus part en son estat,

H107 & le grand Vicaire de la cappe sera remis en son pristin estat : mais desolé, & puis du tout abandonné, & tournera estre Sancta Sanctorum [le Saint des Saints] destruite par Paganisme & le vieux & nouveau Testament serõt dechassez, bruslez,

H108 en apres l'Antechrist sera le prince infernal,

H109 encores par la derniere foy trembleront tous les Royaumes de la Chrestienté, & aussi des infideles, par l'espace de vingt cinq ans, & seront plus grieues guerres & batailles, & seront villes, citez chasteaux, & tous autres edifices bruslez, desolez, destruits, avec grande effusion de sang vestal, mariees, & vefues violees, enfans de lait contre les murs des villes allidez & brisez, & tant de maux se commettront par le moyen de Satan, prince infernal, que presque le monde vniuersel se trouuera defaict & desolé :

H110 & auant iceux aduenemens aucuns oyseaux insolites crieront par l'air, Huy huy, & seront apres quelques temps esuanouys.

H111 Et apres que tel temps aura duré longuement, sera presque renouellé vn autre regne de Saturne, & siecle d'or, Dieu le createur dira entendant l'affliction de son peuple, Satan sera mis, & lié dans l'abysme du barathre dans la profonde fosse : & adonc commencera entre Dieu & les hommes vne paix vniuerselle,

H112 & demeurera lié enuiron l'espace de mille ans, & tournera en sa plus grande force, la puissance Ecclesiastique, & puis tourne deslié.

H113 Que toutes ces figures sont iustement adaptees par les diuines lettres aux choses celestes visibles, c'est à sçavoir, par Saturne, Iupiter, & Mars, & les autres conioincts, comme plus à plain par aucuns quadrins l'on pourra voir l'eusse calculé plus profondement, & adapté les vns avecques les autres.

H114 Mais voyant ô Serenissime Roy, que quelqu'vns de la sensure trouueront difficulté, qui sera cause de retirer ma plume à mon repos nocturne :

H115 Multa etiam, ô rex omnium potentissime : praeclara et sanè in breui ventura, sed omnia in hac tua epistola innectere non possumus, nec volumus : sed ad intelligenda quaedam facta horrida fata, pauca libanda sunt, quamuis tanta sit in omnes tua amplitudo et humanitas homines, deosque pietas,

vt solus amplissimo et Christianissimo Regis nomine, et ad quem summa totius religionis auctoritas deferatur dignus esse videare [Traduction : J'aurais encor à dire, ô le plus puissant de tous les Rois, beaucoup de choses admirables et qui arriveront certainement sous peu ; mais je ne puis ni ne veux les refermer toutes en cette tienne épître. Cependant, afin de comprendre certains faicts, qui sont d'horribles coups du destin, il en faut effleurer quelques-unes : quoique votre majesté, votre humanité à l'égard de tous et votre piété envers les dieux soient si grandes que vous paraissiez seul digne de porter le très-auguste nom de Roi très-chrétien, à qui doit être déferée l'autorité souveraine de toute la religion.].

H116 Mais tant seulement ie vous requiers, ô Roy tres clement; par icelle vostre singuliere & prudente humanité, d'entendre plus tost le desir de mon courage, & le souuerain estude que i'ay d'obeyr à vostre Serenissime Maiesté, depuis que mes yeux furent si proches de vostre splendeur Solaire, que la grandeur de mon labeur n'attainct ne requiert.

H117 De Salon, ce 27. de Iuin, 1558.

H118 Faciebat Michaël Nostradamus Salonæ Petreæ Prouinciæ [Traduction : Fait par Michel de Nostredame, de la province de Salon Pétra.].

Centurie I

0001 Estant assis de nuit secret estude,
Seul repousé sus la selle d'ærain,
Flambe exigue sortant de solitude,
Fait proferer qui n'est à croire vain.

0002 La verge en main mise au milieu de BRANCHES
De l'onde il moulle & le limbe & le pied.
Vn peur & voix fremissent par les manches,
Splendeur diuine. Le diuin prés s'assied.

0003 Quand la lictiere du tourbillon versée,
Et seront faces de leurs manteaux couuers,
La republicue par gens nouueaux vexée,
Lors blancs & rouges iugeront à l'enuers.

0004 Par l'vnivers sera faict vng monarque,
Qu'en paix & vie ne sera longuement:
Lors se perdra la piscature barque,
Sera regie en plus grand detrimet.

0005 Chassés seront sans faire long combat
Par le pays seront plus fort greués:
Bourg & cité auront plus grand debat,
Carcas.Narbonne auront cueurs esprouués.

0006 L'œil de Rauenne sera destitué,
Quand à ses pieds les aesles fallliront, [failliront]
Les deux de Bresse auront constitué
Turin, Verseil que Gauloys fouleront.

0007 Tard arriué l'execution faicte
Le vent contraire, letres au chemin prises
Les coniures.xiiij.dune secte
Par le Rosseau senez les entreprinses.

0008 Combien de foyes prinse cité solaire
Seras, changeant les loys barbares & vaines.
Ton mal s'aproche:Plus seras tributaire
La grand Hadrie reourira tes veines.

0009 De l'Orient viendra le cueur Punique
Facher Hadrie & les hoirs Romulides,
Acompaigne de la classe Libycque,
Trembler Mellites:& proches isles vuides.

0010 Serpens transmis dens la caige de fer

Ou les enfans septains du roy sont pris:
Les vieux & peres sortiront bas de l'enfer,
Ains mourir voir de son fruit mort & crys.

0011 Le mouuement de sens, cueur,pieds,& mains
Seront d'acord.Naples,Leon,Secille,
Glaifues,feus,eaux:puis aux nobles Romains
Plongés,tués,mors par cerueau debile.

0012 Dans peu dira faulce brute,fragile,
De bas en hault esleué promptement:
Puis en instant desloyale & labile
Qui de Veronne aura gouuernement.

0013 Les exiles par ire,haine intestine,
Feront au roy grand coniuration:
Secret mettront ennemis par la mine,
Et ses vieux siens contre eux sedition.

0014 De gent esclaué chansons,chants & requestes,
Captifs par princes & seigneur aux prisons:
A l'auenir par idiots sans teste
Seront receus par diuins oraisons.

0015 Mars nous menasse par sa force bellique
Septante foys fera le sang espandre:
Auge & ruyne de l'Ecclesiastique
Et plus ceux qui d'eux rien voudront entendre.

0016 Faulx a l'estang ioinct vers le Sagitaire
En son hault avge de l'exaltation,
Peste,famine, mort de main militaire:
Le siecle approche de renouation.

0017 Par quarante ans l'Iris n'aparoistra,
Par quarante ans tous les iours sera veu:
La terre aride en siccité croistra,
Et grands deluges quand sera aperceu.

0018 Par la discorde negligence Gauloyse
Sera passage a Mahommet ouuert:
De sang trempe la terre & mer Senoyse
Le port Phocen de voiles & nefes couuert.

0019 Lors que serpens viendront circuir l'are,
Le sang Troien vexé par les Hespaignes
Par eux grand nombre en sera faicte tare,
Chief,fuyct cache aux mares dans les saignes.

0020 Tours,Orleans,Bloys,Angiers,Reims,& nantes
Cités vexées par subit changement:

Par langues estranges seront tendues tentes
Fluues,dardsRenes,terre & mer tremblement.

0021 Profonde argille blanche nourrir rochier,
Qui d'un abysme istra lacticineuse,
En vain troubles ne l'oseront toucher
Ignorants estre au fond terre argilleuse.

0022 Ce que viura & n'ayant aucun sens,
Viendra leser à mort son artifice:
Autun, Chalon,Langres & les deux Sens,
La gresle& glace fera grand malefice.

0023 Au mois troisieme se levant le soleil,
Sanglier, liepard au champ mars pour combatre:
Liepard laisse au ciel extend son œil,
Vn aigle autour du soleil voyt s'esbatre.

0024 A cité neufue pensif pour condamner,
Loysel de proye au ciel se vient offrir:
Après victoire a captifs pardonner,
Cremone & Mantoue grands maux aura souffert

0025 Perdu,trouvé,caché de si long siecle
Sera pasteur demi dieu honore,
Ains que la lune acheue son grand cycle
Par autres veux sera deshonoré.

0026 Le grand du fouldre tumbe d'heure diurne,
Mal & predict par porteur postulaire
Suiuant presaigne tumbe d'heure nocturne,
Conflit Reins,Londres,Etrusque pestifere.

0027 Dessoubz de chaine Guien du ciel frappe,
Non loing de la est caché le tresor,
Qui par longs siecles auoit este grappé,
Trouue moura:l'œil creué de ressort.

0028 La tour de Bouq gaindra fuste Barbare,
Vn temps long temps apres barque hesperique,
Bestail,gens, meubles tous deux feront grant tare
Taurus & Libra quelle mortelle picque!

0029 Quand le poisson terrestre & aquatique
Par forte vague au grauier sera mis,
Sa forme estrange suaue & horrifique,
Par mer aux murs bien tost les ennemis.

0030 La nef estrange par le tourment marin
Abourdera pres de port incongneu,
Nonobstant signes de rameau palmerin
Après mort,pille:bon auis tard venu.

0031 Tant d'ans les guerres en Gaule dureront,
Oultre la course du Castulon monarque,
Victoire incerte trois grands couronneront
Aigle,coq,lune,lyon,soleil en marque.

0032 Le grand empire sera tost translaté
En lieu petit qui bien tost viendra croistre:
Lieu bien infime d'exigue comté
Ou au milieu viendra poser son sceptre

0033 Prés d'un grant pont de plaine spatieuse,
Le grand lyon par force Cesarées
Fera abbatre hors cité rigoreuse,
Par effroy portes luy seront reserées.

0034 L'oyseau de proye volant a la senestre
Auant conflict faict aux Francoys pareure
L'un bon prendra,l'un ambigue sinistre,
La partie foyble tiendra par bon augure.

0035 Le lyon ieune le vieux surmontera,
En champ bellique par singulier duelle,
Dans caige d'or les yeux luy creuera:
Deux classes vne,puis mourir,mort cruelle.

0036 Tard le monarque se viendra repentir
De n'auoir mis à mort son aduersaire:
Mais viendra bien à plus hault consentir
Que tout son sang par mort fera defaire.

0037

Vng peu devant que le soleil s'esconse
Conflict donné, grand peuple dubieux:
Proffligés,port marin ne faict responce,
Pont & sepulchre en deux estranges lieux.

0038

Le Sol & l'aigle au victeur paroistront:
Responce vaine au vaincu l'on asseure,
Par cor ne crys harnoys n'arresteront
Vindicte,paix par mort si acheue à l'heure.

0039

De nuict dans lict le supresme estranglé
Pour trop auoir subiourné,blond esleu,
Par troys l'empire subroge exanle,
A mort mettra carte,pacquet ne leu.

0040

La trombe faulse dissimulant folie
Fera Bisance vn changement de loys:

Hystra d'Egypte qui veult que l'on deslie
Edict changeant monnoyes & aloys.

0041

Siege en cité,& de nuict assaillie,
Peu eschapés:non loing de mer conflict.
Femme de ioye,retours filz defaillie
Poison & lettres cachées dans le plic.

0042

Le dix Kalendes d'April de faict Gotique
Resuscité encor par gens malins:
Le feu estainct,assemblée diabolique
Cherchant les or du d'Amant & Pselyn.

0043

Auant qu'auienne le changement d'empire,
Il auiendra vn cas bien merueilleux,
Le champ mué,le pillier de porphyre
Mis,translaté sus le rochier noilleux.

0044

En brief seront de retour sacrifices,
Contreuenants seront mis à martyre:
Plus ne seront moines abbés ne nouices:
Le miel sera beaucoup plus cher que cire.

0045

Secteur de sectes grand preme au delateur:
Beste en theatre,dressé le ieu scenique:
Du faict antique ennobli l'inuenteur,
Par sectes monde confus & scismatique.

0046

Tout aupres d'Aux, de Lectore & Mirande
Grand feu du ciel en troys nuicts tumbera:
Cause auiendra bien stupende & mirande:
Bien peu apres la terre tremblera.

0047

Du lac Lemman les sermons facheront:
Des iours seront reduicts par les sepmaines,
Puis mois,puis an,puis tous deffailliront,
Les magistrats damneront leurs loys vaines.

0048

Vingt ans du regne de la lune passés
Sept mil ans autre tiendra sa monarchie:
Quand le soleil prendra ses iours lassés
Lors accomplir & mine ma prophetie.

0049

Beaucoup beaucoup auant telles meneés
Ceux d'Orient par la vertu lunaire
Lan mil sept cent feront grand emmenées
Subiugant presque le coing Aquilonaire.

0050

De l'aquatique triplicité naistra
D'vn qui fera le ieudy pour sa feste:
Son bruit,loz, regne,sa puissance croistra,
Par terre & mer aux orientes tempeste.

0051

Chef d'Aries,Iuppiter & Saturne,
Dieu eternel quelles mutations!
Puis par long siecle son maling temps retourne,
Gaule & Itale quelles esmotions!

0052

Les deux malins de Scorpion conioints,
Le grand seigneur meurtri dedans sa salle:
Peste à l'eglise par le nouveau roy ioint,
L'Europe basse & Septentrionale.

0053

Las qu'on verra grand peuple tormenté
Et la loy sainte en totale ruine
Par aultres loyx toute Chrestienté,
Quand d'or d'argent trouue nouvelle mine.

0054

Deux revolts faits du malin falcigere,
De regne & siecles faict permutation:
Le mobil signe à son endroit si ingere
Aux deux egaux & d'inclination.

0055

Sous l'opposite climat Babylonique
Grande sera de sang effusion,
Que terre & mer,aïr,ciel sera inique:
Secte,faim,regnes, pestes,confusion.

0056

Vous verrés tost & tard faire grand change
Horreurs extremes, & vindications,
Que si la lune conduite par son ange
Le ciel s'approche des inclinations.

0057

Par grand discord la trombe tremblera.
Accord rompu dressant la teste au ciel:
Bouche sanglante dans le sang nagera:
Au sol sa face ointe de laict & miel.

0058

Trenché le ventre,naistra avec deux testes,
Et quatre bras:quelques an s entier viura:
Iour qui Alquilloye celebrera ses festes
Foussan,Turin,chief Ferrare suyura.

0059

Les exiles deportés dans les isles
Au changement d'vng plus cruel monarque,
Seront meurtrys: & mis deux des scintilles
Qui de parler ne seront estés parques.

0060

Vn Empereur naistra pres d'Italie,
Qui a l'Empire sera vendu bien cher,
Diront avecques quels gens il se ralie
Qu'on trouuera moins prince que boucher.

0061

La republique miserable infelice
Sera vastée du nouueau magistrat:
Leur grand amas de l'exil malefice
Fera Sueue raur leur grand contract.

0062

La grande perte las que feront les letres:
Auant le cicle de Latona parfaict,
Feu,grand deluge plus par ignares sceptres
Que de long siecle ne se verra refaict.

0063

Les fleaux passés diminue le monde
Long temps la paix terres inhabitées
Seur marchera par ciel,terre,mer, & onde:
Puis de nouueau les guerres suscitées.

0064

De nuit soleil penseront avoir veu
Quand le pourceau demy-homme on verra,
Bruict,chant,bataille,au ciel battre aperceu
Et bestes brutes a parler lon orra.

0065

Enfant sans mainsiamais veu si grand foudre:
L'enfant royal au ieu d'æsteuf blessé.
Au puy brises:fulgures alant mouldre:
Trois sous les chaines par le milieu troussés:

0066

Celui qui lors portera les nouuelles,
Après vn peu il viendra respirer.

Vuiers, Tournon, Montferrant & Pradelles,
Gresle & tempestes les fera souspirer.

0067

La grand famine que ie sens approcher,
Souuent tourner, puis estre vniuersele,
Si grande & longue qu'on viendra arracher
Du bois racine, & l'enfant de mammelle.

0068

O quel horrible & malheureux torment
Troys innocens qu'on viendra à liurer.
Poyson suspecte, mal garde tradiment
Mis en horreur par bourreaux enyurés.

0069

La grand montaigne ronde de sept estades,
Après paix, guerre, faim, inondation,
Roulera loing abysmant grands contrades,
Mesmes antiques, & grand foundation.

0070

Pluie, faim, guerre en Perse non cessée
La foy trop grande trahira le monarque,
Par la finie en Gaule commencée:
Secret augure pour à vng estre parque.

0071

La tour marine troys foys prise & reprise
Par Hespagnols, barbares, Ligurins:
Marseille & Aix, Arles par ceux de Pise
Vast, feu, fer, pillé Auignon des Thurins.

0072

Du tout Marseille des habitans changée,
Course & poursuite iusques au pres de Lyon.
Narbon. Tholoze par Bourdeaux outragée:
Tués captifz presque d'un milion.

0073

France à cinq pars par neglect assaillie
Tunys, Argiels esmeus par Persiens,
Leon, Seuille, Barcelonne faillie
N'aura la classe par les Venitiens.

0074

Après seiourné vogueront en Epire:
Le grand secours viendra vers Antioche,
Le noir poil cresse tendra fort à l'empire:
Barbe d'ærain le roustira en broche.

0075

Le tyran Siene occupera Sauone:
Le fort gagné tiendra classe marine:
Les deux armées par la marque d'Ancone
Par effraieur le chef s'en examine.

0076

D'un nom farouche tel proferé sera,
Que les troys seurs auront fato le nom:
Puis grand peuple par langue & faict duira
Plus que nul autre aura bruit & renom

0077

Entre deux mers dressera promontoire
Que puis mourra par le mors du cheual:
Le sien Neptune pliera voyle noire,
Par Calpre & classe aupres de Rocheual.

0078

D'un chief viellard naistra sens hebetes,
Degenerant par sauoir & par armes
Le chef de France par sa sœur redouté:
Champs diuisés,concedés aux gendarmes.

0079

Bazaz,Lectore,Condon,Ausch,& Agine
Esmeus par loys,querele & monopole.
Car Bourd. Thoulouze Bay.metra en ruine
Renoueler voulant leur taupole.

0080

De la sixiesme claire splendeur celeste
Viendra tonner si fort en la Bourgoigne:
Puis naistra monstre de treshideuse beste.
Mars,apuril,May,Iuing grand charpin & rongne.

0081

D'humain troupeau neuf seront mis à part
De iugement & conseil separés:
Leur fort sera diuisé en depart
kap.Qhita lambda mors,bannis esgarés.

0082

Quand les colonnes de bois grande tremblée
D'Auster conduite couuerte de rubriche
Tant vuidera dehors grand assemblée,
Trembler Vienne & le país d'Austriche.

0083

La gent estrange diuisera butins,
Saturne en Mars son regard furieux:
Horrible strage aux Tosquans & Latins,
Grecs,qui seront à frapper curieux.

0084

Lune obscurcie aux profondes tenebres,
Son frere passe de couleur ferrugine:
Le grand caché long temps sous les latebres,
Tiedera fer dans la plaie sanguine. [playe]

0085

Par la response de dame,roy troublé:
Ambassadeurs mespriseront leur vie: [Ambassadeurs]
Le grand ses freres contrefera doublé
Par deus mourront,ire,haine,enuie. [deux] [haisne]

0086

La grande royne quand se verta vaincu, [verra vaincue]
Fera exces de masculin courraige: [couraige]
Sus cheual,fluue passera toute nue,
Suite par fer: à foy fera outrage. [oultraige]

0087

Ennosigée feu du centre de terre
Fera trembler au tour de cité neusue:
Deux grands rochiers long temps feront la guerre
Puis Arethusa rougira nouveau fleuue. [fluue]

0088

Le diuin mal surprendra le grand prince
Vn peu deuant aura femme espousée, [espousée]
Son puy & credit à vn coup viendra mince,
Conseil mourra pour la teste rasée.

0089

Touts ceux de Ilerde seront dedans Mosselle,
Metans à mort tous ceux de Loyre & Seine: [Metants]
Secours marin viendra pres d'haulte velle
Quand Hespagnols ouurira toute veine.

0090

Bourdeaux,Poitiers,au son de la campane,
A grande classe ira iusques à l'Angon,
Contre Gauloys sera leur tramontane,
Quand monstres hideux naistra pres de Orgon. [monstre]

0091

Les dieux feront aux humains apparence,
Ce quils seront auteurs de grand conflit: [auteurs]
Auant ciel veu serain espée & lance,
Que vers main gauche sera plus grand afflit

0092

Sous vn la paix par tout sera clamée,
Mais non long temps pille & rebellion,

Par refus ville,terre & mer entamée,
Morts & captifz le tiers d'vn milion.

0093

Terre Italique pres des monts tremblera,
Lyon & coq non trop confederés,
En lieu de peur l'un l'autre saidera
Seul Castulon & Celtes moderés.

0094

Au port Selin le tyran mis à mort
La liberté non pourtant recourée:
Le nouveau Mars par vindicte & remort:
Dame par force de frateur honorée.

0095

Deuant moustier trouué enfant besson
D'heroic sang de moine & vestutisque:
Son bruit par secte langue & puissance son
Qu'on dira fort eleué le vopisque.

0096

Celui qu'aura la charge de destruire
Temples,& sectes,changés par fantasie,
Plus aux rochiers qu'aux viuans viendra nuire
Par langue ornée d'oreilles ressaisies.

0097

Ce que fer flamme n'asceu paracheuer,
La douce langue au conseil viendra faire.
Par repos,songe,le roy fera resuer.
Plus l'ennemi en feu,sang militaire.

0098

Le chef qu'aura conduit peuple infini
Loing de son ciel,de meurs & langue estrange:
Cinq mil en Crete & Thessale fini,
Le chef fuiant sauué en marine grange.

0099

Le grand monarque que fera compaignie
Auecq deux roys vnis par amitié:
O quel sospir fera la grand mesnie:
Enfants Narbon à l'entour quel pitie!

0100

Long temps au ciel sera veu gris oiseau
Au pres de Dole & de Tousquane terre,
Tenant au bec vn verdoiant rameau,
Mourra tost grand,& finira la guerre.

Centurie II

0101 Vers Aquitaine par insults Britanniques,
De par eux mesmes grandes incursions. [Et par eux]
Pluies, gelées feront terroirs iniques,
Port Selyn fortes fera inuasions.

0102 La teste blue fera la teste blanche
Autant de mal que France a fait leur bien.
Mort a l'antheune grand pendu sus la branche,
Quand prins des siens le roy dira combien.

0103 Pour la chaleur solaire sus la mer
De Negrepont les poissons demis cuits:
Les habitants les viendront entamer
Quand Rod. & Gennes leur faudra le biscuit

0104 Depuis Monech iusques au pres de Secile
Toute la plage demourra desolée,
Il ny aura fauxbourg, cité, ne vile [ville]
Que par Barbares pillée soit & vollée.

0105 Qu'en dans poisson, fer & letre enfermée
Hors sortira qui puy fera la guerre,
Aura par mer sa classe bien ramée
Apparoissant pres de Latine terre.

0106 Apres des portes & dedans deux cités
Seront deux fleaux onques n'aperceu vn tel,
Faim dedans peste, de fer hors gens boutés,
Crier secours au grand Dieu immortel.

0107 Entre plusieurs aux isles deportés
L'un estre nay à deux dens en la gorge [L'un] [dents]
Mourront de faim les arbres esbrotés [esbrotés]
Pour eux neuf roy nouel edict leur forge. [nouuel]

0108 Temples sacrés prime façon Romaine
Reieteront les goffes fondements,
Prenant leurs loys premieres & humaines,
Chassant, non tout, des saints les cultements.

0109 Neuf ans le regne le maigre en paix tiendra,
Puis il cherra en soif si sanguinaire:
Pour luy grand peuple sans foy & loy mourra
Tué par vn beaucoup plus de bonnaire.

0110 Auant long temps le tout sera rangé
Nous esperons vn siecle bien senestre:

L'estat des masques & des seulz bien changé
Peu trouveront qu'a son rang veuille estre.

0111 Le prochain fils de l'asnier paruiendra
Tant esleué iusques au regne des fors,
Son aspre gloire vn chascun la craindra,
Mais ses enfants du regne getés hors.

0112 Yeux clos,ouuerts d'antique fantasie
L'habit des seulz seront mis à neant,
Le grand monarque chastiera leur frenesie:
Raur des temples le tresor par deuant.

0113
Le corps sans ame plus n'estre en sacrifice.
Iour de la mort mis en natiuité.
L'esprit diuin fera l'ame felice
Voiant le verbe en son eternité.

0114
A. Tours,Iean, garde seront yeux penetrants
Descrouiront de loing la grand sereyne,
Elle & sa suite au port seront entrants
Combats,poulsés,puissance souueraine.

0115
Vn peu deuant monarque trucidé?
Castor Pollux en nef,astre crinite.
L'erain publiq par terre & mer voidé
Pise, Ast, Ferrare, Turin, terre interdite.

0116
Naples,Palerme,Secille,Syracuses
Nouueaux tyrans,fulgures feuz celestes:
Force de Londres,Gand,Brucelles,& Suses
Grand hecatombe,triumphe,faire festes.

0117
Le camp du temple de la vierge vestale,
Non esloigné d'Ethne & monts Pyrenées:
Le grand conduict est caché dens la male
North.getés fluues & vignes mastinées.

0118
Nouvelle & pluie subite impetueuse
Empeschera subit deux exercites.
Pierre, ciel,feuz faire la mer pierreuse,
La mort de sept terre & marin subites.

0119
Nouueaux venus,lieu basti sans defense, [veneus]
Occuper place par lors inhabitable.

Prez,maisons,champs,villes prendre a plaisance, [maisons]
Faim,peste,guerre, arpen long labourable.

0120

Freres & seurs en diuers lieux captifs
Se trouueront passer pres du monaque, [monarque]
Les contempler ses rameaux ententifz,
Desplaisant voir menton,front,nez,les marques.

0121

L'embassadeur enuoyé par biremes
A mi chemin d'incogneuz repoulses: [incongneuz repoulsés]
De sel renfort viendront quatre triremes,
Cordes & chaines en Negrepont troussés. [troussés]

0122

Le camp Asop d'Eurotte partira,
S'adioignant proche de lisle submergée: [l'isle]
D'Arton classe phalange pliera,
Nombriil du monde plus grand voix subrogée.

0123

Palais,oyseaux,par oyseau dechassé, [oyseau]
Bien tost apres le prince preuenu,
Combien qu'hors fleuue enemis repoulsé [ennemi]
Dehors saisi trait d'oyseau soustenu.

0124

Bestes farouches de faim fluues tranner:
Plus part du camp encontre Hister sera,
En caige de fer le grand fera treisner, [traisner]
Quand R in enfant Germain obseruera

0125

La garde estrange trahira forteresse: [garce]
Espoir & vmbre de plus hault mariage.
Garde deceue,sort prinse dans la presse,
Loyre,Son.Rosne,Gar.à mort outrage. [oultragée]

0126

Pour la faueur que la cité fera
Au gran qui tost perdra champ de bataille, [grand]
Fuis le rang Po,Thesin versera
De sang,feuz,morts,noyes de coup de taille.

0127

Le diuin verbe sera du ciel frapé,
Qui ne pourra proceder plus auant.
Du reserant le secret estoupé
Qu'on marchera par dessus & deuant.

0128

Le penultime du surnom du prophete
Prendra Diane pour son iour & repos:
Loing vaguera par frenetique teste,
Et deliurant vn grand peuple d'impos.

0129

L'oriental sortira de son siege,
Passer les monts Apennins,voir la Gaule:
Transpercera du ciel les eaux & neige:
Et vn chascun frapera de sa gaule.

0130

Vn qui les dieux d'Annibal infernaux
Fera renaistre,effrayeur des humains
Oncq' plus d'horreurs ne plus pire iournaux
Qu'auint viendra par Babel aux Romains.

0131

En Campanie Cassilin sera tant
Qu'on ne verra que d'eaux les champs couuerts
Deuant apres la pluye de long temps
Hors mis les arbres rien l'on verra de vert.

0132

Laict,sang,grenouilles escoudre en Dalmatie,
Conflit donné,peste pres de Balenne:
Cry sera grand par toute Esclauonie
Lors naistra monstre pres & dedans Rauenne.

0133

Par le torrent qui descent de Verone
Par lors qu'au Po guindera son entrée,
Vn grand naufrage,& non moins en Garonne
Quant ceux de Gennes marcheront leur contrée.

0134

L'ire insensée du combat furieux
Fera à table par freres le fer luire
Les despartir mort,blessé,curieux:
Le fier duelle viendra en France nuire.

0135

Dans deux logis de nuit le feu prendra,
Plusieurs dedans estoufés & rostis.
Pres de deux fleuves pour seur il auiendra
Sol,l'Arq,& Caper tous seront amortis.

0136

Du grand Prophete les lettres seront prises
Entre les mains du tyran deuiendront:
Frauder son roy seront ses entreprises,
Mais ses rapines bien tost le troubleront.

0137

De ce grand nombre que lon enuoyera
Pour secourir dans le fort assiegés,
Peste & famine tous les deuorera
Hors mis septante qui seront profligés.

0138

Des condamnés sera fait vn grand nombre
Quand les monarques seront conciliés:
Mais a l'vn d'eux viendra si malencombre
Que guerres ensemble ne seront raliés. [guerres]

0139

Vn an deuant le conflit Italique,
Germain,Gaulois,Hespagnols pour le fort:
Cherra l'escolle maison de republique,
Ou,hors mis peu,seront suffoqués morrs. [morts]

0140

Vn peu apres non point longue interualle.
Par mer & terre sera fait grand tumulte,
Beaucoup plus grande sera pugne nauale,
Feus,animaux,qui plus feront d'insulte.

0141

La grand' estoile par sept iours bruslera,
Nuée fera deux soleils apparoir:
Le gros mastin toute nuit hurlera
Quand grand pontife changera de terroir.

0142

Coq,chiens,& chats de sang seront repeus,
Et de la plaie du tyrant trouué mort,
Au lict d'un autre iambes & bras rompus, [d'vn]
Qui n'auoit peur mourir de cruel mort.

0143

Durant l'estoyle cheuelue apparente,
Les trois grans princes seront fait ennemis, [grands] [faits]
Frappes du ciel,paix terre tremulente.
Po,Tymbre vndants,serpant sus le bort mis.

0144

L'aigle pousée en tour des pauillons [posée]
Par autres oyseaux d'entour sera chassée, [chassée]
Quand bruit des cymbres,tubes & sonnaillons
Rendront le sens de la dame insensée.

0145

Trop le ciel pleure l'Androgyn procrée,
Pres de ce ciel sang humain respandu,

Par mort trop tarde grand peuple recrée
Tard & tost vient le secours attendu.

0146

Après grandtrouble humain, plus grand s'aprest(e) [s'apste]
Le grand mouleur les siècles renouuele. [moteur]
Pluie,sang,laict,famine,fer,& peste
Au ciel veu,feu courant longue estincele.

0147

L'ennemi grand viel dueil meurt de poison:
Les souuerains par infinis subiuguez.
Pierres plouuoir,cachés sous la toison: [toyson]
Par mort articles en vain sont allegués.

0148

La grand copie que passera les monts.
Saturne en l'Arq tournant du poisson Mars
Venins cachés sous testes de saulmons:
Leurs chief pendu à fil de polemars.

0149

Les conseilliers du premier monopole,
Les conquerants seduits pour la Melite:
Rodes,Bisance pour leurs exposant pole:
Terre faudra les poursuiuants de fuite.

0150

Quand ceux d'Ainault,de Gand & de Brucelles
Verront à Langres le siege deuant mis
Derrier leurs flancz seront guerres crueles,
La plaie antique fera pis qu'ennemis.

0151

Le sang du iuste à Londres fera faute
Bruslés par fouldres de vint trois les six.
La dame antique cherra de place haute:
De mesme secte plusieurs seront occis.

0152

Dans plusieurs nuits la terre tremblera:
Sur le prins temps deux effors suite:
Corynthe,Ephese aux deux mers nagera:
Guerre s'esmeut par deux vaillans de luite.

0153

La grande peste de cite maritime
Ne cessera que mort ne soit vengée
Du iuste sang,par pris damne sans crime
De la grand dame par feincte n'outraigée.

0154

Par gent estrange,& de Romains loingtaine
Leur grand cité apres eaue fort troublée,
Fille sans main,trop different domaine,
Prins chief,sarreure n'auoir esté riblée.

0155

Dans le conflit le grand qui peuvalloyt,
A son dernier fera cas merueilleux:
Pendant qu'Hadrie verra ce qu'il falloyt,
Dans le banquet pongnale l'orgueilleux.

0156

Que peste & glaiue n'a peu seu definer
Mort dans le puy,sommet du ciel frappé.
L'abbé mourra quand verra ruiner
Ceux du naufrage l'escueil voulant grapper.

0157

Auant conflit le grand mur tumbera:
Le grand à mort,mort trop subite & plainte:
Nay imparfaict:la plus part nagera:
Aupres du fleuue de sang la terre tainte.

0158

Sans pied ne main par dend ayguë & forte
Par globe au fort deporc & laisné nay:
Pres du portail desloyal se transporte
Silene luit,petit grand emmené.

0159

Classe Gauloyse par apuy de grand garde
Du grand Neptune,& ses tridents souldars
RousgéeProuence pour sostenir grand bande:
Plus Mars Narbon.par iauelotz & dards.

0160

La foy Punicque en Orient rompue
Gang.Iud.& Rosne,Loyre , & Tag changeront,
Quand du mulet la faim sera repue,
Classe espargie,sang & corps nageront.

0161

Euge,Tamins,Gironde & la Rochele:
O sang Troien! Mars au port de la flesche
Derrier le fleuue au fort mise l'eschele,
Pointes a feu gran meurtre sus la bresche.

0162

Mabus puis tost alors mourra,viendra
De gens & bestes vne horrible defaite:
Puis tout à coup la vengeance on verra
Cent,main,soif,faim,quand courra la comete.

0163

Gaulois, Ausone bien peu subiuguera,
Po,Marne,& Seine fera Perme l'vrie
Qui le grand mur contre eux dressera
Du moindre au mur le grand perdra la vie.

0164

Seicher de faim,de soif gent Geneuoise
Espoir prochain viendra au defaillir,
Sur point tremblant sera loy Gebenoise.
Classe au grand port ne se peult acuilir.

0165

Le parc enclin grande calamité
Par l'Hesperie & Insubre fera:
Le feu en nef,peste & captiuité:
Mercure en l'Arq Saturne fenera.

0166

Par grans dangiers le captif echapé:
Peu de temps grand la fortune changée.
Dans le palais le peuple est atrapé
Par bon augure la cité est assiegée.

0167

Le blonde au nez forche viendra commetre
Par le duelle & chassera dehors:
Les exiles dedans fera remetre
Aux lieux marins commetant les plus forts.

0168

De l'Aquilon les efforts seront grands:
Sus l'Ocean sera la porte ouuerte,
Le regne en l'isle sera reintegrand:
Tremblera Londres par voile descouuerte.

0169

Le roy Gauloys par la Celtique dextre
Voiant discorde de la grand Monarchie,
Sus les trois pars fera fleurir son sceptre,
Contre la cappe de la grand Hirarchie.

0170

Le dard du ciel fera son extendue
Mors en parlant:grande execution.
La pierre en l'arbre,la fiere gent rendue,
Brut,humain monstre,purge expiation.

0171

Les exilés en Secile viendront
Pour deliurer de faim la gent estrange:

Au point du iour les Celtes luy faudront:
La vie demeure a raison:roy se range.

0172

Armée Celtique en Italie vexée
De toutes pars conflit & grande perte:
Romains fuis,ô Gaule repoulsée.
Pres du Thesin,Rubicon pugne incerte.

0173

Au lac Fucin de Benac le riuaiage
Prins du Lemane au port de l'Orguion:
Nay de troys bras predict belliq image,
Par troys couronnes au grand Endymion.

0174

DeSens,d'Autun viendront iusques auRosne
Pour passer outre vers les monts Pyrenées:
La gent sortir de la Marque d'Anconne:
Par terre & mer le suiura à grans trainées.

0175

La voix ouye de l'insolit oyseau,
Sur le canon du respiral estaige,
Si haut viendra du froment le boisseau,
Que l'homme d'homme sera Anthropophage.

0176

Foudre en Bourgoigne fera cas portenteux,
Que par engin ne pourroit faire
De leur senat sacriste fait boiteux
Fera sauoir aux ennemis l'affaire

0177

Par arcs feuz poix & par feuz repoussés:
Cris,hurlements sur la minuit ouys.
Dedans sont mis par les ramparts cassés
Par cunicules les traditeurs fuis.

0178

Le grand Neptune du profond de la mer
De gent Punique & sang Gauloys meslé,
Les Isles à sang,pour le tardif ramer:
Plus luy nuira que l'occult mal celé.

0179

La barbe cresp & noire par engin
Subiuguera la gent cruele & fiere.
Le grand chyren osterà du longin
Tous les captifs par Seline baniere.

0180

Après conflit du lesé l'eloquence
Par peu de temps se tramme faint repos:
Point l'on n'admet les grands à deliurance:
Les ennemis sont remis à propos.

0181

Par feu du ciel la cité presque aduste:
L'Urne menasse encor Deucalion:
Vexée Sardaigne par la Punique fuste
Après que Libra lairra son Phaëton.

0182

Par faim la proye fera loup prisonnier
L'assaillant lors en extreme detresse.
Le nay aiant au deuant le dernier,
Le grand n'eschappe au milieu de la presse.

0183

Le gros trafficq du grand Lyon change
La plus part tourne en pristine ruine,
Proye aux souldars par pille vendange
Par Iura mont & Sueue bruine.

0184

Entre Campaigne,Sienne,Flora,Tuscie
Six moys neufz iours ne plouura vne goutte.
L'estrange langue en terre Dalmatie
Courira sus:vastant la terre toute.

0185

Le vieux plain barbe sous l'estatut seuere,
A Lyon fait dessus l'Aigle Celtique:
Le petit grand trop outre perseuere:
Bruit d'arme au ciel:mer rouge Lygustique:

0186

Naufraige a classe pres d'onde Hadriatique:
La terre esmeuë sus l'air en terre mis:
Egypte tremble augment Mahommetique
L'Herault soy rendre à crier est commis.

0187

Après viendra des extremes contrées
Prince Germain sus le throsne doré:
La seruitude & eaux rencontrees
La dame serue,son temps plus n'adoré.

0188

Le circuit du grand faict ruineux
Le nom septiesme du cinquiesme sera:
D'un tiers plus grand l'estrange belliqueux.
Monton,Lutece,Aix ne garantira.

0189

Du iou seront demis les deux grandz maistres
Leur grand pouuoir se verra augmenté:
La terre neufue sera en ses haults estres:
Au sanguinaire le nombre racompté.

0190

Par vie & mort changé regne d'Ongrie:
La loy sera plus aspre que seruice,
Leur grand cité d'vrlements plaincts & crie:
Castor & Pollux ennemis dans la lyce.

0191

Soleil leuant vn grand feulon verra
Bruit & clarté vers Aquilon tendant:
Dedans le rond mort & cris lont orra
Par glaiue,feu,faim,mort les attendants.

0192

Feu couleur d'or du ciel en terre veu:
Frappé du hault,nay,fait cas merueilleuz:
Grad meurtre humain:prins du grand le nepueu,
Morts d'expectacles eschappé l'orgueilleux.

0193

Bien pres du Tymbre presse la Libytine:
Vng peu deuant grand inundation:
Le chef du nef prins,mis a la sentine:
Chasteau,palais en conflagration.

0194

G R A N.Po,grand mal pour Gauloys receura,
Vaine terreur au maritin Lyon:
Peuple infini par la mer passera,
Sans eschapper vn quart d'vn milion.

0195

Les lieux peuples seront inhabitables:
Pour champs auoir grande diuision:
Regnes liurés a prudents incapables:
Lors les grands freres mort & dissension.

0196

Flambeau ardent au ciel soir sera veu
Pres de la fin & principe du Rosne:
Famine,glaiue:tard le secours pourueu,
La Perse tourne enuahir Macedoine.

0197

Romain Pontife garde de t'approcher
De la cité qui deux fleuues arrouse,

Ton sang viendras au pres de la cracher,
Toy & les tiens quand fleurira la rose.

0198

Celuy du sang respers le visaige
De la victime proche sacrifiée:
Tonant en Leo augure par presage:
Mis estre à mort lors pour la fiancée.

0199

Terroir Romain qu'interpretoit augure,
Par gent Gauloyse sera par trop vexée:
Mais nation Celtique craindra l'heure,
Boreas, classe trop loing l'auoir poussée.

0200

Dedans les isles si horrible tumulte,
Rien on n'orra qu'une bellique brigade,
Tant grand sera des predateurs l'insulte,
Qu'on se viendra ranger à la grand ligue.

Centurie III

0201

Après combat & bataille nauale,
Le grand Neptune à son plus hault beffroy,
Rouge auersaire de fraieur viendra pasle,
Metant le grand ocean en effroy.

0202

Le diuin verbe donrra à la sustance
Comprins ciel terre,or occult au fait mystique
Corps,ame,esprit aiant toute puissance,
Tant sous ses pieds,comme au siege celique.

0203

Mars & Mercure & l'argent ioint ensemble
Vers le midi extreme siccité:
Au fond d'Asie on dira terre tremble,
Corinthe,Ephese lors en perplexité.

0204

Quand seront proches le defaut des lunaires,
De l'vn a l'autre ne distant grandement,
Froid,siccité,danger vers les frontieres, (froid)
Mesmes ou l'oracle a prins commencement.

0205

Pres,loing defaut de deux grand luminaires
Qui suruiendra entre l'Auril & Mars.
O quel cherté! mais deux grands debonaires
Par terre & mer secourront toutes pars.

0206

Dans temples clos le foudre y entrera,
Les citadins dedans leurs forts greués:
Cheuaux,beufs,hommes,l'onde mur touchera,
Par faim,soif sous les plus foibles arnés.

0207

Les fuitifs,feu du ciel sus les piques:
Conflit prochain des corbeaux s'esbatans,
De terre on crie aide secour celiques,
Quand pres des murs seront les combatans

0208

Les Cimbres ioints auecques leurs voisins,
Depopuler viendront presque l'Hespaigne:
Gents amassés Guienne & Limosins
Seront en ligue,& leur feront compaignie.

0209

Bourdeaux,Rouen & la Rochele ioints
Tiendront au tour la grand mer oceane:
Anglois,Bretons & les Flamans conioints
Les chasseront iusques au-pres de Roane

0210

De sang & faim plus grande calamité
Sept fois s'apreste à la marine plage,
Monech de faim,lieu prins,captiuité,
Le grand mené croc en ferrée caige.

0211

Les armes batre au ciel longue saison,
L'arbre au milieu de la cité tumbé:
Vermine,rongne,glaiue en face tyson,
Lors le monarque d'Hadrie succombé.

0212

Par la tumeur de Heb.Po,Tag. Timbre & Rosne
Et par l'estang Leman & Aretin,
Les deux grans chefs & cites de Garonne
Prins,morts,noies.Partir humain butin.

0213

Par foudre en l'arche or & argent fondu:
Des deux captifs l'un l'autre mangera:
De la cité le plus grand estendu,
Quand submergée la classe nagera.

0214

Par le rameau du vaillant personnage
De France infime:par le pere infelice
Honneurs,richesses trauail en son viel aage
Pour auoir creu le conseil d'homme nice.

0215

Cueur, vigueur,gloire le regne changera
De tous points contre aiant son aduersaire.
Lors France enfance par mort subiuguera.
Le grand regent sera lors plus contraire.

0216

Le prince Anglois Mars à son cueur de ciel
Voudra poursuiure sa fortune prospere,
Des deux duelles l'un percera le fiel:
Hay de lui,bien aymé de sa mere.

0217

Mont Auentine brusler nuit sera veu:
Le ciel obscur tout à vn coup en Flandres,
Quand le monarque chassera son nepueu:

Leurs gens d'Eglise commetront les esclandres.

0218

Après la pluie laict assés languete,
En plusieurs lieux de Reins le ciel touché
Helasquel meurtre de seng pres d'eux s'apreste.
Peres & filz rois n'oseront aprocher.

0219

En Luques sang & laict viendra plouuoir:
Vn peu deuant changement de preteur,
Grand peste & guerre,faim & soif fera voyr
Loing,ou mourra leur prince recteur.

0220

Par les contrées du grand fleuve Bethique
Loing d'Ibere,au regne de Granade,
Croix repoussées par gens Mahumetiques
Vn de Cordube trahira la contrade.

0221

Au crustamin par mer Hadriatique
Apparoistra vn horrible poisson,
De face humaine,& la fin aquatique,
Qui se prendra dehors de l'ameçon.

0222

Six iours l'assaut deuant cité donné:
Liurée sera forte & aspre bataille:
Trois la rendront & à eux pardonné:
Le reste a feu & sang tranche traile.

0223

Si France passes outre mer lygustique,
Tu te verras en isles & mers enclos:
Mahomet contraire:plus mer Hadriatique:
Cheuaux & d'asnes tu rougeras les os.

0224

De l'entreprinse grande confusion,
Perte de gens,thresor innumerable:
Tu ny dois faire encor extension
France a mon dire fais que sois recordable.

0225

Qui au royaume Nauarrois paruiendra
Quand de Secile & naples seront ioints:
Bigorre & Landes par Foyx Loron tiendra,
D'vn qui d'Hespaigne sera par trop conioint

0226

Des rois & princes dresseront simulacres,

Augures, creuz esleués aruspices:
Corne, victime d'orée, & d'azur, d'acre:
Interpretés seront les extispices.

0227

Prince Libyque puissant en Occident
Francois d'Arabe viendra tant enflammer:
Scauans aux letres fera condescendent,
La langue Arabe en Francois translater.

0228

De terre foible & pauure parentele,
Par bout & paix paruiendra dans l'empire.
Long temps regner vne ieune femele,
Qu'oncq en regne n'en suruint vn si pire.

0229

Les deux nepueus en diuers lieux nourris:
Nauale pugne, terre, peres tumbés
Viendront si haut esleués enguerris
Venger l'iniure: ennemis succombés.

0230

Celuy qu'en luite & fer au fait bellique,
Aura porté plus grand que lui le pris,
De nuit au lit six lui feront la pique,
Nud sans harnois subit sera surpris.

0231

Aux champs de Mede, d'Arabe & d'Armenie,
Deux grands copies trois foys s'assembleront:
Pres du riuage d'Araxes la mesnie,
Du grand Solman en terre tomberont.

0232

Le grand sepulcre du peuple Aquitanique
S'aprochera aupres de la Tousquane,
Quand Mars sera pres du coing Germanique,
Et au terroir de la gent Mantuane.

0233

En la cité ou le loup entrera,
Bien pres de là les ennemis seront:
Copie estrange grand païs gastera.
Aux murs & Alpes les amis passeront.

0234

Quand le defaut du soleil lors sera,
Sus le plain iour le monstre sera veu:
Tout autrement on l'interpretera.
Cherté n'a garde: nul ny aura pourueu.

0235

Du plus profond de l'Occident d'Europe,
De pauvres gens vn ieune enfant naistra,
Qui par sa langue seduira grande troupe:
Son bruit au regne d'Orient plus croistra.

0236

Enseueli non mort apopletique
Sera trouue auoir les mains mangées:
Quand la cité damnera l'heretique,
Qu'auoit leurs loys si leur sembloit changées.

0237

Auant l'assaut oraison prononcée:
Milan prins d'aigle par embusches deceuz:
Muraille antique par canons enfoncée,
Par feu & sang à mercy peu receuz.

0238

La gent Gauloise & nation estrange
Outre les monts,morts prins & profligés:
Au mois contraire & proche de vendange
Par les seigneurs en accord rediges.

0239

Les sept en trois mis en concorde
Pour subiuguer des alpes Apennines:
Mais la tempeste & Ligure couarde
Les profligent en subites ruines.

0240

Le grand theatre se viendra redresser:
Le dez geté,& les rets ia tendus.
Trop le premier en glaz viendra lasser,
Par arcs prostraits de long temps ia fendus.

0241

Bosseu sera esleu par le conseil,
Plus hideux monstre en terre n'aperceu.
Le coup volant prelat creuera l'œil:
Le traistre au roy pour fidele receu.

0242

L'enfant naistra à deux dents à la gorge
Pierres en Tuscie par pluie tomberont:
Peu d'ans apres ne sera bled,ne orge,
Pour saouler ceux qui de faim failliront.

0243

Gents d'alentour de Tarn,Loth,& Garonne,
Gardés les monts Apennines passer,
Vostre tombeau pres de Rome & d'Anconne

Le noir poil cresse fera trophée dresser.

0244

Quand l'animal à l'homme domestique
Après grands peines & saults viendra parler:
Le foudre à vierge sera si malefrique,
De terre prinse, & suspendue en l'air.

0245

Les cinq estranges entrés dedans le temple,
Leur sang viendra la terre prophaner:
Aux Thoulousains sera bien dur exemple
D'un qui viendra ses loys exterminer.

0246

Le ciel (de Plancus la cité) nous presaigne
Par clairs insignes & par estoiles fixes,
Que de son change subit s'approche l'aage,
Ne pour son bien, ne pour ses malefices.

0247

Le vieux monarque deschassé de son regne
Aux Orients son secours ira querre:
Pour peur des croix pliera son enseigne:
En Mitilene ira pour port et terre.

0248

Sept cents captifs estaches rudement
Pour la moitié meurtrir, donné le sort,
Le proche espoir viendra si promptement,
Mais non si tost qu'une quinziesme mort.

0249

Regne Gauloys tu seras bien change:
En lieu estrange est translaté l'empire
Entre autres meurs, & loys seras rangé :
Rouan & Chartres te feront bien du pire.

0250

La republicque de la grande cité
A grand rigueur ne voudra consentir:
Roy sortir hors par trompette cité
L'eschele au mur, la cité repentir.

0251

P A R I S coniuere vn grand meurtre commetre,
Bloys le fera sortir en plain effet:
Ceux d'Orleans voudront leur chef remettre,
Angiers, Troye, langres leur feront grand forfait.

0252

En la Campaigne sera si longue pluie,

Et en la Pouile si grande siccité.
Coq verra l'aigle, l'aesle mal accomplie:
Par Lyon mise sera en extremité.

0253

Quand le plus grand emportera le pris
De Nuremberg d'Auspurg, & ceux de Basle
Par Aggripine chef Francqfort repris
Transuerseront par Flamans iusques en Gale.

0254

L'un des plus grands fuira aux Hespaignes,
Qu'en longue plaie apres viendra saigner:
Passant copies par les hautes montaignes
Deuastant tout & puis en paix regner.

0255

En l'an qu'un oeil en France regnera,
La court sera à vn bien fascheux trouble:
Le grand de Bloys son ami tuera:
Le regne mis en mal & doute double.

0256

Montauban, Nismes, Auignon, & Besier,
Peste, tonnerre & gresle à fin de Mars:
De Paris pont, Lyon mur, Montpellier,
Depuis six cent & sept XXIII. pars.

0257

Sept foys changer verrés gent Britannique
Taintz en sang en deux cent nonante an:
Franche non point par apui Germanique.
Aries doute son pole Bastarnan.

0258

Aupres du Rin des montaignes Noriques
Naistra vn grand de gents trop tard venu,
Qui defendra savrome & Pannoniques,
Qu'on ne saura qu'il sera deuenu.

0259

Barbare empire par le tiers vsurpé
La plus grand part de son sang metra à mort:
Par mort senile par luy le quart frapé,
Pour peur que sang par le sang ne soit mort.

0260

Par toute Asie grande proscription,
Mesmes en Mysie, Lysie & Pamphylie:
Sang versera par absolution
D'un ieune noir rempli de felonnie.

0261

La grande bande & secte crucigere
Se dressera en Mesopotamie:
Du proche fleuve compaignie legiere,
Que telle loy tiendra pour ennemie.

0262

Proche del duero par mer Tyrrene close
Viendra percer les grands monts Pyrenées.
La main plus courte & sa percée gloze,
A Carcassonne conduira ses menées

0263

Romain pouuoir sera du tout abas,
Son grand voysin imiter ses vestiges:
Occultes haines ciuiles,& debats
Retarderont aux bouffons leurs folligges.

0264

Le chef de Perse remplira grande olxades
Classe trireme contre gent Mahumetique
De Parthe,& Mede:& piller les Cyclades:
Repos long temps au grand port Ionique.

0265

Quand le sepulcre du grand Romain trouué,
Le iour apres sera esleu pontife,
Du senat gueres il ne sera proué
Empoisonné son sang au sacré scyphe.

0266

Le grand baillif d'Orleans mis à mort
Sera par vn de sang vindicatif:
De mort merite ne mourra,ne par sort:
Des pieds & mains mal le faisoit captif.

0267

Vne nouuele secte de Philosophes
Mesprisant mort,or,honneurs & richesses,
Des monts Germains ne seront limitrophes:
A les ensuiure auront apui & presses.

0268

Peuple sans chef d'Espagne & d'Italie
Morts,profligés dedans le Cherronnesse:
Leur duyct trahi par legiere folie
Le sang nager par tout à la trauerse.

0269

Grand exercite conduict par iouuenceau,
Se viendra rendre aux mains des ennemis:
Mais le viellard nay au demi pourceau,

Fera Chalon & Mascon estre amis.

0270

La grand Bretagne comprinse l'Angleterre
Viendra par eaux si hault à inunder
La ligue neusue d'Ausonne fera guerre,
Que contre eux mesmes il se viendront bander

0271

Ceux dans les isles de long temps assiegés
Prendront vigueur force contre ennemis:
Ceux par dehors morts de faim profligés,
En plus grand faim que iamais seront mis.

0272

Le bon viellard tout vif enseueli,
Pres du grand fleuve par fauce souspeçon:
Le nouveau vieux de richesse ennobli
Prins au chemin tout l'or de la rançon.

0273

Quand dans le regne paruiendra le boiteux
Competiteur aura proche bastard:
Luy & le regne viendront si fort rogneux,
Qu'ains qu'il guerisse son fait sera bien tard.

0274

Naples, Florence, Fauence & Imole,
Seront en termes de telle facherie,
Que pour complaire aux malheureux de Nolle,
Plainct d'auoir fait à son chef moquerie.

0275

P.A.V. Veronne, Vicence, Sarragousse
De glaifues loings terroirs de sang humides:
Peste si grande viendra à la grand gousse
Proches secours, & bien loing les remedes.

0276

En Germanie naistront diuerses sectes,
S'approchans fort de l'heureux paganisme,
Le cueur captif & petites receptes,
Feron retour à payer le vray disme.

0277

Le tiers climat soubz Aries comprins
Lan mil sept cens vingt & sept en Octobre,
Le roy de Perse par ceux d'Egypte prins:
Conflict, mort, perte: à la croix grand opprobe.

0278

Le chef d'Escosse avec six d'Alemagne

Par gens de mer Orientaux captifs,
Transuerseront le Calpre & Hespagne
Present en Perse au nouveau roy craintif.

0279

L'ordre fatal sempiternel par chaisne
Viendra tourner par ordre consequent:
Du port Phocen sera rompue la chaisne:
La cité prinse,l'ennemi quand & quand.

0280

Du regne Anglois l'indigne deschassé,
Le conseiller par ire mis à feu:
Ses adherans iront si bas tracer,
Que le bastard sera demi receu.

0281

Le grand criard sans honte audacieux,
Sera esleu gouuerneur de l'armée:
La hardiesse de son contentieux,
Le pont rompu,cité de peur pasmée:

0282

Freins, Antibol,villes au tour de Nice,
Seront vastées fer, par mer & par terre:
Les sauterelles terre & mer vent propice,
Prins,morts,troussés,pilles sans loy de guerre.

0283

Les lons cheueux de la Gaule Celtique
Accompagnés d'estranges nations,
Metront captif la gent Aquitanique,
Pour succomber à internitions.

0284

La grand cité sera bien desolée
Des habitants vn seul ny demeurra:
Mur,sexe,temple,& vierge violée
Par fer,feu,peste,canon peuple mourra.

0285

La cité prinse par tromperie & fraude,
Par le moyen d'vn beau ieune atrapé:
Lassaut donné Roubine pres de l'avde
Luy & tous morts pour auoir bien trompé.

0286

Le chef d'Ausonne aux Hespagnes ira
Par mer fera arrest dedans Marseille:
Auant sa mort vn long temps languira:
Après sa mort lon verra grand merueille:

0287

Classe Gauloyse n'aproches de Corseigne
Moins de sardaigne,tu t'en repentiras
Trestous mourres frustrés de laide Grogne: [mourrés]
Sang nagera:captif ne me croyras.

0288

De Barcelonne par mer si grand armee,
Toute Marseille de frayeur tremblera:
Isles saisies de mer aide fermée,
Ton traditeur en terre nagera.

0289

En ce temps la sera frustré Cypres
De son secours,de ceux de mer Egée:
Vieux trucidés:mais par masles & lyphres
Seduict leur roy,royne plus outragée.

0290

Le grand Satyre & Tigre de Hyrcanie,
Don presente à ceux de l'Ocean:
Le chef de classe istra de Carmanie
Qui prendra terre au Tyrren Phocean.

0291

L'arbre qu'auoit par long temps mort seché,
Dans vne nuit viendra a reuerdir:
Cron.roy malade,prince pied estaché
Craint d'ennemis fera voile bondir.

0292

Le monde proche du dernier periode,
Saturne encor tard sera de retour:
Translat empire devers nation Brodde:
L'œil arraché à Narbon par Autour.

0293

Dans Auignon tout le chef de l'empire
Fera arrest pour Paris desolé:
Tricast tiendra l'Annibalique ire:
Lyon par change sera mal consolé.

0294

De cinq cent ans plus compte lon tiendra
Celuy qu'estoit l'ornement de son temps:
Puis à vn coup grande clarté donrra
Que par ce siecle les rendra trescontens.

0295

La loy Moricque on verra defaillir:
Après vne autre beaucoup plus seductiue,
Boristhenes premier viendra faillir:

Pardons & langue vne plus attractiue.

0296

Chef de fovssan aura gorge couper
Par le ducteur du limier & leurier:
Le faict patré par ceux du mont tarpee
Saturne en Leo xiii.de Feurier.

0297

Nouvelle loy terre neufue occuper
Vers la Syrie,Iudee,& Palestine:
Le grand empire barbare corruer,
Auant que Phebés son siecle determine.

0298

Deus royals freres si fort guerroyeront [Deux]
Qu'entre eux sera la guerre si mortelle,
Qu'vn chacun places fortes occuperont:
De regne & vie sera leur grand querele.

0299

Aux champs herbeux d'Alein & du Varneigne,
Du mont Lebron proche de la Durance,
Camp de deux pars conflict sera sy aigre:
Mesopotamie defallira en la France.

0300

Entre Gaulois le dernier honoré,
D'homme ennemi sera victorieux:
Force & terroir en moment exploré,
D'vn coup de trait quand mourra l'enuieux.

Centurie IV (première partie)

0301

CELA du reste de sang non espandu:
Venise quiert secours estre donné:
Après auoir bien long temps attendu.
Cité liurée au premier corn sonnè.

0302

Par mort la France prendra voyage à faire
Classe par mer, marcher monts Pyrenées,
Hespaigne en trouble, marcher gent militaire:
Des plus grand dames en France emmenées.

0303

D'Arras & Bourges, de Brodes grans enseignes
Vn plus grand nombre de Gascons batre à pied,
Ceulx long du Rosne saigneront les Espaignes:
Proche du mont ou Sagonte s'assied.

0304

L'impotent prince faché, plainctz & quereles.
De raptz & pillés par coqz & par libyques:
Grand est par terre, par mer infinies voiles,
Seure Italie sera chassant Celtiques.

0305

Croix, paix, sous vn accompli diuin verbe,
L'Hespaigne & Gauleseront vnis ensemble.
Grand clade proche, & combat tresacerbe:
Cueur si hardi ne sera qui ne tremble.

0306

D'habits nouueaux après faicte la treuue,
Malice tramme & machination:
Premier mourra qui en fera la preuue
Couleur venise insidiation.

0307

Le mineur filz du grand & hay prince,
De lepre aura à vingt ans grande tache:
De dueil sa mere mourra bien triste & mince.
Et il mourra la ou tombe chet lache.

0308

La grand cité d'assaut prompt repentin
Surprins de nuict, gardes interrompus
Les excubies & veilles saint Quintin
Trucidés, gardes & les pourtails rompus.

0309

Le chef du camp au milieu de la presse
D'un coup de fleche sera blessé aux cuisses,
Lors que Geneue en larmes & detresse
Sera trahie par Lozan & Souysses.

0310

Le ieune prince accusé faulsement
Metra en trouble le camp & en querelles:
Meurtri le chef pour le soustenement:
Sceptre apaiser: puis guerirescroueles.

0311

Celuy qu'aura gouuert de la grand cappe
Sera induict a quelque cas patrer:
Les XII. rouges viendront souiller la nappe
Sous meurtre, meurtre se viendra perpetrer

0312

Le camp plus grand de route mis en fuite,
Gueres plus outre ne sera pourchassé:
Ost recampé, & legion reduicte
Puis hors des Gaules du tout sera chassé.

0313

De plus grand perte nouvelles raportées,
Le raport fait le camp s'estonnera:
Bandes vnies encontre reuoltées:
Double phalange grand abandonnera.

0314

La mort subite du premier personnaige
Aura changé & mis vn autre au regne:
Tost, tard venu à si haut & bas aage,
Que terre & mer faudra que lon le craigne.

0315

D'ou pensera faire venir famine,
De la viendra le ressasiement:
L'œil de la mer par auare canine
Pour de l'un l'autre donrra huyle, froment.

0316

La cité franche de liberté fait serue:
Des profligés & resueurs fait asyle.
Le roy changé à eux non si proterue:
De cent seront deuenus plus de mille.

0317

Changer à Beaune, Nuy, Chalons & Digeon
Le duc voulant amander la Barrée
Marchant pres fleuue, poisson, bec de plongeon,

Verra la queue:porte sera serrée.

0318

Des plus letrés dessus les faits celestes
Seront par princes ignorants reprouvés:
Punis d'Edit,chassés,comme scelestes,
Et mis à mort la ou seront trouués.

0319

Deuant rovan d'Insubres mis le siege,
Par terre & mer enfermés les passages.
D'Haynault,& Flandres,de Gand & ceux de Liege
Par dons lænees rauront les riuages.

0320

Paix vberté long temps lieu louera
Par tout son regne desert la fleur de lis:
Corps morts d'eau,terre la lon aportera,
Sperants vain heur d'estre la enseuelis.

0321

Le changement sera fort difficile:
Cité,prouince au change gain fera:
Cueur haut,prudent mis,chassé lui habile,
Mer,terre,peuple son estat changera.

0322

La grand copie qui sera deschassée,
Dans vn moment fera besoing au roy:
La foy promise de loing sera fauscee
Nud se verra en piteux desarroy.

0323

La legion dans la marine classe
Calcine, Magnes soulfhre,& poix bruslera:
Le long repos de lasseurée place:
Port Selyn,Heracle feu les consumera.

0324

Ouy sous terre sainte d'ame,voix fainte,
Humaine flamme pour diuine voyr luire,
Fera des seuls de leur sang terre tainte
Et les saints temples pour les impurs destruire.

0325

Corps sublimes sans fin à l'œil visibles
Obnubiler viendront par ses raisons:
Corps,front comprins,sens, chief & inuisibles,
Diminuant les sacrées oraisons.

0326

Lou grand eyssame se leuera d'abelhos,

Que non sauran don te siegen venguddos
Denuech l'embousq;,lou gach dessous las treilhos
Cieutad trahido p cinq lengos non nudos.

0327

Salon, Mansol, Tarascon de sex. l'arc,
Ou est debout encor la piramide,
Viendront liurer le prince Dannemarc
Rachat honni au temple d'Artemide.

0328

Lors que Venus du sol sera couuert,
Souz l'esplendeur sera forme occulte,
Mercure au feu les aura descouuert
Par bruit bellique sera mis à l'insulte.

0329

Le sol caché eclipse par Mercure
Ne sera mis que pour le ciel second.
De Vulcan Hermes sera faite pasture:
Sol sera veu pur rutilant & blond.

0330

Plus xi. fois [lune.soleil.] ne voudra,
Tous augmentés & baissés de degré:
Et si bas mis que peu or lon coudra:
Qu'apres faim,peste descouuert le secret.

0331

La lune au plain de nuit sus le haut mont,
Le nouveau sophe d'vn seul cerueau la veu:
Par ses disciples estre immortel semond
Yeux au mydi.En seins mains,corps au feu.

0332

Es lieux et temps chair au poiss. donrra lieu:
La loy commune sera faicte au contraire:
Vieux tiendra fort, puis oste du milieu
Le panta koina filvm mis fort arriere.

0333

Iuppiter ioint plus Venus qu'à la Lune
Apparoissant de plenitude blanche:
Venus cachée soubs la blancheur Neptune,
De Mars frappé par la granée branche.

0334

Le grand mené captif d'estrage terre,
D'or enchainé au roy chyren offert,
Qui dans Ausonne,Millan perdra la guerre,
Et tout son ost mis à feu & à fer.

0335

Le feu estaint,les vierges trahiront
La plus grand part de la bande nouvelle:
Fouldre à fer,lance les seuls roy garderont:
Etrusque & Corse,de nuit gorge allumelle.

0336

Les ieux nouveaux en Gaule redressés,
Après victoire de l'Insubre champaigne:
Monts d'Esperie,les grands liés,troussés:
De peur trembler laRomaine & l'Espagne.

0337

Gaulois par saults,monts viendra penetrer:
Occupera le grand lieu de l'Insubre:
Au plus profond son ost fera entrer:
Gennes,Monech pousseront classe rubre.

0338

Pendant que duc,roy,royne occupera
Chef Bizant dn captif en Samothrace: [Bizantin]
Auant l'assaut l'vn l'autre mangera: [assaut]
Rebours ferré suyura du sang la trasse.

0339

Les Rodiens demanderont secours
Par le neglet de ses hoys delaissée.
L'empire Arabe reualera son cours
Par Hesperies la cause redressée.

0340

Les forteresses des assieges sarrés
Par poudre à feu profondés en abysme:
Les proditeurs seront tous vifs serrés
Onc aux sacristes n'aint si piteux scisme.

0341

Gymnique sexe captiue par hostaige
Viendra de nuit custodes deceuoyr:
Le chef du camp deceu par son langaige
Lairra a la gente,fera piteux a voyr.

0342

Geneue & Langres par ceux de Chartres & Dolle
Et par Grenoble captif au Montlimard
Seysset,Losanne par fraudulente dole,
Les trahiront par or soyxante marc.

0343

Seront oys au ciel les armes batre:
Celuy an mesme les diuins ennemis
Voudront loix saintes iniustement debatre

Par foudre & guerre bien croyans à mort mis.

0344

Lous gros de Mende,de Roudés & Milhau
Cahours, Limoges, Castres malo,sepmano
De nuech l'intrado,de Bourdeaux vn cailhau
Par Perigort au toc de la campano.

0345

Par conflit roy,regne abandonera:
Le plus grand chef fallira au besoing:
Mors profligés peu en rechapera,
Tous destranchés,vn en sera tesmoing.

0346

Bien defendu le faict par excelence,
Garde toy Tours de ta proche ruine.
Londres & Nantes par Reims fera defense
Ne passés outre au temps de la bruine.

0347

Le noir farouche quand aura essayé
Sa main sanguine par feu,fer,arcs tendus:
Trestout le peuple sera tant effraie:
Voyr les plus gra(n)ds par col & pieds pendus.

0348

Plannure Ausonne fertile,spacieuse
Produira taons si trestant sauterelles:
Clarté solaire deuiendra nubileuse,
Ronger le tout,grand peste venir d'elles.

0349

Deuant le peuple sang sera respandu
Que du haut ciel ne viendra eslogner:
Mais d'vn long temps ne sera entendu
L'esprit d'vn seul le viendra tesmoigner.

0350

Libra verra regner les Hesperies,
De ciel,& terre tenir la monarchie:
D'Asie forces nul ne verra peries
Que sept ne tiennent par rang la hierarchie.

0351

Le duc cupide son ennemi ensuiure
Dans entrera empeschant sa phalange:
Astes à pied si pres viendront poursuiure,
Que la iournée conflite pres de Gange

0352

La cité obsesse aux murs hommes & femmes

Ennemis hors le chef prestz à soy rendres
Vent sera fort encontre les gens-darmes:
Chassés seront par chaux,poussiere & cendre.

0353

Les fuitifs & bannis reuoqués:
Peres & filz grand garnisent les hauts puids:
Le cruel pere & les siens suffoqués:
Son filz plus pire submergé dans le puis.

0354 Du nom qui onque ne fut au Roy Gaulois, [gaulois]
Jamais ne fut vn foudre si craintif,
Tremblant l'Italie, l'Espagne & les Anglois
De femme estrangiers grandement attentif.

0355 Quand la corneille sur tout de brique ioincte, [Quant] [tour]
Durant sept heures ne fera que crier:
Mort presagee de sang statue taincte,
Tyran meurtri, aux Dieux peuple prier. [murtry]

0356 Apres victoire de rabieuse langue,
L'esprit tempté en tranquil & repos:
Victeur sanguin par conflict faict harangue,
Roustir la langue & la chair & les os [oz]

0357 Ignare enuie au grand Roy supportee, [du]
Tiendras propos deffendre les escripts:
Sa femme non femme par vn autre tentee,
Plus double deux ne fort ne criz. [crys]

0358 Soleil ardent dans le gosier coller,
De sang humain arrouser terre Etrusque:
Chef seille d'eau, mener son fils filer, [filz filet]
Captiue dame conduite en terre Turquie. [turque]

0359 Deux assiegez en ardente ferueur,
De soif estaincts pour deux plaines tasses [plainnes]
Le fort limé, & vn vieillart resueur,
Aux Geneuois de Nira monstra trasse.

0360 Les sept enfans en hostaige laissez,
Le tiers viendra son enfant trucider:
Deux par son fils seront d'estoc percez, [filz]
Gennes, Florence, les viendra enconder. [Florence lors]

0361 Le vieulx mocqué & priué de sa place,
Par l'estranger qui le subornera:
Mains de son fils mangees deuant sa face,
Le frere à Chartres, Orl Roüan trahira. [chartres]

0362 Vn coronel machine ambition,
Se saisira de la plus grande armee:

Contre son Prince faincte inuention, [prince feincte]
Et descouuert sera soubs sa ramee. [la]

0363 L'armee Celtique contre les montaignars,
Qui seront sçez & prins à la pipee: [lipee]
Paysans frez pousseront tost faugnars,
Precipitez tous au fil de l'espee.

0364 Le deffailant en habit de bourgeois, [bourgeois]
Viendra le Roy tenter de son offense:
Quinze soldats la pluspart Vstagois,
Vie derniere & chef de sa cheuance.

0365 Au deserteur de la grand forteresse,
Après qu'aura son lieu abandonné,
Son aduersaire fera [si] grand proüesse,
L'empereur tost mort sera condamné. [condemné]

0366 Sous couleur faincte de sept testes rasées [faincte]
Seront semez diuers explorateurs:
Puis & fontaines de poisons arrousees,
Au fort de Gennes humains deuorateurs.

0367 L'an que Saturne & Mars esgaux combust,
L'air fort seiché, longue traiection:
Par feux secrets, d'ardeur grand lieu adust, [secretz]
Peu pluye, vent, chaut, guerres, incursions. [chault]

0368 En l'an bien proche non esloigné de Venus,
Les deux plus grands de l'Asie & d'Aphrique: [grans]
Du Ryn & Hister qu'on dira sont venus, [hister]
Cris, pleurs à Malte & costé Ligustique. [ligustique]

0369 La cité grande les exilez tiendront,
Les citadins morts, meurtris & chassez: [murtris]
Ceux d'Aquilee à Parme promettront,
Monstrer l'entree par les lieux non trassez.

0370 Bien contigue des grands monts Pyrenees, [grans]
Vn contre l'Aigle grand copie addresser: [l'aigle]
Ouuertes veines, forces exterminées, [vaines]
Que iusqu'à Pau le chef viendra chasser.

0371 En lieu d'espouse les filles trucidées,
Meurtre à grand faute ne sera superstie: [Murtre] [superstie]
Dedans le puy vestules inondées,
L'espouse estainte par hauste d'Aconile. [hausse]

0372 Les Artomiques par Agen & l'Estore, [Artoniques]
A saint Felix feront le parlement:
Ceux de Basas viendront à la mal'heure,
Saisir Condon & Marsan promptement.

0373 Le nepueu grand par force prouuera,
Le pache fait du cœur pusillanime:
Ferrare & Ast le Duc esprouera, [esprouera]
Par lors qu'au soir sera le pantomime. [pantamime]

0374 Du lac Lemman et ceux de Brannonices, [lyman]
Tous assemblez contre ceux d'Aquitaine:
Germaines beaucoup encore plus Souisses,
Seront desfaicts avec ceux d'Humaine.

0375 Prest à combattre fera defection,
Chef aduersaire obtiendra la victoire:
L'arriere garde fera defension,
Les defaillans mort au blanc territoire.

0376 Les Nictobriges par ceux de Perigort,
Seront vexez tenant iusques au Rosne:
L'associé de Gascons & Begorne, [Lassotie] [Begorn]
Trahir le temple, le prestre estant au prosne.

0377 Selin monarque l'Italie pacifique,
Regnes vnis par Roy Chrestien du monde: [chrestien]
Mourant voudra coucher en terre blesique,
Après pyrates auoir chassé de l'onde.

0378
La grand' armee de la pugne ciuile,
Pour de nuict Parme à l'estrange trouuee,
Septante neuf meurtris dedans la ville, [murtris]
Les estrangers passez tous à l'espee.

0379
Sang Royal fuis, Monhuit, Mas, Esguillon, [roy/Monthurt/Eguillon]
Remplis seront de Bourdelois les Landes, [landes]
Nauarre, Bygorre, poinctes & eguillons,
Profonds de faim vorer de Liege glandes. [liege]

0380
Pres du grand fleuue grand fosse terre egeste, [fluue]
En quinze pars sera l'eau diuisee: [l'eaue]
La cité prinse, feu, sang cris conflict mettre,
Et la pluspart concerne au collisee.

0381
Pont on fera promptement de nacelles,
Passer l'armee du grand Prince Belgique: [prince]
Dans profondes & non loing de Brucelles, [profondrés]
Outre passez, detranchez sept à picque.

0382
Amas s'approche venant d'Esclauonie,

L'Olestant vieux cité ruynera:
Fort desolée verra sa Romanie, [la]
Puis la grande flamme esteindre ne sçaura. [estaindre]

0383

Combat nocturne le vaillant capitaine,
Vaincu fuira peu de gens profligé: [profligez]
Son peuple esmeu, sedition non vaine,
Son propre fils le tiendra assiégué.

0384

Vn grand d'Auxerre mourra bien miserable,
Chassé de ceux qui sous luy ont esté:
Serré de chaines, apres d'vn rude cable,
En l'an que Mars, Venus & Sol mis en esté. [Venus, Sol]

0385

Le charbon blanc du noir sera chassé,
Prisonnier faict mené au tombereau,
More Chameau sur pieds entrelassez,
Lors le puisné fillera l'aubereau. [sillera]

0386

L'an que Saturne en eau sera conioinct, [eaeu]
Auecques Sol, le Roy fort & puissant,
A Reims & Aix sera receu & oingt,
Après conquestes meurtrira innocens. [murtrira]

0387

Vn fils du Roy tant de langues apprins,
A son aisé au regne different:
Son pere beau au plus grand fils comprins,
Fera perir principal adherant. [adeerant]

0388

Le grand Antoine du nom de faict sordide [du moindre]
De Phthyriaise à son dernier rongé: [Phintriase]
Vn qui de plomb voudra estre cupide,
Passant le port d'esleu sera plongé.

0389

Trente de Londres secret coniureront,
Contre leur Roy, sur le pont l'entreprise: [roy]
Luy, satallites la mort degousteront, [fatalistes]
Vn Roy esleu blonde, natif de Frize. [roy]

0390

Les deux copies aux murs ne pourront ioindre,
Dans cest instant trembler Milan, Ticin: [tremble]
Faim, soif, doutance, si fort les viendra poindre
Chair, pain, ne viures n'auront vn seul boucin. [bocin]

0391

Au Duc Gaulois contrainct battre au duelle, [duc gaulois]
La nef Mellele monech n'approchera, [Meselle]
Tort accusé, prison perpetuelle,
Son fils regner auant mort taschera.

0392

Teste tranchée du vaillant capitaine,
Sera iettée deuant son aduersaire: [getté]
Son corps pendu de la classe à l'antenne [sa]
Confus fuira par rames à vent contraire.

0393

Vn serpent veu proche du lict royal,
Sera par dame, nuict chiens n'abayeront:
Lors naistre en France vn Prince tant royal, [naistra] [prince]
Du ciel venu tous les Princes verront. [princes]

0394

Deux grands freres seront chassez d'Espagne,
L'aisné vaincu sous les mons Pyrenées: [monts]
Rougir mer, Rosne, sang Lemand d'Alemaigne, [rosne/leman/d'alemaigne]
Narbon, Blyterre, d'Agath contaminees. [Bliterre] [d'Atheniens]

0395

Le regne à deux laissé bien peu tiendront,
Trois ans sept mois passez feront la guere: [guerre]
Les deux Vestales contre rebelleront, [vestales]
Victor puisnay en Armonique terre.

0396

La sœur aînée de l'Isle Britannique [isle]
Quinze ans deuant le frere aura naissance:
Par son promis moyennant verrifique,
Succedera au regne de balance.

0397

L'an que Mercure, Mars, Venus retrograde,
Du grand Monarque la ligne ne faillir:
Esleu du peuple l'vsitant pres de Gagdole, [Gandole]
Qu'en paix & regne viendra fort enuieillir.

0398

Les Albanois passeront dedans Rome,
Moyennant Langres demipler affublez, [de miples affublés]
Marquis & Duc ne pardonne à homme, [pardonner]
Feu, sang, morbiles, point d'eau faillir les bleds. [morbile] [blés]

0399

L'aisné vaillant de la fille du Roy,
Respoussera si profond les Celtiques, [repoussera]
Qu'il mettra foudres, combien en tel arroy, [fouldres]

Peu & loing, puis profond és Hesperiques.

0400

De feu celeste au Royal édifice, [royal]
Quand la lumière de Mars defaillira: [Quant]
Sept mois grand guerre, mort gent de malefice
Roïan, Eureux au Roy ne faillira.

Centurie V

0401

Auant venuë de ruine Celtique,
Dedans le temple deux palementerons [parlementeront]
Poignard cœur, d'un monté au coursier & picque, [cœur]
Sans faire bruit le grand enterreront.

0402

Sept conierez au banquet feront luire,
Contre les trois le fer hors de nauire.
L'un les deux classe au grand fera conduire,
Quand par le mail. Dernier au front luy tire. [Quant/mail/ Denier]

0403

Le successeur de la Duché viendra.
Beaucoup plus outre que la mer de Tosquane
Gauloise branche la Florence tiendra,
Dans son giron d'accord nautique Rane.

0404

Le gros mastin de cité dechassé,
Sera fasché de l'estrangle alliance,
Après aux champs auoir le cerf chassé [camps] [chef]
Le loup & l'Ours se donront defiance. [Loup]

0405

Soubs ombre feincte d'oster de seruitude, [vmbre faincte]
Peuple & cité, l'vsurpera luy-mesmes
Pire fera par fraudes de ieune pute,
Liuré au champ lisant le faux proesme.

0406

Au Roy l'Augur sur le chef la main mettre, [Agur sus]
Viendra prier pour la paix Italique:
A la main gauche viendra changer le sceptre,
Du Roy viendra Empereur pacifique.

0407

Du Triumvir seront trouuez les os,
Cherchant profond thresor ænigmatique.
Ceux d'alentour ne seront en repos.
Ce concauer marbre & plomb metalique. [De]

0408

Sera laissé le feu vif, mort caché,
Dedans les globes horrible espouuantable.
De nuict à classe cité en poudre lasché,

La cité à feu, l'ennemy fauorable.

0409

Iusques au fond la grand arq demolue, [aux fondz]
Par chef captif l'amy anticipé,
Naistra de dame front, face cheuelue,
Lors par astuce Duc à mort atrapé.

0410

Vn chef Celtique dans le conflict blessé,
Aupres de caue voyant siens mort abbatre:
De sang & playes & d'ennemis pressé,
Et secours par incogneus de quatre. [secourus]

0411

Mer par solaires seure ne passera,
Ceux de Venus tiendront toute l'Affrique:
Leur regne plus Saturne n'occupera,
Et changera la part Asiatique.

0412

Aupres du lac Lemman sera conduite,
Par garse estrange cité voulant trahir:
Auant son meurtre à Ausborg la grand suite,
Et ceux du Rhin la viendront inuahir. [Ryn]

0413

Par grand fureur le Roy Romain Belgique
Vexer voudra par phalange barbare:
Fureur grinsent, chassera gent Lybique [libique]
Depuis Pannons iusques Hercules la hare.

0414

Saturne & Mars en Leo Espagne captiue,
Par chef Lybique au conflict attrapé, [libique]
Proche de Malthe, Herodde prinse viue, [Heredde]
Et Romain sceptre sera par Coq frappé. [Romain]

0415

En nauigant captif prins grand Pontife, [pontife]
Grans aprets faillir les clerks tumultuez:
Second esleu absent son bien debife,
Son fauory bastard à mort tué.

0416

A son haut pris plus la lerne sabee,
D'humaine chair par mort en cendre mettre:
A l'isle Pharos par Croissars Perturbee, [pertubée P. Rigaud]
Alors qu'à Rodos paroistra dur espectre.

0417

De nuict passant le Roy pres d'vne Androne,

Celuy de Cipres & principal guette. [guetto]
Le Roy failly, la main fuit long du Rosne,
Les coniuerez l'iront à mort mettre.

0418
De dueil mourra l'infelix profligé,
Celebrera son vitrix l'hecatombe:
Pristine loy, franc edit redigé,
Le mur & Prince au septiesme iour tombe. [Prince]

0419
Le grand Royal d'or, d'airain augmenté, [Royal]
Rompu la pache, par ieune ouuerte guerre:
Peuple affligé par vn chef lamenté,
De sang barbare sera couuerte terre.

0420
De là les Alpes grande armee passera,
Vn peu deuant naistra monstre vapin :
Prodigieux & subit tournera,
Le grand Tosquan à son lieu plus propin. [Toscan]

0421
Par le trespas du Monarque Latin,
Ceux qu'il aura par regne secourus:
Le feu luira diuisé le butin. [luyra]
La mort publique aux hardis incurus. [incoruz]

0422
Auant, qu'a Rome grand aye rendu l'ame [ave]
Effrayeur grande à l'armee estrangere
Par esquadrons l'embusche pres de Parme,
[Esquadrons,] [l'arme]
Puis les deux rouges ensemble feront chere. [roges]

0423
Les deux contens seront vnis ensemble,
Quand la pluspart à Mars seront conioint:
Le grand d'Affrique en effrayeur & tremble,
Dvumvirat par la classe desioinct. [Duumvirat]

0424
Le regne & loy sous Venus esleué,
Saturne aura sus Iupiter empire:
La loy & regne par le Soleil leué,
Par Saturnins endurera le pire.

0425
Le prince Arabe Mars Sol, Venus, Lyon,
Regne d'Eglise par mer succombera:
Deuers la Perse bien pres d'un million,

Bisance, Egypte ver. serp. inuadera.

0426

La gent esclau par vn heur Martial,
Viendra en haut degré tant esleuee,
Changeront Prince, naistre vn prouincial,
Passer la mer copie aux monts leuee.

0427

Par feu & armes non loing de (la) marnegro,
Viendra de Perse occuper Trebisonde: [trebisonde]
Trembler Pharos Methelin, Sol alegro,
De sang Arabe d'Adrie couuert onde. [vnde]

0428

Le bras pendu & la iambe liee,
Visage pasle, au sein poignard caché:
Trois qui seront iurez de la meslee
Au grand de Gennes sera le fer lasché. [fera le fert]

0429

La liberté ne sera recouuree,
L'occupera noir, fier, vilain, inique:
Quand la matiere du pont sera ouuree,
D'Hister, Venise faschee la republique.

0430

Tout à l'entour de la grande cité,
Seront soldats logez par champs & villes.
Donner l'assaut Paris Rome incité,
Sur le pont lors sera faicte, grand pille.

0431

Par terre Attique chef de la sapience,
Qui de present est la rose du monde:
Pont ruiné, & sa grande preeminence [ruyné]
Sera subdite & naufrage des ondes. [vndes]

0432

Où tout bon est, tout bien Soleil & Lune,
Est abundant, sa ruine s'approche.
Du ciel s'auance vaner ta fortune, [varier]
En mesme estat que la septiesme roche.

0433

Des principaux de cité rebellee,
Qui tiendront fort pour liberté rauoir.
Detrancher masles, infelice meslee, [masses]
Crys, heurlemens à Nantes piteux voir.

0434

Du plus profond de l'Occident Anglois

Où est le chef de l'isle Britannique
Entrera classe dans Gyronde, par Blois, [Gyrande]
Par vin & sel, feux cachez aux barriques.

0435

Par cité franche de la grand mer Seline
Qui porte encores à l'estomach la pierre,
Angloise classe viendra sous la bruine,
Vn rameau prendre, du grand ouuerte guerre.

0436

De sœur le frere par simulte faintise,
Viendra mesler rosee en myneral:
Sur la placente donne à vielle tardiuë, [placente] [vieille tardifue]
Meurt le goustant sera simple & rural.

0437

Trois cens seront d'vn vouloir & accord,
Que pour venir au bout de leur attainte,
Vingt mois apres tous & record [moys] [recordz]
Leur Roy trahy simulant haine fainte. [trahir] [voire sainte]

0438

Ce grand monarque qu'au mort succedera,
Donnera vie illicite [&] lubrique,
Par nonchalance à tous concedera,
Qu'à la parfin faudra la loy Salique.

0439

Du vray rameau de fleur de lys issu,
Mis & logé heritier d'Hetruirie:
Son sang antique de longue main tissu, [issu]
Fera Florence florir en l'harmoirie. [armoirie]

0440

Le sang royal sera si tres meslé,
Contraints seront Gaulois de l'Hesperie: [Constraint]
On attendra que terme soit coulé,
Et que memoire de la voix soit perie.

0441

Nay sous les ombres & iournee nocturne, [vmbres]
Sera en regne & bonté souueraine:
Fera renaistre son sang de l'antique vrne,
Renouellant siecle d'or pour l'airain.

0442

Mars esleué en son plus haut befroy,
Fera retraire les Allobrox de France:
La gent Lombarde fera si grand effroy,
A ceux de l'Aigle comprins sous la Balance.

0443

La grand' ruine des sacrez ne s'eslongne,
Prouence, Naples, Sicille, Seez & Ponce, [seez]
En Germanie, au Rhin & la Cologne, [à Colonge]
Vexez à mort par tous ceux de Magonce.

0444

Par mer le rouge sera prins de pyrates,
La paix sera par son moyen troublee:
L'ire & l'auare commettra par fainct acte,
Au grand Pontife sera l'armee doublee. [double]

0445

Le grand Empire sera tost désolé,
Et translaté pres d'arduenne silue,
Les deux bastards par l'aisné décollé,
Et regnera Ænobarb nez de milue. [Aenobarbe nay]

0446

Par chapeaux rouges querelles & nouueaux scismes [qrelles]
Quand on aura esleu le Sabinois:
On produira contre luy grands sophismes,
Et sera Rome lesee par Albanois.

0447

Le grand Arabe marchera bien auant,
Trahy sera par les Bisantinois:
L'antique Rodes luy viendra au deuant,
Et plus grand mal par austre Pannonois.

0448

Après la grande affliction du sceptre,
Deux ennemis par eux seront defaicts:
Classe d'Affrique aux Pannons viendra naistre,
Par mer & terre seront horribles faicts.

0449

Nul de l'Espagne mais de l'antique France
Ne sera esleu pour le tremblant nacelle:
A l'ennemy sera faicte fiance,
Qui dans son regne sera peste cruelle.

0450

L'an que les Freres du lys seront en aage,
L'vn d'eux tiendra la grande Romanie:
Trembler les monts, ouuert Latin passage,
Pache macher contre fort d'Armenie.

0451

La gent de Dace, d'Angleterre, Polonne [palonne]
Et de Boësme feront nouuelle ligue [Bohesme]
Pour passer outre d'Hercules la colonne,

Barcins, Tyrrens dresser cruelle brigue.

0452

Vn Roy sera qui donra l'opposite,
Les exilez esleuez sur le regne:
De sang nager la gent caste hypolite,
Et florira long temps sous telle enseigne.

0453

La loy du Sol & Venus contendus, [contendens]
Appropriant l'esprit de prophetie:
Ne l'vn ne l'autre ne seront entendus, [entendens]
Par sol tiendra la loy du grand Messie. [Sol]

0454

Du pont Euxine, & la grand Tartarie,
Vn Roy sera qui viendra voir la Gaule:
Transpercera Alane & l'Armenie,
Et dedans Bisance lairra sanglante gaule. [Gaule]

0455

De la Felice Arabie contrade,
Naistra puissant de loy Mahometique:
Vexer l'Espagne, conquerer la Grenade,
Et plus par mer à la gent Lygustique.

0456

Par le trespas du tres-vieillard Pontife
Sera esleu Romain de bon aage;
Qu'il sera dict que le siege debiffe,
Et long tiendra & de picquant ourage.

0457

Istra du mont Gaulfies & Auentin, [Gaulfier]
Qui par le trou aduertira l'armée,
Entre deux rocs sera prins le butin,
De Sext, mansol faillir la renommee. [Sext.]

0458

De l'aqueduc d'Vticense Gardoing, [l'archeduc]
Par la forest & mont inaccessible:
En my du pont sera tasché au poing,
Le chef nemans qui tant sera terrible. [Nemans]

0459

Au chef Anglois à Nismes trop seiour, [Nymes]
Deuers l'Espagne au secours Ænobarbe:
Plusieurs mourront par Mars ouuert ce iour,
Quand en Artois faillir estoille en barbe. [quant] [Artoys]

0460

Par teste rase viendra bien mal eslire,

Plus que sa charge ne porte passera.
Si grande fureur & rage fera dire, [raige]
Qu'à feu & sang tout sexe trenchera.

0461

L'enfant du grand n'estant à sa naissance,
Subiuguera les hauts monts Apennis:
Fera trembler tous ceux de la balance,
Et des monts feux iusques à Mont-senis. [mont Senis]

0462

Sur les rochers sang on verra pleuuoir, [plouuoir]
Sol Orient Saturne Occidental:
Pres d'Orgon guerre à Rome grand mal voir,
Nefs parfondrees, & prins [le] Tridental.

0463

De vaine entreprise l'honneur indue plaincte, [emprise]
Galliotz errans par latins, froid, faim, vagues: [Gallotz] [froit]
Non loing du Tymbre de sang la terre taincte, [tymbre]
Et sur humains seront diuerses plagues.

0464

Les assemblez par repos du grand nombre
Par terre & mer conseil contremandé:
Pres de l'Autonne Gennes, Nice de l'ombre,
Par champs & villes le chef contrebandé.

0465

Subit venu l'effrayeur sera grande,
Des principaux de l'affaire cachez:
Et dame en braise plus ne sera en veüe,
Ce peu à peu seront les grands fachez. [De]

0466

Sous les antiques edifices vestaux,
Non esloignez d'aqueduct ruyne. [ruyné]
De Sol & lune sont les luisans metaux, [Sol & Luna]
Ardente lampe, Traian d'or burine. [Traian] [buriné]

0467

Quand chef Perouse n'osera sa tunique
Sens au couuert tout nud s'expolier:
Seront prins sept faict Aristocratique,
Le pere & fils mort par poincte au colier.

0468

Dans le Danube & du Rhin viendra boire
Le grand Chameau, ne s'en repentira:
Trembler du Rosne, & plus fort ceux de Loire
Et pres des Alpes Coq le ruinera.

0469

Plus [ne] sera le grand en faux sommeil,
L'inquietude viendra prendre repos:
Dresser phalange d'or, azur & vermeil
Subiuguer Afrique la ronger iusques os.

0470

Des regions subiectes à la Balance
Feron trembler les monts par grande guerre,
Captifs tout sexe deu & tout Bisance,
Qu'on criera à l'aube terre à terre.

0471

Par la fureur d'un qui attendra l'eau,
Par la grand'rage tout l'exercite esmeu:
Chargé des nobles à dix sept bateaux,
Au long du Rosne tard messenger venu.

0472

Pour le plaisir d'edict voluptueux,
On meslera le poison dans la foy:
Venus sera en cours si vertueux,
Qu'obfusquera du Soleil tout à loy.

0473

Persecutee sera de Dieu l'Eglise,
Et les saints Temples seront expoliez,
L'enfant la mere mettra nud en chemise,
Seront Arabes aux Pollons ralliez.

0474

De sang Troyen naistra cœur Germanique
Qui deuiendra en si haute puissance:
Hors chassera gent estrange Arabique,
Tournant l'Eglise en pristine preeminence.

0475

Montera haut sur le bien plus à dextre,
Demourera assis sur la pierre quarree,
Vers le midy posé à sa senestre,
Baston tortu en main bouche serree.

0476

En lieu libre tendra son pauillon,
Et ne voudra en citez prendre place
Aix, Carpen l'isle volce, mont, Cauaillon,
Par tous ses lieux abolira sa trasse.

0477

Tous les degrez d'honneur Ecclesiastique
Seront changez en dial quirinal:
En Martial quirinal flaminique,

[Vn] Roy de France le rendra vulcanal. [Puis vn]

0478

Les deux vnis ne tiendront longuement,
Et dans treize ans au Barbare Satrappe,
Aux deux costez feront tel perdemment,
Qu'vn benira le Barque & sa cappe.

0479

La sacree pompe viendra baisser les aisles, [Par]
Par la venue du grand legislateur:
Humble haussera, vexera les rebelles,
Naistra sur terre aucun æmulateur.

0480

Logmion grande Bisance approchera.
Chassee sera la barbarique Ligue:
Des deux loix l'vne l'estinique laschera,
Barbare & franche en perpetuelle brigue.

0481

L'oiseau royal sur la cité solaire,
Sept moys deuant fera nocturne augure:
Mur d'Orient cherra tonnerre esclaire,
Sept iours aux portes les ennemis à l'heure.

0482

Au conclud pache hors de la forteresse,
Ne sortira celui en desespoir mis:
Quant ceux d'Arbois, de Langres, contre Bresse,
Auront mons Dolle bouscade d'ennemis.

0483

Ceux qui auront entrepris subuertir,
Nompareil regne, puissant & inuincible:
Feron par fraude, nuicts trois [à] aduertir,
Quand le plus grand à table lira Bible.

0484

Naistra du gouphre & cité immesuree,
Nay de parens obscurs & tenebreux:
Qui la puissance du grand Roy reueree,
Voudra destruire par Roïan & Eureux.

0485

Par les Sueves & lieux circonuoisins,
Seront en guerre pour cause de nuees :
Gamp marins locustes & cousins, [Camp]
Du Lemman fautes seront bien desnuees.

0486

Par les deux testes, & trois bras separés,

La cité grande sera par eaux vexee:
Des grands d'entr'eux par exil esgarés,
Par teste perse Bisance fort pressee.

0487

L'an que Saturne hors de seruage,
Au franc terroir sera d'eau inondé:
De sang Troyen sera son mariage,
Et sera seur d'Espaignols circundé.

0488

Sur le sablon par vn hideux deluge,
Des autres mers trouué monstre marin:
Proche du lieu sera fait vn refuge,
Tenant Sauone esclau de Turin.

0489

Dedans Hongrie par Boheme, Nauarre,
Et par banniere fainctes seditions:
Par fleurs de lys pays portant la barre,
Contre Orleans fera esmotions.

0490

Dans les cyclades, en perinthe & larissee,
Dedans Sparte tout le Peloponnesse:
Si grand famine, peste par faux connoise,
Neuf mois tiendra & tout le cheronnesse.

0491

Au grand marché qu'on dict des mensongiers,
Du tout Torrent & champ Athenien: [bout]
Seront surpris par les cheuaux legiers,
Par Albanois Mars, Leo, Sat. vn versien.

0492

Après le siege tenu dix-sept ans,
Cinq changeront en tel reuolu terme:
Puis sera l'vn esleu de mesme temps,
Qui des Romains ne sera trop conforme.

0493

Soubs le terroir du rond globe lunaire,
Lors que sera dominateur Mercure:
L'isle d'Escosse fera vn luminaire,
Qui les Anglois mettra à deconfiture.

0494

Translatera en la grand Germanie,
Brabant & Flandres, Gand, Bruges, & Bolongne:
La trefue fainte le grand duc d'Armenie,
Assaillira Vienne & la Cologne.

0495

Nautique rame inuitera les vmbres,
Du grand Empire lors viendra conciter:
La mer Aegee des lignes les encombres
Empeschant l'onde Tirrenne defflottez.

0496

Sur le milieu du grand monde la rose,
Pour nouueaux faicts sang public espandu:
A dire vray on aura bouche close,
Lors au besoing viendra tard l'attendu.

0497

Le nay difforme par horreur suffoqué
Dans la cité du grand Roy habitable:
L'edict seure des captifs reuoqué,
Gresle & tonnerre, Condon inestimable.

0498

A quarante huict degré climaterique,
A fin de cancer si grande seicheresse:
Poisson en mer, fleuve : lac cuit hectique,
Bearn, Bigorre par feu ciel en detresse.

0499

Milan, Ferrare, Turin, & Aquilleye,
Capue, Brundis vexez par gent Celtique:
Par le Lyon & phalange aquilee
Quant Rome aura le chef vieux Britannique.

0500

Le boute feu par son feu attrapé,
Du feu du ciel à Carcas & Cominge:
Foix, Aux, Mazere, haut vieillard eschappé,
Par ceux de Hesse des Saxons & Turinge.

Centurie VI

0501

Autour des monts Pyrenees grans amas
De gent estrange secourir Roy nouveau:
Pres de Garonne du grand temple du Mas,
Vn Romain chef le craindra dedans l'eau.

0502

En l'an cinq cens octante plus & moins,
On attendra le siècle bien estrange,
En l'an sept cens, & trois cieus en tesmoings,
Que plusieurs règnes vn à cinq feront change.

0503

Fleuee qu'esprouue le nouveau nay Celtique
Sera en grande de l'Empire discordes
Le ieune prince par gent ecclesiastique,
Ostera le sceptre coronal de concorde.

0504

Le Celtiq fleuee changera de riuage,
Plus ne tiendra la cité d'Agripine:
Tout transmué hormis le vieil langage,
Saturne, Leo, Mars, Cancer en rapine.

0505

Si grand famine par vnde pestifere.
Par pluye longue le long du polle arctique
Samarobryn cent lieux de l'hemisphere,
Viuront sans loy exempt de pollitique.

0506

Apparoistra vers le Septentrion
Non loin de Cancer l'estoille cheuelue:
Suze, Sienne, Boëce, Eretrion,
Mourra de Rome grand, la nuict disparue.

0507

Norneigre Dace, & l'Isle Britannique,
Par les vnis freres seront vexees:
Le chef Romain issu de sang Gallique
Et les copies aux forests repoussees.

0508

Ceux qui estoient en regne pour sçauoir,
Au Royal change deuiendront appouris:
Vns exilez sans appuy or n'auoir,
Lettrez & lettres ne seront à grand pris.

0509

Aux sacrez temples seront faicts escandales,
Comptez seront par honneurs & loüanges:
D'vn que on graue d'argent d'or les medalles,
La fin sera en tourmens bien estranges.

0510

Vn peu de temps les temples des couleurs
De blanc & noir des deux entre meslee:
Rouges & iaunes leur embleront les leurs,
Sang, terre, peste, faim, feu d'eau affollee.

0511

Des sept rameaux à trois seront reduicts
Les plus aisnez seront surprins par mort,
Fratricider les deux seront seduicts,
Les coniuerez en dormans seront morts.

0512

Dresser copies pour monter à l'empire,
Du Vatican le sang Royal tiendra:
Flamans, Anglois, Espagne auec Aspire,
Contre l'Italie & France contendra. [contienda P. Rigaud]

0513

Vn dubieux ne viendra loing du regne,
La plus grand part le voudra soustenir.
Vn Capitole ne voudra point qu'il regne,
Sa grande charge ne pourra maintenir.

0514

Loing de sa terre Roy perdra la bataille,
Prompt eschappé poursuiuy suiuant prins,
Ignare prins soubs la doree maille,
Soubs feinct habit, & l'ennemy surprins.

0515

Dessous la tombe sera trouvé le Prince,
Qu'aura le pris par dessus Nuremberg:
L'espagnol Roy en capricorne mince,
Feinct & trahy par le grand Vvitemberg.

0516

Ce que rauy sera de ieune Milue,
Par les Normans de France & Picardie:
Les noirs du temple du lieu de Negrilue
Feront aulberge & feu de Lombardie.

0517

Après les limes bruslez les asiniers,
Contrains seront changer d'habits diuers: [Constrainctz] [habitz]

Les Saturnins bruslez par les meusniers, [musniers]
Hors la pluspart qui ne sera couuers.

0518

Par les Phisiques le grand Roy delaissé,
Par sort non art de l'Ebrieu est en vie,
Luy & son genre au regne haut poussé,
Grace donnee à gent qui Christ enuie.

0519

La vraye flamme engloutira la dame,
Qui voudra mettre les Innocens à feu:
Près de l'assaut l'exercite s'enflamme,
Quant dans Seuille monstre en bœuf sera veu.

0520

L'vnion feincte sera peu de duree;
Des vns changez reformez la pluspart :
Dans les vaisseaux sera gent endurée,
Lors aura Rome un nouveau Liepart.

0521

Quant ceux du polle arctic vnis ensemble,
En Orient grand effrayeur & crainte:
Esleu nouveau, soustenu le grand tremble,
Rodes, Bisence de sang Barbare teincte.

0522

Dedans la terre du grand temple celique,
Nepueu à Londre par paix feincte meurtry:
La barque alors deviendra schismatique,
Liberté feincte sera au corn' & cry.

0523

D'esprit de regne munismes descriés,
Et seront peuples esmeuz contre leur Roy,
Paix, fait nouveau, saintes loix empirees,
Rapis onc fut en si tresdur arroy.

0524

Mars & le sceptre se trouuera conioinct,
Dessoubs Cancer calamiteuse guerre:
Vn peu apres sera nouveau Roy oingt,
Qui par long temps pacifiera la terre.

0525

Par Mars contraire sera la monarchie,
Du grand pescheur en trouble ruyneux:
Ieune noir rouge prendra la hirarchie,
Les proditeurs iront iour bruyneux.

0526

Quatre ans le siege quelque peu bien tiendra,
Vn suruiendra libidineux de vie:
Rauenne & Pyse, Veronne soustiendront,
Pour esleuer la croix de Pape enuie.

0527

Dedans les Isles de cinq fleuues à vn,
Par le croissant du grand Chyren Selin:
Par les bruynes de l'air fureur de l'vn,
Six eschapez cachez fardeaux de lyn.

0528

Le grand Celtique entrera dedans Rome,
Menant amas d'exilez & bannis:
Le grand Pasteur mettra à mort tout homme,
Qui pour le coq estoyent aux Alpes vnis.

0529

La vefue sainte entendant les nouuelles,
De ses rameaux mis en perplex & trouble:
Qui sera duict appaiser les querelles,
Par son pourchas des razes fera comble.

0530

Par l'apparence de faincte sainteté,
Sera trahy aux ennemis le siege.
Nuiet qu'on cuidoit dormir en seureté,
Pres de Brabant marcheront ceux de Liege.

0531

Roy trouuera ce qu'il desiroit tant,
Quand le Prelat sera reprins à tort:
Responce au Duc le rendra mal content,
Qui dans Milan mettra plusieurs à mort.

0532

Par trahison de verges à mort battu,
Prins surmonté sera par son desordre:
Conseil friuole au grand captif sentu,
Nez par fureur quant Berich viendra mordre.

0533

Sa main derniere par Alus sanguinaire,
Ne se pourra par la mer garentir:
Entre deux fleuues craindre main militaire,
Le noir l'ireux le fera repentir.

0534

De feu volant la machination,
Viendra troubler au grand chef assiegez:
Dedans sera telle sedition,
Qu'en desespoir seront les profligez.

0535

Pres de Rion, & proche à blanche laine,
Aries, Taurus, Cancer, Leo, la Vierge,
Mars, Iupiter, le Sol ardra grand plaine,
Boys & citez lettres cachez au cierge.

0536

Ne bien ne mal par bataille terrestre,
Ne paruiendra aux confins de Perouse,
Rebeller Pise, Florence voir mal estre,
Roy nuict blessé sur mulet à noire house.

0537

L'œuure ancienne se paracheuera,
Du toict cherra sur le grand mal ruyne:
Innocent faict mort on accusera,
Nocent caché taillis à la bruyne.

0538

Aux profligez de paix les ennemis,
Après auoir l'Italie superee,
Noir sanguinaire, rouge. sera commis,
Feu, sang verser, eau de sang coloree.

0539

L'enfant du regne, par paternelle prinse
Expolié sera pour deliurer:
Aupres du lac Trasimen l'azur prinse,
La troupe hostage par trop fort s'enyurer.

0540

Grand de Magonce pour grande soif esteindre,
Sera priué de sa grande dignité:
Ceux de Cologne si fort le viendront plaindre,
Que le grand groppe au Rhin sera ietté.

0541

Le second chef du regne d'Annemarc,
Par ceux de Frize & l'Isle Britannique,
Fera despendre plus de cent mille marc,
Vain exploicter voyage en Italique.

0542

A Logmyon sera laissé le regne,
Du grand Selin qui plus fera de faict:
Par les Itales estendra son enseigne,
Regi sera par prudent contrefaict.

0543

Long temps sera sans estre habitee,
Où Signe & Marne autour vient arrouser: [Seine]

De la Tamise & martiaux tentee,
Deceuz les gardes en cuidant repousser.

0544

De nuict par Nantes Lyris apparoistra,
Des arts marins susciteront la pluye:
Arabiq. goulfre, grande classe parfondra,
Vn monstre en Saxe naistra d'ours & truye.

0545

Le gouverneur du regne bien sçauant,
Ne consentir voulant au faict Royal:
Mellile classe par le contraire vent
Le remettra à son plus desloyal.

0546

Vn iuste sera en exil renuoyé,
Par pestilence aux confins de Nonseggle,
Response au rouge le fera desuoyé,
Roy retirant à la Rane & à l'Aigle.

0547

Entre deux monts les deux grands assemblez,
Delaisseront leur simulté secrette:
Brucelle & Dolle par Langres accablez,
Pour à Malignes executer leur peste.

0548

La sainteté trop feinte & seductiue,
Accompagné d'vne langue diserte:
La cité vieille, & Parme trop hastiue,
Florence & Sienne, rendront plus desertes.

0549

De la partie de Mammer grand Pontife,
Subiuguera les confins du Danube:
Chasser la croix, par fer raffe ni riffe,
Captifs, or, bague plus de cent mille rubes.

0550

Dedans le puy seront trouvez les os,
Sera l'inceste, commis par la maratre:
L'estat changé, on querra bruit & los,
Et aura Mars attendant pour son astre. [ascendant]

0551

Peuple assemblé, voir nouveau expectacle.
Princes & Roys par plusieurs assitans,
Pilliers faillir, murs : mais comme miracle
Le Roy sauué & trente des instans.

0552

En lieu du grand qui sera condamné,
De prison hors, son amy en sa place:
L'espoir Troyen en six mois ioinct, mort né,
Le Sol à l'vrne seront prins fleuues en glace.

0553

Le grand Prelat Celtique à Roy suspect,
De nuict par cours sortira hors du regne:
Par Duc fertile à son grand Roy Bretagne,
Bisance à Cypres & Tunes insuspect.

0554

Au point du iour au second chant du coq,
Ceux de Tunes, de Fez & de Bugie,
Par les Arabes, captif le Roy Maroq,
L'an mil six cens & sept, de Liturgie.

0555

Au chalmé Duc en arrachant l'esponce,
Voile Arabesque voir, subit descouuerte:
Tripolis, Chio, & ceux de Trapesconce,
Duc prins, Marnegro & la cité deserte.

0556

La crainte armee de l'ennemy Narbon
Effrayera si fort les Hesperiques:
Parpignan vuide par l'aeugle darbon,
Lors Barcelon par mer donra les piques.

0557

Celuy qu'estoit bien auant dans le regne,
Ayant chef rouge proche à [la] hierarchie:
Aspre & cruel, & se fera tant craindre
Succedera à sacré monarchie.

0558

Entre les deux monarques esloignez,
Lors que le Sol par Selin clair perduë,
Simulté grande entre deux indignes,
Qu'aux Isles & Sienne la liberte renduë.

0559

Dame en fureur par rage d'adultere,
Viendra à son Prince coniuurer non de dire:
Mais bref cogneu sera la vitupere,
Que seront mis dix-sept à martyre.

0560

Le Prince hors de son terroir Celtique
Sera trahy, deceu par interprete:
Rouan, Rochelle par ceux de l'Armorique
Au port de Blaue deceus par moyne & prestre.

0561

Le grand tapis plié ne monstrera,
Fors qu'à demy la pluspart de l'histoire:
Chassé du regne loing aspre apparoistra,
Qu'au faict bellique chacun le viendra croire.

0562

Trop tard tous deux les fleurs seront perdues,
Contre la loy serpent ne voudra faire:
Des ligueurs forces par gallots confondues,
Sauone, Albingue par monech grand martyre.

0563

La dame seule au regne demeuree.
D'vnic esteint premier au lict d'honneur:
Sept ans sera de douleur exploree,
Puis longue vie au regne par grand heur.

0564

On ne tiendra pache aucune arresté,
Tous receuans iront par tromperie:
De paix & trefue, terre & mer protesté.
Par barcelone classe prins d'industrie.

0565

Gris & bureau demie ouuerte guerre,
De nuict seront assaillis & pillez:
Le bureau prins passera par la serre,
Son temple ouuert, deux au plastre grillez.

0566

Au fondement de la nouvelle secte,
Seront les os du grand Romain trouuez,
Sepulchre en marbre apparoistra couuerte,
Terre trembler en Auril, mal enfoüetz.

0567

Au grand Empire paruiendra tout vn autre,
Bonté distant plus de felicité:
Regi par vn issu non loing du peautre,
Corruer regnes grande infelicité.

0568

Lors que soldats fureur seditieuse,
Contre leur chef feront de nuict fer luire:
Enemy d'Albe soit par main furieuse,
Lors vexer Rome, & principaux seduire.

0569

La pitié grande sera sans loing tarder,
Ceux qui donnoyent seront contraints de prendre:

Nuds affamez de froid, soif, soy bander,
Les monts passer commettant grand esclandre.

0570

Au chef du monde le grand Chyren sera,
Plus outre apres ayme, craint, redouté:
Son bruit & los les cieux surpassera,
Et du seul tiltre victeur fort contenté.

0571

Quand on viendra le grand Roy parenter
Auant qu'il ait du tout l'ame rendue:
Celuy qui moins le viendra lamenter,
Par Lyons, aigles, croix couronne venduë.

0572

Par fureur feinte d'esmotion diuine,
Sera la femme du grand fort violee:
Iuges voulans damner telle doctrine,
Victime au peuple ignorant immolee.

0573

En cité grande vn moyne & artisan,
Pres de la porte logez & aux murailles,
Contre Modene secret, caue disant
Trahis pour faire sous couleur d'espousailles.

0574

La dechassée au regne tournera,
Ses ennemis trouuez des coniurez:
Plus que iamais son temps triomphera,
Trois & septante à mort trop asseurez.

0575

Le grand pillot par Roy sera mandé,
Laisser la classe pour plus haut lieu atteindre:
Sept ans apres sera contrebandé,
Barbare armee viendra Venise craindre.

0576

La cité antique d'antenoree forge,
Plus ne pouuant le tyran supporter
Le manchet feinct au temple couper gorge,
Les siens le peuple à mort viendra bouter.

0577

Par la victoire du deceu fraudulente,
Deux classes vne, la reuolte Germaine,
Le chef meurtry & son fils dans la tente,
Florence, Imole pourchassez dans Romaine.

0578

Crier victoire du grand Selin croissant:
Par les Romains sera l'Aigle clamé,
Ticcin Millan & Genes n'y consent,
Puis par eux mesmes Basil grand reclamé.

0579

Pres de Tesin les habitans de Loire,
Garonne, Saone, Saine, Tain & Gironde,
Outre les monts dresseront promontoire.
Conflict donné Pau granci, sumerge onde.

0580

De Fez le regne paruiendra à ceux d'Europe,
Feu leur cité & lame tranchera.
Le grand d'Asie terre & mer à grand troupe,
Que bleux, pers, croix, à mort dechassera.

0581

Pleurs cris & plaints heurlemens, effrayeur,
Cœur inhumain, cruel, noir & transy.
Leman les Isles, de Genes les maieurs,
Sang espacher, frofaim à nul mercy.

0582

Par les deserts de lieu libre & farouche,
Viendra errer nepueu du grand Pontife:
Assommé à sept auecques lourde souche,
Par ceux qu'apres occuperont le Cyphe.

0583

Celuy qu'aura tant d'honneur & caresses,
A son entree de la Gaule Belgique.
Vn temps apres fera tant de rudesses,
Et sera contre à la fleur tant bellique.

0584

Celuy qu'en Sparte Claude ne peut regner,
Il fera tant par voye seductiue:
Que du court, long, le fera araigner,
Que contre Roy fera sa perspectiue.

0585

La grand'cité de Tharse par Gaulois.
Sera destruite, captifs tous à Turban:
Secours par mer du grand Portugalois,
Premier d'esté le iour du sacre Vrban.

0586

Le grand Prelat vn jour apres son songe,
Interpreté au rebours de son sens:
De la Gascogne luy suruiendra vn monge,
Qui fera eslire le grand prelat de Sens.

0587

L'election faicte dans Frankfort,
N'aura nul lieu, Milan s'opposera:
Le sien plus proche semblera si grand fort,
Qu'outre le Rhin és mareschs chassera.

0588

Vn regne grand demourra desolé,
Aupres de l'Hebro se feront assemblees:
Monts Pyrenees le rendront consolé,
Lors que dans May seront terres tremblees.

0589

Entre deux cymbes piedz & mains estachés,
De miel face oingt, & de laict substanté,
Guespes & mouches, fitine amour fachez
Pocilateur faucer, Cyphe tenté.

0590

L'honnissement puant abominable
Après le faict sera felicité
Grand excusé pour n'estre fauorable,
Qu'à paix Neptune ne sera incité.

0591

Du conducteur de la guerre nauale,
Rouge effrené, seure, horrible grippe,
Captif eschappé de l'aisné dans la baste:
Quand il naistra du grand vn fils Agrippe.

0592

Prince de beauté tant venuste,
Au chef menee, le second faict trahy.
La cité au glaiue de poudre face aduste,
Par trop grand meurtre le chef du Roy hay.

0593

Prelat auare d'ambition trompé,
Rien ne sera que trop viendra cuider:
Ses messagers & luy bien attrapé,
Tout au rebours voir, qui le bois fendroit.

0594

Vn Roy iré sera aux sedifragues,
Quand interdits seront harnois de guerre:
La poison taincte au succe par les fragues
Par eaux meurtris, morts, disant serre serre.

0595

Par detracteur calumnié à puis nay,
Quand istront faicts enormes & martiaux:

La moindre part dubieuse à l'aisnay,
Et tost au regne seront faicts partiaux.

0596

Grande cité à soldats abandonnee,
Oncques n'y eust mortel tumult si proche:
O quelle hideuse calamité s'approche,
Fors vne offence n'y sera pardonnee.

0597

Cinq & quarante degrez ciel bruslera
Feu approcher de la grand cité neuue
Instant grand flamme espars sautera
Quand on voudra des Normans faire preuue.

0598

Ruyné au Volsques de peur si fort terribles,
Leur grand cité taincte, faict pestilent:
Pille Sol, Lune & violer leurs temples,
Et les deux fleuves rougir de sang coulant.

0599

L'ennemy docte se tournera confus.
Grand camp malade, & defaict par embusches,
Monts Pyrenees & Pœnus luy seront faicts refus,
Proche du fleuve descourant antiques oruches

0600

Legis cantio (cautio) contra ineptos criticos
Quos legent hosce versus maturè cesunto,
Profanum vulgus & inscium ne attrectato:
Omnesq; Astrologi Sienni, Barbari procul sunt, [Blennis]
Qui aliter facit, is rite sacer esto.

Centurie VII

0601

L'Arc du tresor par Achilles deceu
Aux procrées sceu la quadrangulaire:
Au faict Royal le comment sera sceu
Corps veu pendu au veu du populaire.

0602

Par Mars ouvert Arles ne donra guerre,
De nuict seront les soldats estonnez:
Noir, blanc à l'inde dissimulez en terre,
Sous la fainte ombre traistres verrez & sonnez.

0603

Après de France la victoire nauale,
Les Barchinons, Saillimons, les Phocens,
Lierre d'or, l'enclume serré dedans la basle,
Ceux de Ptolon au fraud seront consens.

0604

Le Duc de Langres assiegé dedans Dole,
Accompagné d'Autun & Lyonnois:
Geneue, Ausbourg, ioinct ceux de Mirandole,
Passer les monts contre les Anconnois.

0605

Vin sur la table en sera respandu,
Le tiers, n'aura celle qu'il pretendoit:
Deux fois du noir de Parme descendu,
Perouse à Pize fera ce qu'il cuidoit.

0606

Naples Palerme, & toute la Sicille,
Par main Barbare sera inhabitee:
Corsique, Salerne & de Sardeigne l'Isle,
Faim, peste guerre, fin de maux intentee.

0607

Sur le combat de grands cheuaux legers,
On criera le grand croissant confond:
De nuict tuer, morts, habits de bergers,
Abismes rouges dans le fossé profond.

0608

Flora, fuis, fuis le plus proche Romain,
Au Fesulan sera conflict donné:
Sang espandu, les plus grands prins à main,
Temple ne sexe ne sera pardonné.

0609

Dame à l'absence de son grand capitaine,
Sera pree d'amour du Vice Roy:
Fainte promesse & malheureuse estreine,
Entre les mains du grand Prince Baroy.

0610

Par le grand Prince limitrophe du Mans,
Preux & vaillant chef du grand exercite:
Par mer & terre de Gallots & Normans,
Caspres passer Barcelone pillé isle.

0611

L'enfant Royal contemnera la mere,
Oeil, pieds blessez rude, inobeissant,
Nouvelle à dame estrange & bien amere,
Seront tuez des siens plus de cinq cens.

0612

Le grand puisnay fera fin de la guerre
Aux Dieux assemble les excusez:
Cahors, Moissac iront long de la serre,
Refus Lestore, les Agenois rasez.

0613

De la cité marine et tributaire,
La teste raze prendra la satrapie,
Chasser sordide qui puis sera contraire,
Par quatorze ans tiendra la tyrannie.

0614

Faux exposer viendra topographie,
Seront les cruches des monumens ouuertes:
Pulluler secte, sainte philosophie,
Pour blanches noires, & pour antiques vertes.

0615

Deuant cité de l'Insubre contree,
Sept ans sera le siege deuant mis:
Le tres-grand Roy y fera son entree,
Cité puis libre hors de ses ennemis.

0616

Entree profonde par la grand Royne faicte
Rendra le lieu puissant inaccessible:
L'armee des trois Lyons sera deffaite,
Faisant dedans cas hideux & terrible.

0617

Le Prince rare de pitié & clemence
Viendra changer par mort grand cognoissance

Par grand repos le regne trauaillié,
Lors que le grand tost sera estrillé.

0618

Les assiegez couloureront leurs paches,
Sept iours apres feront cruelle issuë,
Dans repoussez, feu, sang Sept mis à l'hache
Dame captiue qu'auoit la paix tissuë.

0619

Le fort Nicene ne sera combatu
Vaincu sera par rutilant metal
Son faict sera vn long temps debatu
Aux citadins estrange espouuantal.

0620

Ambassadeurs de la Toscane langue,
Auril & May Alpes & mer passer
Celuy de veau exposera l'harangue,
Vie Gauloise ne venant effacer.

0621

Par pestilente inimitié Volsicque,
Dissimulee chassera le tyran:
Au pont de Sorgues se fera la traffique
De mettre à mort luy & son adherant.

0622

Les citoyens de Mesopotamie
Ires encontre amis de Tarraconne,
Ieux rits, banquets, toute gent endormie
Vicaire au Rosne, prins cité, ceux d'Ausone.

0623

Le Royal sceptre sera contrainct de prendre,
Ce que ses predecesseurs auoyent engagé
Puis que l'anneau on fera mal entendre,
Lors qu'on viendra le palais saccager.

0624

L'enseuely sortira du tombeau,
Fera de chaines lier le fort du pont:
Empoisonné avec œufs de Barbeau,
Grand de Lorraine par le Marquis du Pont.

0625

Par guerre longue l'exercite épuiser,
Que pour soldats ne trouueront pecune,
Lieu d'or, d'argent, cuir on viendra cuser,
Gaulois ærain, signe, croissant de Lune.

0626

Fustes & galeres autour de sept nauires,
Sera liuree vne mortelle guerre:
Chef de Madric receura coup de vires,
Deux eschapees, & cinq menees à terre.

0627

Au cainct de Vast la grand caualerie,
Proche à Ferrage empeschee au bagage:
Prompt à Turin feront tel volerie,
Que dans le fort rauront leur hostage.

0628

Le capitaine conduira grande proye,
Sur la montagne des ennemis plus proche,
Enuironné par feu fera telle voye
Tous eschappez, or trente mis en broche.

0629

Le grand Duc d'Albe se viendra rebeller,
A ses grands peres fera le tradiment:
Le grand de Guise le viendra debeller,
Captif mené & dressé monument.

0630

Le sac s'approche, feu grand sang espandu
Po, grands fleuves aux bouuiers l'entreprise,
De Gennes, Nice apres longs attendu,
Foussan, Turin, à Sauillan la prinse.

0631

De Languedoc, & Guienne plus de dix
Mille voudront les Alpes repasser:
Grands Allobroges marcher contre Brundis
Aquin & Bresse les viendront recasser.

0632

Du mont Royal naistra d'une casane,
Qui caue, & compte viendra tyranniser:
Dresser copie de la marche Millane,
Fauene, Florence d'or & gens espuiser.

0633

Par fraude regne, forces expolier,
La classe obsesse, passages à l'espie.
Deux faincts amys se viendront rallier,
Esueillier hayne de long temps assoupie.

0634

En grand regret sera la gent Gauloise,
Cœur vain, leger croira temerité:
Pain, sel, ne vin, eau, venin ne ceruoise,
Plus grand captif, faim, froid, nécessité.

0635

La grande pesche viendra plaindre, plorer,
D'auoir esleu, trompez seront en l'aage
Guere avec eux ne voudra demourer,
Deceu sera par ceux de son langage.

0636

Dieu, le ciel tout le diuin verbe à l'onde,
Porté par rouges sept razes à Bizance:
Contre les oingt trois cens de Tresibonde
Deux lois mettront & horreur, puis credence.

0637

Dix enuoyez, chef de nef mettre à mort,
D'vn aduerty en classe guerre ouuerte:
Confusion chef l'vn se picquee & mord,
Leryn, stecades nefs, cap dedans la nerte.

0638

L'aisné Royal sur coursier voltigeant,
Picquer viendra, si rudement courir,
Gueulle, lipee, pieds dans l'estrein pleignant
Trainé, tiré, horriblement mourir.

0639

Le conducteur de l'armee Françoisse,
Cuidant perdre le principal phalange:
Par sus paué de l'auaigne & d'ardoise,
Soy parfondra par Gennes gent estrange.

0640

Dedans tonneaux, hors oingts d'huile & gresse
Seront vingt vn deuant le port fermez
Au second guet par mort feront proüesse
Gagner les portes, & du guet assommez.

0641' Les os des pieds & des mains enserrez,
Par bruit maison long temps inhabitee,
Seront par songes concauant deterrez,
Maison salubre & sans bruit habitee.

0642' eux de poison saisis nouveaux venus
Dans la cuisine du grand Prince verser:
Par le souïillard tous deux au faict cogneus,
Prins qui cuidoit de mort l'aisné vexer.

0643' Lors qu'on verra les deux licornes,
L'une baissant, l'autre baissant, [l'autre abaissant,]
Monde au milieu, plier aux bornes [pilier]
S'enfuira le neveu riant. [S'en fuira]

pour les notes entre crochets [], voir les préliminaires du sommaire
0644' Alors qu'un bour sera fort bon,
Portant en soy les marques de iustice,
De son sang lors portant lon nom
Par fuite iniuste recevra son supplice.

Centurie VII – 0645 s 0699
Jamais publiés

Centurie VIII

0701

Pav, Nay, Loron plus feu qu'à sang fera,
Laude nager, fuir grand aux surrez:
Les agassas entree refusera,
Pampon, Durance les tiendra enserez

0702

Condom & aux & autour de Mirande
Ie voy du ciel feu qui les enuironne:
Sol Mars conioint au Lyon puis Marmande
Foudre, grand gresle, mur tombe dans Garonne.

0703

Au fort chasteau de Vigilanne & Resuiers
Sera serré le puisnay de Nancy:
Dedans Turin seront ards les premiers
Lors que de dueil Lyon sera transy.

0704

Dedans Monech le Coq sera receu,
Le Cardinal de France apparoistra
Par Logation Romain sera deceu,
Foiblesse à l'Aigle, & force au Coq naistra.

0705

Apparoistra temple luisant orné,
La lampe & cierge à Borne & Bretueil:
Pour la lucerne le Canton destourné,
Quand on verra le grand Coq au cercueil.

0706

Clarté fulgure à Lyon apparante
Luisant, print Malte, subit sera esteinte:
Sardon, Mauris traicterà deceuante,
Geneue à Londres à Coq trahison fainte.

0707

Verceil, Milan donra intelligence
Dedans Tycin sera faicte la paye, [playe]
Courir par Saine eau, sang, feu par Florence,
Vnique cheoir d'haut en bas faisant maye.

0708

Pres de Linterne dans de tonnes fermez,
Chiuaz fera pour l'Aigle la menee,
L'esleu [cassé] luy ses gens enfermez, [chassé]
Dedans Turin rapt epouse emmenee.

0709

Pendant que l'Aigle & le Coq à Sauone
Seront vnis, Mer, Levant & Ongrie,
L'armee à Naples, Palerme, Marque d'Ancone,
Rome, Venise par Barbe horrible crie.

0710

Puanteur grande sortira de Lausanne,
Qu'on ne sçaura l'origine du fait.
L'on mettra hors toute la gent lointaine,
Feu veu au ciel, peuple estrange desfait.

0711

Peuple infiny paroistra à Vicence
Sans force, feu brusler la basilique:
Pres de Lunage desfait grand de Valence,
Lors que Venise par morte prendra pique.

0712

Apparoistra aupres de Buffalorre
L'haut & procere entré dedans Milan,
L'abbé de Foix avec ceux de saint Morre
Feront la forbe habillez en vilan.

0713

Le croisé frere par amour effreneé
Fera par Praytus Bellerophon mourir,
Classe à milans la femme forceneé
Beu le breuage, tous deux apres perir.

0714

Le grand credit d'or & d'argent l'abondance
Fera aueugler par libide l'honneur,
Sera cogneu d'adultere l'offence
Qui paruiendra à son grand des-honneur.

0715

Vers Aquilon grands efforts par homasse
Presque l'Europe & l'Vniuers vexer,
Les deux eclyses mettra en telle chasse,
Et aux Pannons vie & mort renforcer.

0716

Au lieu que Hieron fait sa nef fabriquer
Si grand deluge sera & si subite,
Qu'on n'aura lieu ne terre s'attaquer,
L'onde monter Fesulan Olympique.

0717

Les biens aisez subit seront desmis,
Par les trois freres le monde mis en trouble.
Cité marine saisiront ennemis,

Faim, feu, sang, peste, & de tous maux le double.

0718

De Flore issue de sa mort sera cause,
Vn temps deuant par ieune & vieille bueyre
Car les trois lys luy feront telle pause,
Par son fruit sauue comme chair crue mueyre.

0719

A soustenir la grande cappe troublee,
Pour l'esclaircir les rouges marcheront:
De mort famille sera presque accablee,
Les rouges rouges le rouge assommeront.

0720

Le faux message par election feinte,
Courir par vrben rompue pache arreste:
Voix acheptee, de sang chappelle teinte,
Et à vn autre l'empire contraicte.

0721

Au port de Agde trois fustes entreront,
Portant l'infect, non foy & pestilence,
Passant le pont mil milles trembleront, [embleront]
Et le pont rompre à tierce resistance.

0722

Gorsan, Narbonne, par le sel aduertir
Tucham, la grande Parpignan trahie, [la grace]
La ville rouge n'y voudra consentir,
Par haute vol drap gris vie faillie.

0723

Lettres trouuees de la Royne les coffres,
Point de subscript sans aucun nom [d'hauteur]: [d'authieur]
Par la police seront cachez les offre,
Qu'on ne sçaura qui sera l'amateur.

0724

Le lieutenant à l'entree de l'huys
Assommera le grand de Parpignan,
En se cuidant sauuer à Monpertuis,
Sera deceu bastard de Lusignan.

0725

Cœur de l'amant ouuert d'amour fortieue
Dans le ruisseau fera raur la Dame:
Le demy mal contrefera lassiue,
Le pere à deux priuera corps de l'ame.

0726

De Caton és trouues en Barcelonne,

Mys decouuers lieu terrouers & ruyne,
Le grand qui tient ne tient voudra Pamplonne,
Par l'abbaye de Monferrat bruynes.

0727

La voye auxelle l'vne sur l'autre fornix
Du muy deser hor mis braue & genest,
L'escript d'Empereur le fenix
Veü à celuy ce qu'à nul autre n'est.

0728

Les simulachres d'or & d'argent enflez,
Qu'apres le rapt au feu furent iettez,
Au descouuert estaincts tous & troublez,
Au marbre escripts, prescripts intergetez.

0729

Au quart pillier lon sacre à Saturne,
Par tremblant terre & deluge fendu
Soubs l'edifice Saturnin trouuee vrne,
D'or Capion rauy & puis rendu.

0730

Dedans Tholouse non loing de Beluzer,
Faisant vn puy loing, palais d'espectacle
Thresor trouué vn chacun ira vexer,
Et en deux locz tout & pres delvasacle.

0731

Premier grand fruit le Prince de Pesquiere:
Mais puis viendra bien & cruel malin,
Dedans Venise perdra sa gloire fiere,
Et mis à mal par plus ioyue Celin.

0732

Garde toy Roy Gaulois de ton nepueu,
Qui sera tant que ton vnique fils
Sera meurtry à Venus faisant vœu:
Accompagné de nuict que trois & six.

0733

Le grand naistra de Veronne & Vincence,
Qui portera vn surnom bien indigne
Qui à Venise voudra faire vengeance,
Luy mesme prins homme du guet & signe.

0734

Après Victoire du Lyon au Lyon
Sus la montaigne de Iura Secatombe
Delues & brodes septiesme million
Lyon, Vlme à Mansol mort & tombe.

0735

Dedans l'entree de Garone & Bayse
Et la forest non loing de Damazan
Du Marsaues gelees, puis gresle & bize
Dordonnois gelle par erreur de mesan.

0736

Sera commis conte oindre aduché
De Saulne & saint Aulbin & Bell'œuvre
Pauer de marbre de Tours loings espluché
Non Bleteram resister & chef d'œuvre.

0737

La forteresse aupres de la Tamise
Cherra par lors le Roy dedans serré:
Aupres du pont sera veu en chemise
Vn deuant mort, puis dans le fort barré.

0738

Le Roy de Bloys dans Auignon regner
Vne autre fois le peuple emonopolle
Dedans le Rosne par murs fera baigner
Iusques à cinq le dernier près de Nolle.

0739

Qu'aura esté par Prince Bizantin,
Sera tollu par prince de Tholouses
La foy de Foix par le chef Tholentin
Luy faillira, ne refusant l'espouse.

0740

Le sang du Iuste par Taurer la daurade,
Pour se venger contre les Saturnins
Au nouveau lac plongeront la maynade,
Puis marcheront contre les Albanins.

0741

Esleu sera Renard ne sonnans mot,
Faisant le saint public viuans pain d'orge,
Tyrannizer apres tant à vn cop,
Mettant à pied des plus grands sur la gorge.

0742

Par auarice par force, & violence
Viendra vexer les siens chiefs d'Orléans,
Pres saint Memire assaut & resistance
Mort dans sa tante diront qu'il dort leans.

0743

Par le decide de deux choses bastards,
Nepueu du sang occupera le regne,
Dedans lectoyre seront les coups de dards,

Nepueu par peur pliera l'enseigne.

0744

Le procee naturel dogmion,
De sept à neuf du chemin destorner:
A Roy de longue & amy au my hom.
Doit à Nauarre fort de Pav prosterner.

0745

La main escharpe & la iambe bandee,
Longs puis nay de Calais portera,
Au mot du guet la mort sera tardee,
Puis dans le temple à Pasque saignera.

0746

Pol mensolee mourra trois lieuës du rosne,
Fuis les deux prochains tarasc destroys:
Car Mars fera le plus horrible trosne,
De coq & d'aigle de France freres trois.

0747

Lac Transmenien portera tesmoignage,
Des coniuerez saurez dedans Perouse
Vn despolle contrefera le sage:
Tuant Tedesque sterne & minuse.

0748

Saturne en Cancer, Iupiter avec Mars,
Dedans Fevrier Chaldondon salvaterre,
Sault Castallon assailly de trois pars,
Pres de Verbiesque conflit mortelle guerre.

0749

Satur au bœuf, ioüe en l'eau, Mars en fleiche,

[Saturne] [Ioue]

Six de Feurier mortalité donra,
Ceux de Tardaigne à Bruge si grand breche,
Qu'à Ponteroso chef Barbarin mourra.

0750

La pestilence l'entour de Capadille,
Vne autre faim pres de Sagont s'appreste:
Le cheualier bastard de bon senille,
Au grand de Thunes fera trancher la teste.

0751

Le Bizantin faisant oblation,
Après auoir Cordube à soy reprinse:
Son chemin long repos pamplation,
Mer passant proy par Colongna prinse.

0752

Le Roy de Bloys dans Auignon regner.
D'Amboise & Seme viendra le long de Lyndre:
Ongle à Poytiers saintes aisles ruiner,
Deuant Bonieux viendra la guerre esteindre.

0753

Dedans Bolongne voudra lauer ses fautes,
Il ne pourra au temple du soleil:
Il volera faisant choses si hautes,
En hierarchie n'en fut oncq vn pareil.

0754

Soubs la couleur du traicté mariage,
Fait magnanime par grand Chyren selin:
Quintin, Arras recouurez au voyage
D'espagnols fait second banc macelin.

0755

Entre deux fleuues se verra enserré,
Tonneaux & caques vnis à passer outre:
Huict ponts rompus chef à tant enferré,
Enfans parfaicts sont iugulez en coultre.

0756

La bande foible le tertre occupera, [la terre]
Ceux du haut lieu feront horribles cris:
Le gros troupeau d'estre coin troublera,
Tombe pres Dinebro descouuers les escrits.

0757

De soldat simple paruiendra en empire,
De robbe courte paruiendra à la longue:
Vaillant aux armes en Eglise ou plus pyre,
Vexer les prestres comme l'eau fait l'esponge.

0758

Regne en querelle aux freres diuisé,
Prendre les armes & le nom Britannique:
Tiltre Anglican sera tard aduisé,
Surprins de nuict mener à l'air Gallique.

0759

Par deux foix haut par deux foix mis à bas,
L'orient aussi l'occident foyblira:
Son aduersaire apres plusieurs combats,
Par mer chasse au besoing faillira.

0760

Premier en Gaule, premier en Romanie,
Par mer & terre aux Anglois & Paris,
Merueilleux faits par celle grand mesnie,

Violant terax perdra le Norlaris.

0761

Iamais par le descouurement du iour,
Ne paruiendra au signe sceptrifere:
Que tous ses sieges ne soyent en seiour,
Portant au coq don du Tag armifere.

0762

Lors qu'on verra expiler le saint temple,
Plus grand du rosne leurs sacrez prophaner
Par eux naistra pestilence si ample,
Roy fuit iniuste ne fera condamner.

0763

Quand l'adultere blessé sans coup aura,
Meurdry la femme & le fils par despit,
Femme assommee l'enfant estranglera:
Huiet captifs prins, s'estouffer sans respit.

0764

Dedans les Isles les enfans transportez,
Les deux de sept seront en desespoir:
Ceux du terroïer en seront supportez,
Nom pelle prins des ligues fuy l'espoir.

0765

Le vieux frustré du principal espoir,
Il paruiendra au chef de son empire:
Vingt mois tiendra le regne à grand pouuoir,
Tiran, cruel en delaisant vn pire.

0766

Quand l'escriture D.M. trouuee,
Et caue antique à lampe descouuerte,
Loy, Roy, & Prince Vlpian esprouuee,
Pauillon Royne & Duc sous la couuerte.

0767

Par. Car. Nersaf, à ruine grand discorde,
Ne l'vn ne l'autre n'aura election,
Nersaf du peuple aura amour & concorde,
Ferrare, Collonne grande protection.

0768

Vieux Cardinal par le ieusne deceu,
Hors de sa charge se verra desarmé:
Arles ne monstres double soit apperceu,
Et liqueduct & le Prince embausmé.

0769

Aupres du ieune le vieux ange baisser,

Et le viendra surmonter à la fin:
Dix ans esgaux aux plus vieux rabaisser,
De trois deux l'vn huictiesme seraphin.

0770

Il entrera vilain meschant, infame
Tyrannisant la Mesopotamie
Tous amis fait d'adulterine dame,
Terre horrible noir de phisonomie.

0771

Croistra le nombre si grand des astronomes
Chassez, bannis & liures censurez.
L'An mil six cens & sept par sacre glomes,
Que nul aux sacres ne seront assurez.

0772

Champ Perusin ô l'enorme deffaite,
Et le conflict tout aupres de Rauenne,
Passage sacre lors qu'on fera la feste.
Vainqueur vaincu cheual manger la venne.

0773

Soldat Barbare le grand Roy frappera,
Iniustement non esloigné de mort,
L'auare mere du fait cause sera,
Coniurateur & regne en grand [remort]. [temort]

0774

En terre neufue bien auant Roy entré,
Pendant subiets luy viendront faire acueil:
Sa perfidie aura tel rencontré,
Qu'aux citadins lieu de feste & recueil.

0775

Le pere & fils seront meurdris ensemble,
Le prefecteur dedans son pauillon:
La mere à Tours du fils ventre aura enfle,
Caiche verdure de fueilles papillon.

0776

Plus Macelin que Roy en Angleterre,
Lieu obscur nay par force aura l'empire:
Lasche sans foy sans loy saignera terre,
Son temps s'approche si pres que ie sospire.

0777

L'antechrist trois bien tost annichilez,
Vingt & sept ans sang durera sa guerre:
Les heretiques morts, captifs exilez,
Sang corps humain eau rougie gresler terre.

0778

Vn bragamas avec la langue torte,
Viendra des dieux [piller] le sanctuaire:
Aux heretiques il ouurira la porte,
En suscitant l'Eglise militaire.

0779

Qui par fer pere perdra nay de Nonnaire,
De Gorgon sur la sera sang perfetant:
En terre estrange fera si tout de taire,
Qui bruslera luy mesme & son enfant.

0780

Des innocens le sang de vefue & vierge,
Tant de maux faits par moyen se grand Roge:
Saints simulachres trempez en ardant cierge,
De frayeur crainte ne verra nul que boge.

0781

Le neuf empire en desolation,
Sera changé du pole aquilonaire:
De la Sicile viendra l'esmotion,
Troubler l'emprise à Philip. tributaire.

0782

Ronge long, sec faisant du bon valet,
A la parfin n'aura que son congie:
Poignant poyson, & lettres au collet,
Sera saisi eschappe en dangie.

0783

Le plus grand voile hors du port de Zara,
Pres de Bisance fera son entreprise:
D'ennemy perte & l'amy ne sera,
Le tiers à deux fera grand pille & prinse.

0784

Paterne orra de la Sicile crie,
Tous les aprests du goulphre de Trieste,
Qui s'entendra iusque à la trinacrie,
De tant de voiles fuy, fuy l'horrible peste.

0785

Entre Bayonne & saint Iean de Lux
Sera posé de Mars la promontoire
Aux Hanix d'Aquilon Nanar hostera lux,
Puis suffoqué au liet sans adiutoire.

0786

Par Arnani tholoser ville franque,
Bande infinie par le mont Adrian:
Passe riuere, Hutin par pont la planque

Bayonne entrer tous Bichoro criant.

0787

Mort conspiree viendra en plain effect,
Charge donnee & voyage de mort:
Esleu, cree receu par siens deffait.
Sang d'innocent deuant foy par remort.

0788

Dans la Sardaigne vn noble Roy viendra,
Qui ne tiendra que trois ans le royaume.
Plusieurs couleurs avec soy conioindra,
Luy mesme apres soin sommeil marrit scome.

0789

Pour ne tomber entre mains de son oncle,
Qui ses enfants par regner trucidiez:
Orant au peuple mettant pied sur Peloncle
Mort & traisné entre cheuaux bardez.

0790

Quand des croisez vn trouué de sens trouble,
En lieu du sacre verra vn bœuf cornu:
Par vierge porc son lieu lors sera comble,
Par Roy plus ordre ne sera soustenu.

0791

Parmy les champs des Rodanes entrees
Où les croysez seront presque unys,
Les deux brassières en pisces rencontrées
Et vn grand nombre par deluge punis.

0792

Loing hors du regne mis en hazard voyage
Grand ost duyra pour soy l'occupera,
Le Roy tiendra les siens captif ostage
A son retour tout pays pillera.

0793

Sept moys sans plus obtiendra prelature
Par son decez grand scisme fera naistre:
Sept moys tiendra vn autre la preture
Pres de Venise paix, vnion renaistre.

0794

Deuant le lac où plus cher fut getté
De sept mois, & son ost desconfit
Seront Hispans par Albanois gastez,
Par delay perte en donnant le conflict.

0795

Le seducteur sera mis en la fosse,

Et estaché iusques à quelque temps,
Le clerc vny le chef avec sa crosse:
Pycante droite attirera les contens.

0796

La synagogue sterile sans nul fruit
Sera receue entre les infideles,
De Babylon la fille du porsuit:
Misere & triste luy trenchera les aisles.

0797

Aux fins du Var changer les pompotans,
Pres du riuage les trois beaux enfants naistre:
Ruyne au peuple par aage competans,
Regne au pays changer plus voir croistre.

0798

Des gens d'Eglise sang sera espanché,
Comme de l'eau en si grand abondance:
Et d'vn long temps ne sera restanché, [restranché]
Ve ve au clerc ruyne & doleance.

0799

Par la puissance des trois Rois temporels,
En autre lieu sera mis le saint Siege:
Où la substance de l'esprit corporel,
Sera remis & receu pour vray siege.

0800

Pour l'abondance de larme respandue,
Du haut en bas par le bas au plus haut:
Trop grande foy par ieu vie perdue,
De soif mourir par abundant default.

Centurie IX

0801

Dans la maison du traducteur de Bourc,
Seront les lettres trouuees sur la table,
Borgne, roux, blanc, chanu tiendra de cours,
Qui changera au nouveau Connestable.

0802

Du haut du mont Auentin voix ouye,
Vuydez vuydez de tous les deux costez:
Du sang des rouges sera l'ire assomye,
D'Arimin Prato, Columna debotez.

0803

La magna vaqua à Rauenne grand trouble,
Conduicts par quinze enserrez à Fornase:
A Rome naistra deux monstres à teste double
Sang, feu, deluge, les plus grands à l'espase.

0804

L'an ensuyuant découuerts par deluge,
Deux chefs esleuz, le premier ne tiendra
De fuyr ombre à l'vn d'eux le refuge,
Saccagee case qui premier maintiendra.

0805

Tiers doigt du pied au premier semblera
A vn nouveau monarque de bas haut,
Qui Pyse & Luques Tyran occupera
Du precedent corriger le deffaut.

0806

Par la Guyenne infinité d'Anglois
Occuperont par nom d'Anglaquitaine,
Du Languedoc Ispalme Bourdeloys,
Qu'ils nommeront apres Barboxitaine.

0807

Qui ouurira le monument trouué,
Et ne viendra le serrer promptement,
Mal luy viendra, & ne pourra prouué
Si mieux doit estre Roy Breton ou Normand.

0808

Puisnay Roy fait son pere mettra à mort, [mettre]
Après conflict de mort tres-inhonneste:
Escrit trouué, soupçon donra remort,
Quand loup chassé pose sur la couchette.

0809

Quand lampe ardente de feu inextinguible
Sera trouué au temple des Vestales.
Enfant trouué feu, eau passant par crible:
Perir eau Nymes, Tholose cheoir les halles.

0810

Moyne moynesse d'enfant mort exposé,
Mourir par ourse, & rauy par verrier,
Par Fois & Pamyès le camp sera posé
Contre Tholose Carcas dresser forrier.

0811

Le iuste à tort à mort l'on viendra mettre
Publiquement et du milieu esteint:
Si grande peste en ce lieu viendra naistre,
Que les iugeans fuyr seront contraints.

0812

Le tant d'argent de Diane & Mercure,
Les simulachres au lac seront trouuez:
Le figulier cherchant argille neuue
Lui & les siens d'or seront abbreuuez.

0813

Les exilez autour de la Soulongne
Conduits de nuict pour marcher en Lauxois,
Deux de Modenne truculent de Bolongne,
Mis descouuerts par feu de Burançois.

0814

Mis en planure chauderons d'infecteurs,
Vin, miel & huyle & bastis sur forneaux
Seront plongez, sans mal dit malfacteurs
Sept fum extaint au canon des borneaux.

0815

Pres de Parpan les rouges detenus,
Ceux du milieu parfondres menez loing:
Trois mis en pieces, & cinq mal soustenus,
Pour le Seigneur & Prelat de Bourgoing.

0816

De castel Franco sortira l'assemblee,
L'ambassadeur non plaisant fera scisme:
Ceux de Ribiere seront en la meslee,
Et au grand goulfre desnieront l'entree.

0817

Le tiers premier pis que ne fit Neron,
Vuidez vaillant que sang humain respandre:

Rédifier fera le forneron,

Siecle d'or mort, nouveau Roy grand esclandre.

0818

Le lys Dauffois portera dans Nansi,
Iusques en Flandres electeur de l'Empire
Neufue obturee au grand Montmorency,
Hors lieux prouuez deliure à clere peyne.

0819

Dans le milieu de la forest Mayenne,
Sol au Lyon la fouldre tombera:
Le grand bastard yssu de grand du Maine,
Ce iour fougeres pointe en sang entrera.

0820

De nuict viendra par la forest de Reines,
Deux pars vaultorte Herne la pierre blanche.
Le moyne noir en gris dedans Varennes,
Esleu cap. cause tempeste, feu, sang, tranche.

0821

Au temple haut de Bloys sacre Salonne,
Nuict pont de Loyre Prelat, Roy pernicant:
Curseur victoire aux marests de la lone,
D'où prelature de blancs à bormeant. [alormeant]

0822

Roy & sa cour au lieu de langue halbe,
Dedans le temple vis à vis du palais:
Dans le iardin Duc de Mantor & d'Albe,
Albe & Mantor poignard langue & palais.

0823

Puisnay ioüant au fresch dessoubs la tonne,
Le haut du toict du milieu sur la teste,
Le pere Roy au temple saint Salonne,
Sacrifiant sacrera fum de feste.

0824

Sur le palais au rochier des fenestres,
Seront ravis les deux petits royaux:
Passer aurette Luthece, Denis cloistres,
Nonnain, Mallods aualler verts noyaux.

0825

Passant les ponts venir pres des rosiers,
Tard arriué plustost qu'il cuidera,
Viendront les noues Espagnols à Besiers,
Qui icelle chasse emprinse cassera. [Qu'icelle]

0826

Nice sortie sur nom des lettres aspres,
La grande cappe fera present non sien :
Proche de vultry aux murs de vertes capres,
Après plombin le vent à bon essien.

0827

De bois la garde, vent clos ronds pont sera,
Haut le receu frappera le Dauphin,
Le vieux tecon bois vnis passera,
Passant plus outre du Duc le droit confin.

0828

Voile Symacle port Massiliolique,
Dans Venise port marcher aux Pannons:
Partir du goufre & sinus Illirique,
Vast à Socile, Ligurs coups de canons.

0829

Lors que celuy qu'à nul ne donne lieu,
Abandonner voudra lieu prins non prins:
Feu nef par saignes, bitument à Charlieu,
Seront Quintin Balez reprins.

0830

Au port de Puola & de saint Nicolas,
Perir Normande au goufre Phanatique,
Cap. de Bisance rues crier hélas,
Secours de Gaddes & du grand Philippique.

0831

Le tremblement de terre à Mortara,
Cassich saint George à demy perfondrez:
Paix assoupie la guerre esueillera,
Dans temple à Pasques abysmes enfondrez.

0832

De fin porphire profond collon trouee
Dessous la lauze escripts capitolin:
Os poil retors Romain force prouee,
Classe agiter au port de Methelin.

0833

Hercules Roy de Rome & d'Annemarc,
De Gaule trois Guion surnommé,
Trembler l'Italie & l'vnde de saint Marc,
Premier sur tous monarque renommé.

0834

Le part soluz mary sera mitré,
Retour conflict passera sur le thuille:
Par cinq cens vn trahyr sera tiltré

Narbon & Saulce par coutaux auons d'huile.

0835

Et Ferdinand blonde sera descorte, [deserte]
Quitter la fleur, suiure le Macedon,
Au grand besoin defaillira sa route,
Et marchera contre le Myrmidon.

0836

Vn grand Roy prins entre les mains d'un loyne,
Non loin de Pasque confusion coup cultre:
Perpet, captifs temps que foudre en la husne,
Lors que trois freres se blesseront & murtre.

0837

Pont & moulins en Decembre versez,
En si haut lieu montera la Garonne:
Meurs, edifices, Tolose renuersez,
Qu'on ne sçaura son lieu autant matronne.

0838

L'entree de Blaye par Rochelle & l'Anglois,
Passera outre le grand Aemathien:
Non loin d'Agen attendra le Gaulois,
Secours Narbonne deceu par entretien.

0839

En Arbissel à Vérone & Carcari,
De nuict conduits par Sauonne attraper,
Le vif Gascon Turby, & la Scerry:
Derrier mur vieux & neuf palais gripper.

0840

Pres de Quintin dans la forest bourlis,
Dans l'Abaye seront Flamens tranchés:
Les deux puisnais de coups my estourdis,
Suite oppressee & gardes tous achés.

0841

Le grand Chyren soy saisir d'Auignon,
De Rome lettres en miel plein d'amertume
Lettre ambassade partir de Chanignon,
Carpentras pris par duc noir rouge plume.

0842

De Barcelonne, de Gennes & Venise
De la Secille peste Monet vnis:
Contre Barbare classe prendront la vise,
Barbar poussé bien loing iusqu'à Thunis.

0843

Proche à descendre l'armee Crucigere,

Sera guettee par les Ismaélites,
De tous costez batus par nef Rauiere,
Prompt assaillis de dix galeres eslites.

0844

Migrés, migrés de Geneue trestous,
Saturne d'or en fer se changera:
Le contre Raypoz exterminera tous,
Auant l'aduent le ciel signes fera.

0845

Ne sera soul iamais de demander,
Grand Mendosus obtiendra son empire:
Loing de la cour fera contremander
Pymond, Picard, Paris Tyrron le pire.

0846

Vuydez fuyez de Tolose les rouges,
Du sacrifice faire expiation.
Le chef du mal dessous l'ombre des courges:
Mort estrangler carne omination.

0847

Les soulz signez d'indigne deliurance,
Et de la multe auront contre aduis:
Change monarque mis en perille pence,
Serrez en cage se verront vis à vis.

0848

La grand cité d'Ocean maritime,
Enuironnee de marets en cristal:
Dans le solstice hyemal & la prime,
Sera tentee de vent espouuantal.

0849

Gand & Bruceles marcheront contre Anuers,
Senat de Londres mettront à mort leur Roy.
Le sel & vin luy seront à l'enuers,
Pour eux auoir le regne en desarroy.

0850

Mendosus tost viendra à son haut règne,
Mettant arriere vn peu les Norlaris :
Le rouge blesme, le masle à l'interrègne,
Le ieune crainte & frayeur Barbaris.

0851

Contre les rouges sectes se banderont,
Feu, eau, fer, corde par paix se minera:
Au point mourir ceux qui machineront,
Fors vn que monde sur tout ruinera.

0852

La paix s'approche d'un costé, & la guerre,
Oncques ne fut la poursuite si grande:
Plaindre homme, femme sang innocent par terre,
Et ce sera de France a toute bande.

0853

Le Neron ieune dans les trois cheminees,
Fera de paiges vifs pour ardoir ietter:
Heureux qui loing sera de tels menees,
Trois de son sang le feront mort guetter.

0854

Arriuera au port de Corsibonne,
Pres de Rauenne, qui pillera la dame:
En mer profonde legat de la Vlisbonne,
Sous roc cachez rauront septante ames.

0855

L'horrible guerre qu'en Occident s'appreste,
L'an ensuiuant viendra la pestilence,
Si fort horrible que ieune, vieux, ne beste,
Sang, feu, Mercure, Mars, Iupiter en France.

0856

Camp pres de Noudam passera Goussan ville,
Et à Maiores laissera son enseigne:
Conuertira en instant plus de mille,
Cherchant les deux remettre en chaine & legne.

0857

Au lieu de Drvx vn Roy reposera,
Et cherchera loy changeant d'Anatheme:
Pendant le ciel si tresfort tonnera,
Portée neufue Roy tuera soy mesme.

0858

Au costé gauche à l'endroit de Vitry,
Seront guettez les trois rouges de France:
Tous assommez rouge, noir non meurdry,
Par les Bretons remis en assurance.

0859

A la Ferté prendra la Vidame,
Nicol tenu rouge qu'auoit produit la vie:
La grand Loyse naistra que fera clame,
Donnant Bourgongne à Bretons par enuie.

0860

Conflict Barbar en la [Cornere] noire, [Cornette]
Sang espandu, trembler la Dalmatie,
Grand Ismael mettra son promontoire,

Ranes trembler secours Lusitanie.

0861

La pille faicte à la coste marine,
In cita noua & parens amenez.
Plusieurs de Malte par le fait de Messine,
Estroit serrez seront mal guerdonnez.

0862

Au grand de Cheramon agora,
Seront croisez par ranc tous attachez,
Le pertinax Oppi, & Mandragora,
Raugon d'Octobre le tiers seront laschez.

0863

Plainctes & pleurs cris, & grands hurlemens
Pres de Narbon a Bayonne & en Foix,
O quels horribles calamitez changemens,
Auant que Mars reuolu quelquesfois.

0864

L'Æmathion passer monts Pyrennées,
En Mars Narbon ne fera resistance,
Par mer & terre fera si grand menee,
Cap. n'ayant terre seure pour demeurance.

0865

Dedans le coing de Luna viendra rendre
Où sera prins & mis en terre estrange,
Les fruitcs immeurs seront à grand esclandre,
Grand vitupere, à l'vn grande loüange.

0866

Paix, vnion sera & changement,
Estats, offices bas haut & haut bien bas
Dresser voyage, le fruitc premier tourment,
Guerre cesser, ciuil proces debats.

0867

Du haut des monts à l'entour de Lizere
Port à la roche Valent cent assemblez
De Chasteauneuf Pierre late en donzere,
Contre le Crest Romans foy assemblez.

0868

Du mont Aymar sera noble obscurcie,
Le mal viendra au ioinct de Saone & Rosne:
Dans bois cachez soldats iour de Lucie
Qui ne fut onc vn si horrible throsne.

0869

Sur le mont de Bailly & la Bresle

Seront cachez de Grenoble les fiers
Outre Lyon, Vien eux si grand gresle.
Langoult en terre n'en restera vn tiers.

0870

Harnois tranchant dans les flambeaux cachez,
Dedans Lyon, le iour du Sacrement,
Ceux de Vienne seront trestous hachez,
Par les cantons Latins Mascon ne ment.

0871

Aux lieux sacrez animaux veu à trixe,
Avec celuy qui n'osera le iour.
A Carcassonne pour disgrace propice,
Sera posé pour plus ample seiour.

0872

Encor seront les saints temples pollus,
Et expilles par Senat Tholosain,
Saturne deux trois cicles reuollus.
Dans Auril, May, gens de nouveau leuain.

0873

Dans Fois entrez Roy cerulée Turban:
Et regnera moins euolu Saturne,
Roy Turban blanc Bizance cueur ban,
Sol, Mars, Mercure pres la hurne.

0874

Dans la cité de Fertsod homicide,
Fait, & fait multe beuf arant ne macter,
Retours encores aux honneurs d'Artemide
Et à Vulcan corps morts sepulturer.

0875

De l'Ambraxie & du pays de Thrace
Peuple par mer, mal, & secours Gaulois,
Perpetuelle en prouence la trace,
Avec vestige de leurs coustume & loix.

0876

Avec le noir Rapax & sanguinaire,
Yssu du peaultre de l'inhumain Neron,
Emmy deux fleuves main gauche militaire,
Sera meurtry par Ioyne chaulueron.

0877

Le regne prins le Roy [conuicra] [coniurera]
La dame prinse à mort iurez à sort,
La vie à Royne fils on desniera,
Et la pelliix au fort de la consort.

0878

La dame Grecque de beauté laydique,
Heureuse faicte de procs innumerable,
Hors translatee au regne Hispanique,
Captiue prinse mourir mort miserable.

0879

Le chef de classe par fraude stratageme,
Fera timides sortir de leurs Galleres,
Sortis meurtris chef renieur de cresse,
Puis par l'embusche luy rendront le saleres.

0880

Le Duc voudra les siens exterminer,
Enuoyera les plus forts lieux estranges:
Par tyrannie Bize & Luc ruiner,
Puy les Barbares sans vin feront vendanges.

0881

Le Roy rusé entendra ses embusches,
De trois quartiers ennemis assaillir:
Vn nombre estrange larmes de coqueluches,
Viendra Lemprin du traducteur faillir.

0882

Par le deluge & pestilence forte,
La cité grande de long temps assiegee:
La sentinelle & garde de main morte,
Subite prinse, mais de nulle outragee.

0883

Sol vingt de Taurus si fort terre trembler,
Le grand theatre remply ruinera:
L'air, ciel & terre obscurcir & troubler,
Lors l'infidelle Dieu & saints voguera.

0884

Roy exposé parfera l'hecatombe,
Après auoir trouué son origine:
Torrent ouurir de marbre & plomb la tombe,
D'vn grand Romain d'enseigne Medusine.

0885

Passer Guienne, Languedoc & le Rosne,
D'Agen tenant de Marmande & la Roolle:
D'ouurir par foy parroy, Phocen tiendra son trosne
Conflict aupres saint Pol de Manseole.

0886

De bourg Lareyne parviendront droit à Chartres
Et feront pres du pont Anthoni pause,
Sept pour la paix cauteleux comme Martres,

Feront entree d'armee à Paris clause.

0887

Par la forest du Touphon essartee,
Par hermitage sera posé le temple,
Le Duc d'Estampes par sa ruse inuentee.
Du mont Lehuri prelat donra exemple.

0888

Calais Arras, secours à Theroanne,
Paix & semblant simulera l'escoutte,
Soulde d'Alobrox descendre par Roane.
Destornay peuple qui defera la routte.

0889

Sept ans sera Philipp. fortune prospere,
Rabaissera des Arabes l'effort,
Puis son midy perplex rebors affaire
Ieune ognion abismera son fort.

0890

Vn capitaine de la Grand Germanie
Se viendra rendre par simulé secours
Au Roy des Roys aide de Pannonie,
Que sa reuolte fera de sang grand cours.

0891

L'horrible peste Perynthe & Nicopolle,
Le Chersonnez tiendra & Marceloyne,
La Thessalie vastera l'Amhipolle,
Mal incogneu, & le refus d'Anthoine.

0892

Le Roy voudra en cité neufue entrer,
Par ennemis expugner l'on viendra
Captif libere faux dire & perpetrer,
Roy dehors estre, loin d'ennemis tiendra.

0893

Les ennemis du fort bien esloignez,
Par chariots conduit le bastion.
Par sur les murs de Bourges esgrongnez
Quand Hercules battra l'Hæmathion. [bastira]

0894

Foibles galeres seront vnies ensemble,
Ennemis faux le plus fort en rampart:
Foibles assaillies Vratslaue tremble,
Lubecq & Mysne tiendront barbare part.

0895

Le nouveau faict conduira l'exercite,

Proche apamé iusqu' auprès du riuage:
Tendant secours de Millannoile eslite,
Duc yeux priué à Milan fer de cage.

0896

Dans cité entrer exercit desniee,
Duc entrera par persuasion,
Aux foibles portes clam armee amenee,
Mettront feu, mort, de sang effusion.

0897

De mer copies en trois pars diuisées,
A la seconde les viures failliront,
Desesperez cherchant champs Helisees,
Premiers en breche entrez victoire auron.

0898

Les affligez par faute d'vn seul taint,
Contremenant à partie opposite,
Aux Lygonnois mandera que contraint
Seront de rendre le grand chef de Molite.

0899

Vent Aquilon fera partir le siege,
Par meurs ietter cendres, chaux, & poussiere:
Par pluye apres, qui leur fera bien piege,
Dernier secours encontre leur frontiere.

0900

Naualle pugne nuit sera superee,
Le feu aux naues à l'Occident ruine:
Rubriche neufue, la grand nef coloree,
Ire à vaincu, & victoire en bruine.

Centurie X

0901

A l'ennemy, l'ennemy foy promise
Ne se tiendra, les captifs retenus:
Prins preme mort, & le reste en chemise.
Damné le reste pour estre soustenus.

0902

Voille gallere veil de nef cachera,
La grande classe viendra sortir la moindre,
Dix naues proches le tourneront pousser,
Grande vaincue vnies à soy ioindre.

0903

En apres cinq troupeaux ne mettra hors
Vn fuitif pour Penelon laschera,
Faux murmurer, secours venir par lors, [vnir]
Le chef le siege lors abandonnera.

0904

Sur la minuict conducteur de l'armee
Se sauuera subit esuanouy,
Sept ans apres la fame non blasmee,
A son retour ne dira onc ouy.

0905

Albi & Castres feront nouvelle ligue,
Neuf Arriens Lis bon & Portugues,
Carcas, Tholouse consumeront leur brigade,
Quand chef neuf monstre [istra] de Lauragues.

0906

Sardon Nemaus si haut deborderont,
Qu'on cuidera Deucalion renaistre.
Dans le collosse la plus part fuyront,
Vesta sepulchre feu esteint apparoistre.

0907

Le grand conflit qu'on appreste à Nancy,
L'Æmathien dira tout ie soubmets,
L'Isle Britanne par vin sel en soucy: [solcy]
Hem, mi. deux Phi. long temps ne tiendra Mets.

0908

Index & poulse parfondra le front,
De Senegalia le Comte à son fils propre,
La Myrnamee par plusieurs de prin front,

Trois dans sept iours blessés morts.

0909

De Castillon figuieres iour de brune,
De femme infame naistra souuerain Prince:
Surnom de chausses perhume luy posthume,
Onc Roy ne fut si pire en sa prouince.

0910

Tasche de meurdre, enormes adulteres,
Grand ennemy de tout le genre humain:
Que sera pire qu'ayeuls, oncles ne peres,
Enfer, feu, eaux, sanguin & inhumain.

0911

Dessous Ionchere du dangereux passage,
Fera passer le posthume sa bande.
Les monts Pyrens passer hors son bagage,
De Parpignan courira duc à Tende.

0912

Esleu en pape, d'esleu sera mocqué,
Subit soudain esmeu prompt & timide,
Par trop bon doux à mourir prouoqué,
Crainte esteinte la nuict de sa mort guide.

0913

Souz la pasture d'animaux ruminant,
Par eux conduicts au ventre herbipolique, [helbipolique]
Soldats cachez, les armes bruit menant,
Non loin temptez de cité Antipolique.

0914

Vrnel Vaucile sans conseil de soy-mesme,
Hardi, timide, par crainte prins vaincu,
Accompagné de plusieurs putains blesmes.
A Barcelonne aux Chartreux conuaincu.

0915

Pere duc vieux d'ans & de soif chargé,
Au iour extreme fils desniant l'esguiere,
Dedans le puits vif mort viendra plongé,
Senat au fil la mort longue et legere.

0916

Heureux au regne de France, heureux de vie,
Ignorant sang, mort fureur & rapine:
Par non flateurs sera mis en enuie,
Roy desrobé, trop de foy en cuisine.

0917

La Royne Ergaste voyant sa fille blesme, [estrange]

Par vn regret dans l'estomach enclos:
Cris lamentables seront lors d'Angolesme,
Et au germain mariage fort clos. [forclos]

0918

Le rang Lorrain fera place à Vendosme,
Le haut mis bas, & le bas mis en haut,
Le fils d'Hamon sera esleu dans Rome,
Et les deux grands seront mis en default.

0919

Iour que sera par Royne saluee,
Le iour après le Salut, la Priere:
Le compte fait raison & valbuee,
Parauant humble oncques ne fut si fiere.

0920

Tous les amis qu'auront tenu party,
Pour rude en lettres mis mort & saccagé,
Biens publiez par fixe grand neanty,
Onc Romain peuple ne fut tant outragé.

0921

Par le despit du Roy soustenant moindre,
Sera meurdry luy presentant les bagues:
Le pere au fils voulant noblesse poindre,
Fait comme à Perse jadis firent les Magues.

0922

Pour ne vouloir consentir au diuorce,
Qui puis apres sera cogneu indigne:
Le Roy des isles sera chassé par force,
Mis à son lieu qui de roy n'aura signe.

0923

Au peuple ingrat faictes les remonstrances.
Par lors l'armee se saisira d'Antibe,
Dans l'arc Monech feront les doleances,
Et à Freius l'vn l'autre prendra ribe.

0924

Le captif prince aux Itales vaincu
Passera Gennes par mer iusqu'à Marseille,
Par grand effort des forains suruaincu
Sauf coup de feu, barril liqueur d'abeille.

0925

Par Nebro ouurir de Bisanne passage,
Bien esloignez el tago fara muestra,
Dans Pelligoux sera commis l'outrage,
De la grand dame assise sur l'orchestra.

0926

Le successeur vengera son beau frere,
Occuper regne souz ombre de vengeance,
Occis ostacle son sang mort vitupere,
Long temps Bretaigne tiendra avec la France.

0927

Car le cinquiesme & vn grand Hercules [Par]
Viendront le temple ouvrir de main bellique,
Vn Clement, Iule & Ascans recules,
Lespe, clef, aigle, n'eurent onc si grand picque. [L'espee]

0928

Second & tiers qui font prime musique
Sera par Roy en honneur sublimee,
Par grasse & maigre presque demy eticque
Rapport de Venus faux rendra deprimee.

0929

De Pol Mansol dans cauerne caprine
Caché & prins extrait hors par la barbe,
Captif mené comme beste mastine
Par Bergourdans amenee pres de Tarbe.

0930

Nepueu & sang du saint nouveau venu,
Par le surnom soustient arcs & couuert
Seront chassez mis à mort chassez nu,
En rouge & noir conuertiront leur vert.

0931

Le saint Empire viendra en Germanie
Ismaëlites trouueront lieux ouuerts,
Asnes voudront aussi la Carmanie
Les soustenans de terre tous couuerts.

0932

Le grand empire chacun an deuoit estre,
Vn sur les autres le viendra obtenir:
Mais peu de temps sera son reigne & estre,
Deux ans aux naues se pourra soustenir.

0933

La faction cruelle à robe longue,
Viendra cacher souz les pointus poignards,
Saisir Florence le Duc & lieu diphlongue,
Sa descouuerte par immeurs & flaugnards.

0934

Gaulois qu'empire par guerre occupera,
Par son beau frere mineur sera trahy:
Par cheual rude voltigeant trainera.

Du fait le frere long temps sera hay.

0935

Puisnay royal flagrant d'ardant libide,
Pour se iouyr de cousine germaine:
Habit de femme au temple d'Artemide,
Allant meurdry par incognu de Marne. [du Maine]

0936

Après le Roy du soucq guerres parlant,
L'Isle Harmotique le tiendra à mespris:
Quelques ans bons rongéant vn & pillant,
Par tyrannie à l'isle changeant pris.

0937

L'assemblee grande pres du lac de Borget,
Se ralieront pres de Montmelian:
Marchans plus outre pensifs feront progrez
Chambry, Moraine combat saint Iulian.

0938

Amour allegre non loing pose le siege.
Au saint barbar seront les garnisons:
Vrsins Hadrie pour Gaulois feront plaige,
Pour peur rendus de l'armee aux Grisons.

0939

Premier fils vefue malheureux mariage,
Sans nuls enfans deux Isles en discord:
Auant dixhuict incompetant eage,
De l'autre pres plus bas sera l'accord.

0940

Le ieune nay au regne Britannique,
Qu'aura le pere mourant recommandé,
Iceluy mort Lonole donra topique,
Et à son fils le regne demandé.

0941

En la frontiere de Causa & de Charlus,
Non guieres loing du fonds de la valee:
De ville franche musique à son de luths,
Enuironnez combouls & grand mittee.

0942

Le regne humain d'Anglique geniture,
Fera son regne paix vnion tenir:
Captiue guerre demy de sa closture,
Long temps la paix leur fera maintenir.

0943

Le trop bon temps trop de bonté royale,

Fais & deffaits, prompt, subit, negligence.
Legier croira faux d'espouse loyalle,
Luy mis à mort par sa beneuolence.

0944

Par lors qu'un Roy sera contre les siens,
Natif de Bloys subiuguera Ligures,
Mammel, Cordube & les Dalmatiens,
De sept puis l'ombre à Roy estrennes et lemures.

0945

L'ombre du regne de Nauarre non vray,
Fera la vie de sort illegitime:
La veu promis incertain de Cambray,
Roy Orleans donra mur legitime.

0946

Vie sort mort de l'or vilaine indigne, [soit]
Sera de Saxe non nouueau electeur:
De Brunsuic mandra d'amour signe,
Faux le rendant au peuple seducteur.

0947

De bourze ville à la dame Guyrlande,
L'on mettra sur par la trahison faicte
Le grand Prelat de Leon par Formande,
Faux pelerins et rauisseurs deffaicte.

0948

Du plus profond de l'Espagne enseigne,
Sortant du bout & des fins de l'Europe,
Troubles passant aupres du pont de Laigne,
Sera deffaicte par bande sa grand troupe.

0949

Iardin du monde aupres de cité neufue,
Dans le chemin des montaignes cauees:
Sera saisi & plongé dans la Cuue,
Beuant par force eaux soulphe enuenimees.

0950

La Meuse au iour terre de Luxembourg,
Descourira Saturne & trois en lurne:
Montaigne & pleine, ville cité & bourg,
Lorrain deluge, trahison par grand hurne.

0951

Des lieux plus bas du pays de Lorraine
Seront des basses Allemaignes vnis:
Par ceux du siege Picards, Normans, du Maine,
Et aux cantons se seront reünis.

0952

Au lieu où Laye & Scelde se marient,
Seront les nopces de long temps maniees:
Au lieu d'Anuers où la crappe charient,
Ieune viellesse consorte intaminee.

0953

Les trois pelices de loing s'entrebattront,
La plus grand moindre demeurera à l'escoute:
Le grand Selin n'en sera plus patron,
Le nommera feu pelte blanche route.

0954

Nee en ce monde par concubine fertiue,
A deux haut mise par les tristes nouvelles,
Entre ennemis sera prinse captiue,
Et amenee à Malings & Bruxelles.

0955

Les malheureuses nopces celebreront
En grande ioye mais la fin malheureuse,
Mary & mere nore desdaigneront,
Le Phybe mort, & nore plus piteuse.

0956

Prelat royal son baissant trop tiré,
Grand fleux de sang sortira par sa bouche,
Le regne Angelicque par regne respiré,
Long temps mort vifs en Tunis comme souche.

0957

Le subleué ne cognoistra son sceptre,
Les enfans ieunes des plus grands honnira:
Oncques ne fut vn plus ord cruel estre,
Pour leurs espouses à mort noir bannira.

0958

Au temps du dueil que le felin monarque
Guerroyera le ieune Æmathien:
Gaule bransler, pericliter la barque,
Tenter Phossens au Ponant entretien.

0959

Dedans Lyon vingtcing d'une haleine,
Cinq citoyens Germains, Bressans, Latins:
Par dessous noble conduiront longue traine.
Et descouuers par abbois de mastins.

0960

Ie pleure Nisse, Mannego, Pize, Gennes,
Sauonne, Sienne, Capuë Modene, Malte:
Le dessus sang, & glaiue par estrennes,

Feu, trembler terre, eau. malheureuse nolte.

0961

Betta, Vienne, Emorte, Sacarbance,
Voudront liurer aux Barbares Pannone:
Par picque & feu enorme violance,
Les coniuerez descouuers par matrone.

0962

Pres de Sorbin pour assaillir Ongrie,
L'heraut de Brudes les viendra aduertir:
Chef Bisantin, Sallon de Sclauonie,
A loy d'Arabes les viendra conuertir.

0963

Cydron, Raguse, la cité au saint Hieron
Reuerdira le medicant secours:
Mort fils de Roy par mort de deux heron,
L'Arabe, Hongrie feront vn mesme cours.

0964

Pleure Milan, pleure Luques, Florence,
Que ton grand Duc sur le char montera,
Changer le siege pres de Venise s'aduance,
Lors que Colonne à Rome changera.

0965

O vaste Rome, ta ruyne s'approche,
Non de tes murs, de ton sang & substance
L'aspre par lettres fera si horrible coche
Fer pointu mis à tous iusques au manche.

0966

Le chef de Londres par regne l'Americh,
L'Isle d'Escosse tempiera par gelee:
Roy Reb auront vn si faux Antechrist,
Que les mettra trestous dans la meslee.

0967

Le tremblement si fort au mois de may,
Saturne, Caper, Iupiter, Mercure au bœuf:
Venus aussi, Cancer, Mars en Nonnay,
Tombera gresle lors plus grosse qu'un œuf.

0968

L'armee de mer deuant cité tiendra,
Puis partira sans faire longue allee:
Citoyens grande proye en terre prendra,
Retourner classe prendre grande emblee.

0969

Le fait luisant de neuf vieux esleué,

Seront si grand par Midy, Aquilon:
De sa sœur propre grandes asles leué,
Fuyant meurdry au buisson d'Ambellon.

0970

L'œil par obiect fera telle excroissance,
Tant & ardante que tombera la neige :
Champ arrousé viendra en décroissance,
Que le primat succombera à Rege.

0971

La terre & l'air geleront si grand eau,
Lors qu'on viendra pour Ieudy venerer:
Ce qui sera iamais ne fut si beau,
Des quatre parts le viendront honorer.

0972

L'an mil neuf cens nonante neuf sept mois,
Du ciel viendra un grand Roy d'effrayeur:
Resusciter le grand Roy d'Angolmois,
Auant apres Mars regner par bon-heur.

0973

Le temps present avecques le passé,
Sera iugé par grand Iouialiste:
Le monde tard luy sera lassé,
Et desloyal par le clergé iuriste.

0974

An reuolu du grand nombre septiesme, [Au]
Apparoistra au temps ieux d'Hecatombe:
Non esloigné du grand aage milliesme,
Que les entrez sortiront de leur tombe.

0975

Tant attendu ne reuiendra iamais,
Dedans l'Europe en Asie apparostro:
Vn de la ligue yssu du grand Hermes,
Et sur tous Roys des Orients croistra.

0976

Le grand Senat discernera la pompe,
A l'vn qu'apres sera vaincu chassé:
Ses adherans seront à son de trompe
Biens publiez, ennemis dechassez.

0977

Trente adherans de l'ordre des quirettes
Bannis, leurs biens donnez ses aduersaires:
Tous leurs bienfaits seront pour demerites,
Classe espargie deliurez aux Corsaires.

0978

Subite ioye en subite tristesse,
Sera à Rome aux graces embrassees:
Dueil, bris, pleurs. larm. sang, excellent liesse [cris]
Contraires bandes surprinses & troussees.

0979

Les vieux chemins seront tous embellys,
L'on passera à Memphis somentree:
Le grand Mercure d'Hercules fleur de lys,
Faisant trembler terre, mer & contree.

0980

Au regne grand du grand regne regnant,
Par force d'armes les grands portes d'airain:
Fera ouurir, le Roy & Duc ioignant,
Port demoly, nef à fons, iour serain. [Fort]

0981

Mis tresors temple citadins Hesperiques,
Dans iceluy retiré en secret lieu:
Le temple ouurir les liens fameliques,
Reprends, ravis, proye horrible au milieu.

0982

Cris, pleurs, larmes viendront avec couteaux,
Semblant fuyr, donront dernier assaut,
L'entour parques planter profonds plateaux,
Vifs repoussez & meurdris de prinsault. [plin saut]

0983

De batailler ne sera donné signe,
Du parc seront contraints de sortir hors:
De Gand l'entour sera cogneu l'enseigne, [l'enseigne]
Qui fera mettre de tous les siens à morts.

0984

La naturelle à si hault hault non bas,
Le tard retour fera marris contens:
Le Recloing ne sera sans debats,
En employant & perdant tout son temps.

0985

Le vieil tribun au point de la trehemide
Sera pressee, captif ne deliurer,
Le vueil, non vueil, le mal parlant timide,
Par legitime à ses amis liurer.

0986

Comme vn gryphon viendra le Roy d'Europe,
Accompagné de ceux d'Aquilon,
De rouges & blancs conduira grand troupe,

Et iront contre le Roy de Babylon.

0987

Grand Roy viendra prendre port pres de Nisse,
Le grand empire de la mort si enfera
Aux Antipolles, posera son genisse,
Par mer la Pille tout esuanouyra.

0988

Pieds & Cheual à la seconde veille,
Feront entree vastient tout par la mer:
Dedans le poil entrera de Marseille,
Pleurs, crys, & sang, onc nul temps si amer.

0989

De brique en marbre seront les murs reduits,
Sept & cinquante annees pacifiques:
Ioye aux humains, renoué l'aqueduct,
Santé, grands fruicts, ioye & temps melifique.

0990

Cent fois mourra le tyran inhumain,
Mis à son lieu sçauant & debonnaire,
Tout le Senat sera dessous sa main,
Fasché sera par malin temeraire.

0991

Clergé Romain l'an mil six cens & neuf,
Au chef de l'an feras election:
D'vn gris & noir de la Compagne yssu, [Compagnie]
Qui onc ne fut si maling.

0992

Deuant le pere l'enfant sera tué,
Le pere apres entre cordes de ionc,
Geneuois peuple sera esuertue,
Gisant le chef au milieu comme vn tronc.

0993

La barque neufue receura les voyages,
Là & aupres transfereront l'Empire:
Beucaire, Arles retiendrons les hostages,
Pres deux colonnes trouuees de Porphire.

0994

De Nismes d'Arles, & Vienne contemner,
N'obeyr à ledict d'Hespericque:
Aux labouriez pour le grand condamner,
Six eschappez en habit seraphicque.

0995

Dans les Espaignes viendra Roy trespuissant,

Par mer & terre subiugant or Midy:
Ce mal fera, rabaissant le croissant,
Baisser les aisles à ceux du Vendredy.

0996

Religion du nom des mers vaincra,
Contre la secte fils Adaluncatif,
Secte obstinée déplorée craindra,
Des deux blessez par Aleph & Aleph.

0997

Triremes pleines de tout aage captif,
Temps bon à mal, le doux pour amertume :
Proye à Barbares trop tost seront hatifs,
Cupid de voir plaindre au vent la plume.

0998

La splendeur claire à pucelle ioyeuse,
Ne luyra plus, long temps sera sans sel:
Auec marchans, ruffiens, loups odieuse,
Tous pesle mesle, montre vniversel.

0999

La fin le loup, le lyon, beuf, & l'asne,
Timide dama seront auec mastins:
Plus ne cherra à eux la douce manne,
Plus vigilance & custode aux mastins.

1000

Le grand empire sera par Angleterre,
Le pempotam des ans plus de trois cens:
Grandes copies passer par mer & terre,
Les Lusitains n'en seront pas contens.

Présages – Il ne s'agit pas des Centuries mais de presages

Almanachs de 1560 à 1567

1 par mois

-: les 2 premiers chiffres entre parenthèses representent l'année : 1560, 61, ...

- les 2 suivant le quantième du mois : 01, 02 ...

6001

Iournée, diete, interim, ne concile,
L'an paix prepare, peste, faim, schismatique,
Mis hors dedans, changer ciel, domicile,
Fin du congé, reuolte hierarchique.

6002

Rompre diette, l'antiq sacré r'auoir
Dessous les deux, feu pardon s'ensuiure,
Hors d'armes Sacre : long Rouge voudra avoir,
Paix de neglect, l'Esleu le Vefue viure.

6003

Fera paroir esleu de nouueauté
Lieu de iournée, sortir hors des limites
la bonté feinte de changer cruauté,
Du lieu suspect sortiront trestous vistes.

6004

Du lieu esleu Razes n'estre contens :
Du lac Lemman conduite non prouuée,
Renouueller on fera le viel temps,
Espeuillira la trame tant couuée.

6005

Pache Allobrox sera interrompu,
Derniere main fera forte leuée,
Grand coniuré ne sera corrompu.
Et la nouvelle alliance approuuée.

6006

Feu viril chassé par la nouvelle flamme,
A la parfin sera ce qu'il estoit
Peur, hors du siege, en ioye la grand Dame
Et non tenu tout ce qu'il prometoit.

6007

Longue crinite leser le Gouverneur,
Faim, fièvre ardante, feu & de sang fumée,
A tous estats Iouiaux grand honneur,

Sedition par Razes allumée.

6008

Peste, faim, feu & ardeur non cessée,
Foudre, grand gresle, temple du ciel frappé,
L'edict, arrest, & grieue loy cassée,
Chef inuenteur ses gens & luy hapé.

6009

Priuez seront Razes de leurs harnois :
Augmentera leur plus grande querelle,
Pere Liber deceu fulg. Albanois,
Seront rongées sectes à la moelle.

6010

Sera receuë la requeste decente,
Seront chassez & puis remis au sus,
La Grande Grande se trouuera contente,
Aueugles, sourds seront mis au dessus.

6011

Ne sera mis, les Nouveaux dechassez,
Noir & de LOIN & le Grand tiendra fort,
Recourir armes, Exilez plus chassez,
Chanter victoire, non libres reconfort.

6012

Les deuls laissez, supremes alliances,
Raze Grand mort, refus fait à l'entrée :
De retour estre, bienfait en oubliance,
La mort du iuste à banquet perpetrée.

6100

Le Roy Roy n'estre du Doux la pernicie,
L'an pestilent, les esmeus nubileux,
Tien' qui tiendra, des Grands non leticie,
Et passera terme de cauilleux.

6101

naistre nay, refuse, dur fait
emprinse, de changement refus
rne, puis descouuert au faict,
ent assailly, mort confus.

6102

Renfort de sieges manubis & maniples
Changez le sacre & passe sus le prosne,
Prins et captif n'arreste les prez triples
Plus profond mis, eslevé, mis au trosne.

6103

Au pied du mur le cendré cordigere,

L'enclos liuré foulant caualerie
Du temple hors Mars & le Falcigere
Hors mis, demis & sus la resuerie.

6104

Le temps purgé, pestilente tempeste,
barbare insult, fureur, inuasion,
Maux infinis par ce mois nous apprestre,
Et les plus Grands, deux mois, d'irrision.

6105

Ioye non longue, abandonné des siens,
L'an pestilent, le plus Grand assailli,
La Dame bonne aux champs Elysiens,
Et la plus part des biens froid non cueilli.

6106

Courses de LOIN, ne s'aprester conflits,
Triste entreprise, l'air pestilent, hideux,
De toutes parts les Grands seront afflits,
Et dix & sept assaillir vint & deux.

6107

Repris, rendu, espouuanté du mal,
Le sang par bas, & les faces hideuses,
Aux plu sçauants l'ignare espouuantal :
Perte, haine, horreur, tomber bas la piteuse.

6108

Mort & saisi, des nonchalans le change
S'eslongnera en s'approchant plus fort,
Serrez vnis en la ruine, grange,
Par secours long estonné le plus fort.

6109

L'Occident libre les isles Britanniques
Le recongneu passer le bas, puis haut
Ne content triste Rebel. Corss. Escotiques
Puis rebeller par glus & par nuict chaud.

6110

Gris, blancs & noirs, enfumez & froquez
Seront remis, demis, mis en leurs sieges,
les Rauasseurs se trouueront moquez :
Et les Vestales serrées en fortes rieggés.

6111

La stratageme simulte sera rare
La mort envoye rebelle par contree
Par le retour du voyage Barbare
Exalteront la protestante entree.

6112

Vents chaut, conseil, pleurs & timidité
De nuict au lict assailly sans les armes,
D'oppression grande calamité,
L'epithalame conuerty pleurs & larmes.

6200

Saison d'hiuer, ver bon, sain, mal esté,
Pernicieux auton, sec, froment rare,
Du vin assez mal yeux faits molesté
Guerre, mutins seditieuse tare.

6201

Desir occult pour le Bon paruiendra,
Religion, paix, amour & concorde,
L'epithalame du tout ne s'accordra,
Les haut qui bas, & haut mis à la corde.

6202

Pour Razes Chef ne paruiendra à bout,
Edits changez les serrez mis au large,
Mort Grand trouué moins de foy bas debout,
Dissimulé, transi frapé à bauge.

6203

Esmeu de LOIN, de LOIN prés minera,
Pris, captiué, pacifié par femme,
Tant ne tiendra comme on barginera
Mis non passez oster de rage l'ame.

6204

De LOIN viendra susciter pour mouuoir,
Vain decouuert contre peuple infini,
De nul congneu le mal pour le deuoir,
En la cuisine trouué mort & fini.

6205

Rien d'accordé, pire plus fort & trouble,
Comm'il estoit, terre & mer tranquiller,
Tout arresté ne vaudra pas vn double,
Dira l'iniq, Conseil d'anichiler.

6206

Portenteux fait, horrible & incroyable !
Typhon fera esmouuoir les meschans :
Qui puis apres soustenus par le cable,
Et la plus part exilez sur les champs.

6207

Droit mis au throsne du ciel venu en France,
Pacifié par vertu l'vniuers,
Plus sang esprendre, bien tost tournée chance

Par les oyseaux, par feu, & non par vers.

6208

Les coulerez, les Sacres malcontens :
Puis tout à coup par Androgyns alegres,
De la plus part voir, non venu le temps,
Plusieurs d'entre eux feront leurs soupes maigres.

6209

Remis seront en leur pleine puissance,
D'un point d'accord conioints, non accordez,
Tous defiez, plus aux Razes fiance,
Plusieurs d'entre eux à bande debordez.

6210

Par le Legat du terrestre & marin
La grande Cape à tout s'accommoder,
Estre à l'escoute tacite LORVARIN,
Qu'à son aduis ne voudra accorder.

6211

D'ennemy vent empeschera la troupe,
Le plus grand point mis auant difficil,
Vin de poison se mettra dans la coupe,
Passer sans mal de cheual gros foussil.

6212

Par le cristal l'entreprise rompue,
Jeux & festins, de LOIN plus reposer,
Plus ne fera prés des Grands sa repue,
Subit catarrhe l'eau beniste arrouser.

6300

Le ver sain, sang, mais esmeu rien d'accord,
Infinis murtres, captifs, morts, preuenus,
Tant d'eau & peste, peu de tout sonnez cors,
Pris, morts, fuits, grands devenir, venus.

6301

Tant d'eau, tant morts, tant d'armes esmouoir,
Rien d'accordé, le Grand tenu captif,
Que fang humain, rage, fureur n'auoir,
Tard penitent, peste, guerre, motif.

6302

Des ennemis mort de langue s'approche,
Le Debonnaire en paix voudra reduire,
Les obstinez voudront perdre la poche,
Surpris, captifs, & suspects fureur nuire.

6303

Peres & meres morts de deuls infinis,

Femmes à deul, la pestilente monstre,
Le Grand plus n'estre, tout le monde finir,
Soubs paix, repos, & trestous alencontre.

6304

En debats Princes & Chrestienté esmeue,
Gentils estranges, siege à CHRIST molesté,
Venu tres mal : prou bien, mortelle veue,
Mort Orient, peste, faim, mal traité.

6305

Terre trembler, tué, prodige, monstre :
Captifs sans nombre, faire defaite, faite,
D'aller sur mer aduiendra malencontre,
Fier contre fier mal fait de contrefaire.

6306

L'inuiste bas fort lon molestera,
Gresle, inonder, thresor, & graué marbre,
Chef de suard peuple à mort tuera,
Et attachée sera la lame à l'arbre.

6307

De quel non mal ? inexcusable suite,
Le feu non deul, le Legat hors confus,
Au plus blessé ne sera faite luite,
La fin de Iun le fil coupé du fus.

6308

Bons finement affoiblis par accords,
Mars & Prelats vnis n'arresteront,
Les Grands confus, par dons incidez corps,
Dignes indignes bien indeus saisiront.

6309

De bien en mal le temps se changera,
Le pache d'Aust, des plus Grands esperance,
Des Grands deul, LVIS trop plus trebuchera,
Congnus Razes pouuoir ni congnoissance.

6310

Voicy le mois par maux tant à doubter,
Morts, tous saigner, peste, faim, quereller,
Ceux du rebours d'exil viendront noter,
Grands, secrets, morts, non de contreroller.

6311

Par mort mort mordre, conseil, vol, pestifere,
On n'osera Marius assaillir,
Deucalion vn dernier trouble faire,
Peu de gens ieunes : demi morts ressaillir.

6312

Mort par despit fera les autres luire :
Et en haut lieu de grands maux advenir,
Tristes concepts à chacun viendront nuire,
Temporel digne, la Messe paruenir.

6400

L'an sextil pluyes froment abonder, haines,
Aux hommes ioye, Princes, Rois en diuorce,
Troupeau perir mutations humaines,
Peuple affoulé, & poison soubs l'escorce.

6401

Temps fort diuers, discorde descouuerte,
Conseil belliq, changement pris, changé,
La Grande n'estre, coniurez, par eau perte,
Grand simulté, tous au plus Grand rangé.

6402

Deluge grand, bruit de mort conspirée,
Renoué siecle, trois Grands en grand discord,
Par boutefeux la concorde empirée,
Pluye empeschant, conseils malins d'accord.

6403

Entre Rois haines on verra apparoistre,
Dissensions & guerres commencer,
Grands changemens, nouveau tumulte croistre,
L'ordre plebée on viendra offenser.

6404

Secret coniur, conspirer populaire,
La decouuerte en machine esmouuoir,
Contre les Grands ...

Puis trucidée & mise sans pouuoir.

6405

Temps inconstant, fieures, peste, langueurs,
Guerres, debats, temps desolé sans feindre,
Submersions, Prince à mineurs rigueurs,
Felices Rois & Grands, autres mort craindre.

6406

Du lieu feu mis la peste & fuite naistre,
Temps variant, vent, la mort de trois Grands :
Du ciel grands foudres, estat des Razes paistre,
Vieil pres de mort, bois peu dedans vergans.

6407

En peril monde & Rois feliciter,
Razes esmeus, par conseil ce qu'estoit,

L'Eglise Rois pour eux peuple irriter,
Vn monstrera apres ce qu'il n'estoit.

6408

Deluge prés, peste bouine, neuue
Secte flechir aux hommes ioye vaine,
De loy sans loy mis au deuant pour preuue,
Apast, embuche : & deceus couper veine.

6409

Tout inonder, à la Razée perte,
Vol de mur, mort, de tous biens abondance,
Eschapera par manteau de couuerte.
Des neufs & vieux sera tournée chance.

6410

La bouche & gorge en seruides pustules,
De sept Grands cinq, toux distillante nuire,
Pluye si longue, à non mort tournent bulles,
Le Grand mourir, qui trestous faisoit luire.

6411

Par bruit de feu Grands & Vieux defaillir,
Peste assoupie, vne plus grande naistre,
Peste de l'Ara. foin caché, peu cueillir,
Mourir troupeau fertile, ioye hors prestre.

6412

Alegre point, douce fureur au Sacre,
Enflez trois quatre & au costé mourir,
Voye defaillir, n'estre à demi au sacre :
Par sept & trois, & par quinte courir.

6500

Pire cent fois cest an que l'an passé,
Mesme aux plus Grands du regne & de l'Eglise,
Maux infinis, mort, exil, ruine, cassé,
A mort Grande estre, peste, playes & bile.

6501

Neiges, rouillure, pluyes & playes grandes,
Aux plus Grands ioye, pestilence insopie,
Semences, grains beaucoup, & plus de bandes,
S'apresteront, simulté n'amortie.

6502

Entre les Grands naistre grande discorde,
Le Clerc procere vn grand cas brassera :
Nouvelles sectes mettre en haine & discorde,
Tout peuple guerre & change offensera.

6503

Secret conieur, changement perilleux,
Secrettement conspirer factions,
Pluyes, grands vents, playes par orgueilleux,
Inonder fleuves, pestifere actions.

6504

Pulluler peste, les Sectes s'entrebate,
Temps moderé, l'hiuer peu de retour,
De messe & presche grieuement soy debatre,
Inonder fluues, maux mortels tout autour.

6505

Au menu peuple par debats & querelles,
Et par les femmes & defunts grande guerre,
Mort d'une Grande, celebrer escrouëlles,
Plus grandes dames expulsées de terre.

6506

Viduité tant masles que femelles,
De grands Monarques la vie pericliter,
Peste, fer, faim, grand peril pesle - mesle,
Troubles par changes, petits Grands conciter.

6507

Gresle, rouillure, pluyes & grandes playes
Preseruer femmes, seront cause du bruit.
Mort de plusieurs peste, fer, faim par hayes,
Ciel sera veu qu'on dira qu'il reluit.

6508

Point ne sera le grain à suffisance,
La mort s'approche à neiger plus que blanc,
Sterilité, grain pourri, d'eau bondance,
Le Grand blessé, plusieurs de mort de flanc.

6509

Guere de fruits, ni grain, arbres & arbrisseaux,
Grand volataille, procere stimuler,
Tant temporel que Prelat leonceaux,
TOLANDAD vaincre, proceres reculer.

6510

Du tout changé, persecuter l'un quatre,
Hors maladie, bien loin mortalité,
Des quatre deux plus ne viendront debatre,
Exil, ruine, mort, faim, perplexité.

6511

Des Grands le nombre plus grand ne sera tant,
Grands changemens, commotions, fer, peste,
Le peu deuis : prestez, payez contant,
Mois opposite gelée fort moleste.

6512

Forte gelée, glace plus que concorde,
Vefues matrones, feu, deploration,
Jeux, esbats, ioye, Mars citera discorde,
Par mariages bonne expectation.

6600

Aux plus grands mort, iacture d'honneur, & uiolence
Professeurs de la foy, leur estat, & leur secte,
Aux deux grandes eglises, diuers bruit, decadence,
Maux, uoisins querellans, serfs d'eglise sans teste.

6601

Perte, iacture grande, & non sans uiolance
A tous ceux de la Foy, plus à religion:
Les plus grand perdront uie, leur honneur & cheuance,
Toutes les deux eglises, la coulpe à leur faction.

6602

A deux fort grande naistre perte pernicieuse
Les plus grands seront perte biens, d'honneur, & de uie,
Tant grands bruits couriront, l'une trop odieuse,
Grands maladies estre messe presche en enuie.

6603

Les seruants des eglises leurs Seigneurs trahiront
D'autres Seigneurs aussi par l'induis des champs,
Voisins de presche & messe entre eux querelleront,
Rumeurs, bruits augmenter, à mort plusieurs couchants.

6604

De tous biens abondance terre nous produira:
Nul bruit de Guerre en France ormis seditions:
Homicides, uoleurs par uoye on trouuera:
Peu de foy: fieure ardante: peuple en esmotion.

6605

Entre peuple discorde inimitié brutale
Guerre, mort de grands princes, plusieurs pars d'Italie,
Vniuerselle playe, plus fort occidentale:
Tempore bonne & pleine, mais fort seiche tarie.

6606

Les bleds trop n'abonder de tous autres fruits force
L'estè printemps humides, hyuer long, neige, glace:
L'orient mis en armes: la France se renforce:
Mort de bestail, prou miel: aux assiegés la place.

6607

Par pestilence & feu, fruits d'arbres periront:
Signe d'huile abonder: pere Denis non gueres:

Des grands mourir mais peu estrangers sailliront:
Insult marin barbare: & dangers de frontieres.

6608

Pluies fort excessiues, & de biens abondance:
De bestail pris iust estre: femmes hors de danger:
Gresles, pluyes, tonnerres: peuple abatu en France:
Par mort trauailleront: mort peuple corriger.

6609

Armes, plaies cesser: mort de seditieux:
Le pere Liber grand, non trop abondera:
Malins seront saisis par plus malicieux:
France plus que iamais uictrix triomphera.

6610

Iusqu'à ce mois durer la seicheresse grande,
A l'Itale & Prouence: des fruits tous à demy:
Le grand moins d'ennemis: prisonnier de leur bande:
Aux escumeurs pyrates, & mourir l'ennemy.

6611

L'ennemy tant à craindre retirer en Thracie
Laisant cris hurlemens, & pille desolée:
Cesser bruit mer & terre, religion Murtie:
Iouiaux unis en route:toute ceste affolée.

6612

Mars posera les armes: prestres non trop contens:
Malheur sur gens d'eglise tant du presche que messe:
La messe au sus sera. Dieu seul omnipotent
Appaisera le tout, mais non sans grand destresse.

6700

Mort, maladie aux ieunes femmes, rheumes
De teste aux yeux, malheur marchands de terre,
De mer infaust, semes mal, vin par brumes,
Prou huile, trop de pluye, aux fruits moleste guerre.

6701

Prisons, secrets ennuis, entre proches discorde,
La vie on donnera, par mal diuers catarrhes,
La mort s'en ensuiura, poison fera concorde,
Frayeur, poeur, crainte grade, voyageât lairra d'arres.

6702

Prisons par ennemis occults & manifestes,
Voyage ne tiendra, inimitié mortelle,
L'amour trois, simultez, secret, publiques sectes,
Le rompu ruiné, l'eau rompra la querelle.

6703

Les ennemis publics, nopces & mariage :
La mort après, l'enrichi par les morts,
Les grands amis se monstrent au passage,
Deux sectes iargonner, de surpris tards remords.

6704

Par grandes maladies religion fachée,
Par les enfants & legats d'Ambassade,
Don donné à indigne, nouvelle loy lachée,
Biens de vieux peres, Roy en bonne contrade.

6705

Du père au fils s'approche : Magistrats dits seueres,
Les grandes nopces, ennemis garbelans,
De latens mis auant, pour la foy d'improperes,
Les bons amis & femmes contre tels groumelans.

6706

Par le thresor trouué l'heritage du pere,
Les Rois & Magistrats, les nopces, ennemis,
Le public mal - veillant, les Iuges & le Maire :
La mort, poeur & frayeur, & trois Grands à mort mis.

6707

Encor la mort s'approche, don royal & Legat,
On dressera ce qu'est, par vieillesse, en ruine,
Les ieunes hoirs, de soupcon nul legat,
Thresor trouué en plastres & cuisine.

6708

Les ennemis secrets seront emprisonnez :
Les Rois & Magistrats y tiendront la main seure,
La vie de plusieurs, santé, malade yeux, nez,
Les deux Grands s'en iront bien loin à la male heure.

6709

Longues langueurs de teste, nopces, ennemi publique
Par Prelat & voyage, songe du Grand, terreur,
Feu & ruine grande, trouué en lieu oblique.
Par torrent de couuert, sortir noues erreurs.

6710

Les Rois & Magistrats par les morts la main mettre,
Ieunes filles malades, & des Grands le corps enfle,
Tout par langueurs & nopces, ennemis serfs au maistre,
Les publiques douleurs, le Composeur tout enfle.

6711

Du retour d'Ambassade, don de Roy, mis au lieu,
Plus n'en fera : fera allé à DIEV,
Parens plus proches, amis, freres du sang
Trouué tout mort pres du lict & du banc.

6712

Enfans, freres & soeurs, amis thresor trouvé :
Le ieune le Prelat, le Legat & voyage,
La maladie, la femme aura prouvé
Que pour la mort changera de visage.

6713

Un triste estat sera, toute stats & des sectes
Entre freres & soeurs inimitié, discorde,
Thresors & libertez, plus apparents les testes
Seicheresse l'Esté, mourir ceci à corde.

6714

Mourir celuy qui ceci bien accorde...

Autres Almanachs – Auraient pu figurer dans les Centuries en remplacement des quatrains manquants de la Centurie 7.

Almanachs de 1555 à 1559

1 par mois

-: les 2 premiers chiffres entre parenthèses representent l'année : 1555, 56, ...

- les 2 suivant le quantième du mois : 01, 02 ...

5500 D'esprit diuin l'ame presage atteinte
Trouble, famine, peste, guerres courir,
Eaux, siccitez, terre & mer de sang teinte,
Paix, trefue, à naistre, Prelats, Prince mourir.

0641/5501 Le gros airain qui les heures ordonne,
Sur le trespas du Tyran cassera :
Pleurs, plaints & cris, eaux, glace pain ne donne, [plaintes]
V.S.C. paix l'armée passera.

0642/5502 Pres du Leman la frayeur sera grande
Par le conseil, cela ne peut faillir,
Le nouveau Roy fait aprester sa bande,
Le ieune meurt, faim, poeur fera faillir.

0643/5503 O Mars cruel, que tu seras à craindre !
Plus est la Faux avec l'Argent conioint,
Classe, copie, eau, vent, lombriche caindre,
Mer, terre trefue, l'amy à L.V. s'est ioint.

0644/5504 De n'auoir garde sera plus offensé,
Le foible fort, l'inquiet pacifique,
La faim on crie, le peuple est oppressé
La mer rougit, le Long fier & inique.

0645/5505 Le cinq, six, quinze, tard & tost lon seiourne,
Le né sans fin : les citez reuoltées,
L'heraut de paix vint & trois s'en retourne,
L'ouuert cinq serre, nouvelles inuentées.

0646/5506 Loin pres de l'Vrne le malin tourne arriere,
Qu'au grand Mars feu donra empeschement
Vers l'Aquilon au midy la grand fiere,
FLORA tiendra la porte en pensement.

0647/5507 Huit, quinze & cinq quelle desloyauté
Viendra permettre l'explorateur malin !
Feu du ciel, foudre poeur, frayeur Papauté,
L'Occident tremble trop serre vin Salin.

0648/5508 Six, douze, treize, vint parlera la Dame,
L'aisné sera par femme corrompu,

Dijon, Guienne gresle, foudre l'entame
L'insatiable de sang & vin repeu.

0649/5509 Pleurer le ciel : à il cela fait faire ?
La mer s'apreste. Annibal fait ses ruses,
Denys mouillé, classe tarde, ne taire
N'a sceu secret, & à quoy tu t'amuses ?

0650/5510 Venus Neptune poursuiura l'entreprise,
Serrez pensifs, troublez les opposans,
Classe en Adrie, citez vers la Tamise,
Le quart, bruit blesse de nuit les reposans.

0651/5511 Le Grand du ciel soubs la Cape donra
Secours Adrie à la porte fait offre,
Se sauuera des dangers qui pourra,
La nuit le Grand blessé poursuit le coffre.

0652/5512 La porte exclame trop frauduleuse & feinte
La gueule ouuerte, condition de paix,
Rhosne au cristal, eau, neige, glace teinte,
La mort, mort, vent, par pluye cassé faix.

0665/5701 L'indigne orné craindra la grand fournaise,
L'Esleu premier, des captifs n'en retourne,
[Grand bas] du monde l'Itale non à l'aise, [Bas grand]
Barb. Ister, Malte & le Buy ne retourne.

0666/5702 Senat et peuple, n'est content chef délaisse
La cité en armes, le palais on menace,
Les exilés, des exilés ont dressé,
Suyvant le lynx, la nuict mort sur la glace.

0667/5703 Fort est a craindre celle expedition,
Celebres morts fuitif est reprins :
Ne sera, vaine, la grande esmotion,
Point n'entrera, qui doutoit d'estre prins.

0668/5704 Fait desloyal, mis en mains d'ennemys,
Prins, de nuit, entre, sort, sinistres intrudes
Monstre, du grand conseil bon, l'enfant mis
L'embusche à Siene, et aux Isles stecades.

0669/5705 Conioint icy, au ciel appert depesche,
Prise, laissée mortalité non seure,
Peu pluye, entrée le ciel la terre seche,
Defait, mort, pris arriué à mal'heure.

0670/5706 Victor nual à Houche, Anuers diuorce,
Né Grand du ciel feu, tremblement haut brule
Sardaigne bois, Malte, Palerme, Corse,
Prelat mourir, l'vn frape sus la mule.

0671/5707 L'heraut errant du chien au lion tourne,
Feu ville ardra, pille, prise nouvelle,
Decourir fustes, princes pris, on retourne,
Explor. pris Gall. au Grand iointe pucelle.

0672/5708 De la grand Cour banni, conflit, blessé
Esleu, rendue, accusé, mat. mutin,
En feu cité Pyr. eaux, venims, pressé,
Ne voguer onde, ne facher les Latins.

0673/5709 Mer, terre aller, foy, loyauté rompue,
Pille, naufrage, à la cité tumulte,
Fier, cruel acte, ambition repeue,
Foible offensé : le chef du fait inulte.

0674/5710 Froid, grand deluge, de regne dechasse,
Niez, discorde, Trion Orient mine,
Poison, mis siege de la cité chassé,
Retour felice, neuue secte en ruine.

0675/5711 Mer close, monde ouuert, cité rendue,
Faillir le Grand, esleu nouveau, grand brume,
Floram patere, entrer camp, foy rompue,
Effort sera seure à blanche plume.

0676/5712 Tutelle à Veste, guerre meurt, translatée,
Combat naual, honneur, mort, prelatre,
Entrée, decez, France fort augmentée,
Esleu passé, venu à la mal'heure.

0677/5801 Puisné Roy fait funebre epithalame,
Sacrez esmeus festins, ieux. soupi Mars,
Nuit larme on crie hors on conduit la Dame,
L'arrest & pache rompu de toutes pars.

0678/5802 Latins esmeux, Gallots dans Rome entrez
Mars par trois pars fureur ouvrira veine
Gennes a faim, ligueurs mal accoustrés
Trembler l'Insubre, Nive et la demi-laine.

0679/5803 Vaine rumeur dedans la hierarchie,
Rebeller Gennes : courses, insults, tumultes,
Au plus grand Roy sera la monarchie,
Election, conflict, couuerts, sepultes.

0680/5804 Par la discorde defaillir au defaut :
Vn tout à coup le remettra au sus,
Vers l'Aquilon seront les bruits si haut,
Lesions, pointes à trauers, par dessus.

0681/5805 La mer Tyrrhene de differente voile,

Par l'Océan seront divers assauts,
Peste, poison, sang en maison de toile,
Presults, legats esmeus marcher mer haut.

0682/5806 Là ou la foy estoit sera rompue :
Les ennemis les ennemis paistront,
Feu ciel pleura, ardra, interrompue
Nuit entreprise, Chefs querelles mettront.

0683/5807 Guerre, tûnerre, maints champs depopulez,
Frayeur & bruit, assault à la frontière,
Grand Grand failli, pardon aux Exilez,
Germainz, Hispans, par mer Barba. banniere.

0684/5808 Bruit sera vain, les defaillans troussiez :
Les Razes pris : esleu le Pempotan :
Faillir deux Rouges & quatre bien croisez.
Pluye empeschable au Monarque potent.

0685/5809 Fait descouvert, prins captif, mer passer
Paix non Paix, traité rompu, non mariage
Camp cité neufve, mylayne, fort dresser
La pointe et corne courra sus au forage.

0686/5810 Pluye, vent, classe Barbare Ister, Tyrrhene
Passer holcades Ceres, soldats munies,
Reduits bienfaits, par Flor. franchie Siene,
Les deux seront morts, amitez vnies.

0687/5811 Venus la belle entrera dedans FLORE,
Les Exilez secrets lairront la place,
Vefues beaucoup, mort de Grand on deplore,
Oster du regne, le Grand Grand ne menace.

0688/5812 Jeux, festins, nopces, mort Prelat de renom,
Bruit, paix de trefue, pendant l'ennemi mine,
Mer, terre & ciel bruit, fait du grand Brennon,
Cris or, argent, l'ennemi l'on ruine.

5900 D'esprit diuin l'ame presage atteinte
Trouble, famine, peste, guerres courir,
Eaux, siccitez, terre & mer de sang teinte,
Paix, trefue, à naistre, Prelats, Prince mourir.

0689/5901 Plus le Grand n'estre pluye au char le cristal,
Tumulte esmeu de tous biens abondance,
Rasez, Sacrez, neufs, vieux espouuantal,
Esleu ingrat mort, plaint, ioye, alliance.

0690/5902 Grain corrompu air pestilent locustes,
Subit cherra, noue nouvelle naistre,
Captifs ferrez, legers, haut bas, onustes,

Par ses os mal qu'à Roy n'a voulu estre.

0691/5903 Saisis au temple, par sectes longue brigade,
Esleu rai au bois forme querelle,
Septante pars naistre nouvelle ligue
De là leur mort, Roy apaisé nouvelle.

0692/5904 Roy salué Victeur, Imperateur,
La foy faussée, le Royal fait congnu,
Sang Mathien, Roy fait superateur
De gent superbe, humble par pleurs venu.

0693/5905 Par le despit nopces, epithalame,
Par les trois parts Rouges, Razes partis,
Au ieune noir remis par flamme l'ame,
Au grand Neptune Ogmius conuertis.

0694/5906 De maison sept par mort mortelle suite,
Gresle, tempeste, pestilent mal, fureurs,
Roy d'Orient, d'Occident tous en fuite,
Subiuguera ses iadis conquereurs :

0695/5907 Predons pillez, chaleur, grand secheresse :
Par trop non estre, cas non veu, inouï,
A l'estranger la trop grande caresse,
Neuf pays Roy, l'Orient esblouy.

0696/5908 L'vrne trouuée, la cité tributaire,
Champs diuisez, nouvelle tromperie,
l'Hispan blessé, faim, peste militaire,
Moq. obstiné, confus, mal, resuerie.

0697/5909 Vierges & vefues, vostre bon temps s'approche,
Point ne sera ce que lon pretendra,
Loin s'en faudra que soit nouvelle approche,
Bien aisez pris, bien remis, pis tiendra.

0698/5910 Icy dedans se paracheuera,
Les trois Grands hors, le BON-BOVRG sera loing,
En contre d'eux l'vn d'eux conspirera,
Au bout du mois on verra le besoin.

0699/5911 Propos tenus, nopces recommencées,
La Grande Grande sortira hors de France,
Voix à Romagne de crier non lassée,
Reçoit la paix par trop feinte assurance.

0700/5912 La ioye en larmes viendra captiuer Mars,
Deuant le Grand seront esmeus Diuins :
Sans sonner mot entreront par trois pars,
Mars assoupi, dessus glas troutent vins.